

COLONIS VETERUM

QUAM,

FAVENTE SUMMO NUMINE,

EX AUCTORITATE

RECTORIS MAGNIFICI,

ANNAEI YPEIJ.

Theol. Doct. atque Professoris Ordinarii,

AMPLISSIMI SENATUS ACADEMICI CONSENSU,

ET NOBILISSIMAE FACULTATIS PHILOSOPHIAE

THEORETICAE ET LITTERARUM HUMANIORUM

DECRETO,

PRO GRADU DOCTORATUS

IN PHILOSOPHIA THEORETICA ET LITTERIS HUMANIORIBUS

RITE AC LEGITIME CAPESSENDO,

Publicae disceptationi offert

RUDOLPHUS HELPRICHUS EYSSONIUS WICHERS,

AMSTELABDAMENSIS.

in Choro Templi Academici.

A. d. xxx Aprilis MDCCLXXV. Hora xi.



GRONINGAE, Apud

J. O O M K E N S,

Academiae Typographum.

DISSERTATIO HISTORICO-
LITERARIA INAUGURALIS,
DE
COLONIIS VETERUM.

QUAM,

FAVENTE SUMMO NUMINE,

EX AUCTORITATE

RECTORIS MAGNIFICI,

ANNAEI YPEIJ,

Theol. Doct. eiusdemque Professoris Ordinarii,

AMPLISSIMI SENATUS ACADEMICI CONSENSU,

ET NOBILISSIMAE FACULTATIS PHILOSO-

PHIAE THEORETICAE ET LITERARUM HU-

MANIORUM DECRETO,

PRO GRADU DOCTORATUS

IN PHILOSOPHIA THEORETICA ET LITERIS HU-

MANIORIBUS RITE AC LEGITIME CAPESSENDO,

Publicae disceptationi offert

RUDOLPHUS HELPRICHUS EYSSONIUS WICHERS,

AMSTELAEDAMENSIS.

in Choro Templi Academici.

A. d. xxx Aprilis MDCCCXXV. Hora xi.



GRONINGAE, Apud

J. O O M K E N S,

Academiae Typographum.

Τὸ δὲ ἄρχειν ἐκ παντὸς τῶν ἀποικιῶν τὰς μητρο-
πόλεις, ὡς ἀναγκαῖον τι φύσεως νόμιμον, οὔτε ἀλε-
θὲς οὔτε δίκαιον ἤξιοῦτο ἰφ' ἡμῶν.

TULLUS HOSTILIUS apud DIONYSIUM HAL.

VIRIS
NOBILISSIMIS, AMPLISSIMIS,
HENRICO LUDOLFO WICHERS,

Icto.

ORDINIS EQUESTRIIS LEONIS BELGICI DECURIONI,
CONSILIO REGIS ADSRIPTO, COLLEGII CU-
RATORUM UNIVERSITATIS, QUAE GRONINGAE
EST, PRAESIDI, UNI EX MODERATORIBUS
SOCIETATIS DOCTRINARUM HOLLANDICAE,
QUAE HARLEMI EST, ETC. ETC.

et

ALBERTO GUILIELMO HOETH,

Icto.

VARIIS OLIM ET SUMMIS REIP. MUNERIBUS FUNCTO,
NUNC PROCURATORI CRIMINALI IN REGIONE
GRONINGANA;

COGNATIS OPTIMIS,

Hasce disertationes
omni debita reverentia
D. D. D.

AUCTOR.

P R A E F A T I O.



Septem circiter anni sunt, quod in hac Academia Literis Humanioribus et Iurisprudentiae operam dare coepi. Tempus tandem esse videbatur, Academicas lectiones relinquendi, conscribendique eo consilio disertationes, quibus, quos progressus, quantuloscumque tandem, in utroque hoc doctrinarum genere fecissem, probarem. Cuius autem generis materiem sumerem, qua exponenda, tum in Literis, tum in Iurisprudentia, summos capesserem honores, admodum me sollicitum esse, studiorum quidem, quem secutus eram, cursus non sinebat. Nam ab initio iam adeo in deliciis mihi historiae erat studium, ut cum eo cetera negotia intime aut coniungerem, aut, si haec sinebant, ab iis aliquot horas decernerem, et illi studio tribuerem; quae horae

mihi iucundissimae semper fuerunt et voluptatis plenae. In primis autem quum ad Iurisprudentiam accessissem, intelligebam, vere apud Ciceronem dixisse Pisonem: esse utilitatem in historia, non modo voluptatem; et Lucianum, ubi ait, ὅσοι δὲ οἰόνται καλῶς διαρρεῖν εἰς δύο τὴν ἱστορίαν, εἰς τὸ τερπνὸν καὶ χρήσιμον, . . . ὁρᾷς, ὅσον τὰληθοῦς ἡμαρτήκασι; πρῶτον μὲν, κιβδηλῶ τῇ διαιρέσει χρώμενοι· ἐν γὰρ ἔργον ἱστορίας καὶ τέλος τὸ χρήσιμον, ὅπερ ἐκ τοῦ ἀληθοῦς μόνον συνάγεται· τὸ τερπνὸν δὲ ἄμεινον μὲν, εἰ καὶ αὐτὸ παρακολουθήσειεν, ὥσπερ καὶ κάλλος ἀθλητῆ· minus vero recte Dionysium, qui, omisfa utilitate, primum officium historiarum scriptoris requisiverit, ut materiem eligat pulcram, quae legentium animos voluptate afficiat et perfundat, atque ideo Thucydidem deprehenderit, quod bellum non honestum, et Graecis infaustum descripserit, quod silentio premi atque oblivioni tradi satius fuisset. Serpit enim, nescio quo modo, historia per omnes artes, usque adeo quidem, ut quaevis doctrina, quo magis eius fulcro sit fundata atque fulcita, eiusve luce collustrata, eo firmior, certior, clarior habenda sit. Ut mirum non sit, ipsos veteres illius cognitionem dignam iudicasse, cui prae ceteris studeretur, ab eaque re illi nomen dedisse. Atque haud scio, an de ulla alia doctrina magis, quam de Iurisprudentia haec

va-

valeant, quae arctissimo cum historia coniuncta est vinculo. Quid enim sine historia est iurisprudentia? Quid iuvat, ut de uno Romano iure dicam, novisse, legem Caspam, Liciniam, Flaminiam, alias agrarias latas fuisse, nisi scias, quid singulis earum ansam dederit? Quid, leges duodecim tabularum memoriter decantare posse, si earum originem, Romanorum, qui illo tempore fuerint, mores, consuetudines, imperii constitutionem, nescias? Quid, omne ius Romanum, singularum eius legum verba in numerato habere, nisi scias, quo modo a parvis exortum initiis, tandem exactum fuerit monumentum illud, quod aere perennius sui nominis Iustinianus reliquit; nisi scias, quae rerum ratio liberae reipublicae, quae Imperatorum tempore fuerit? Quid iuvat novisse, post reges eiectos plebiscita instituta esse, et deinde legum vim accepisse; quid a Sulla, quid a Tiberio, quid ab Hadriano, quid ab aliis in iure fuerit aut mutatum aut renovatum; nisi historia doceat, quid aut mores, aut temporum rerumque ratio, quid singulorum studia, quid Imperatorum ingenia atque indoles ad ea contulerint? Immo vero Iurisprudentia sine historia nulla est; si quidem legum mentem atque indolem novisse et habere perspectas, magis, quam earum verba tenere, Iurisconsulti est. —

Quid contra historia est sine Iurisprudencia? Quid refert novisse, apud Ceos legem fuisse, qua, qui sexaginta annos excessissent, e vita tollerentur, ut reliquis victus sufficeret? Quid, Magophoniam a Persarum proceribus commissam, atque deinde tanquam festum celebratam fuisse? Quid, Pisistratum Athenis imperasse, Pausaniam imperio orbatum esse? Quid, Tarquinium exactum, Bruti filios caesos, Caesarem occisum esse? quid alia multa, nisi secundum certam normam, fallere nesciam, diiudicaveris, quid iustum, quid iniustum in iis sit, quid iuri, sive quod ante saecula semper fuit et ubivis terrarum idem, sive quod a populis est receptum, conveniat, aut ab eo recedat? — Perspicuum est igitur, arctissimo utramque doctrinam vinculo esse coniunctam, adeo quidem, ut plusne historiae iurisprudencia, an iurisprudenciae historia commodi afferat et adiuventi, determinare non auserim. Historiam dico, non quae ex recentiorum scriptis, ut fere fit ab iis, qui fontes non vident, rivulos consectari delectantur, sed ex ipsis veteribus, tanquam puro fonte petatur. Cui rei quum per hos tres praesertim annos severiorem operam dare inceperim, excerpta ex illis atque annotationes faciunt, ut, de historia facilius, quam de quavis alia disciplinae parte, quid proferam. Est

Est etiam quod lectorem, si quem nanciscatur haec scriptiuncula, paulisper detineam, ut sciat qua re factum sit, ut de Colonia veterum potissimum scriberem, praesertim, cum haec commentatio in manus huius illiusve fortasse sit ventura, qui eam antea legerit. Scilicet, proximis his elapsis annis, a Societate doctrinarum Hollandica, quae Harlemi est, semel atque iterum proposita est quaestio, duabus contenta partibus, quarum altera de Colonia veterum quaereret, altera de horum exemplo ab hodiernis imitando. Ad cuius priorem partem, nam ad alterutram licebat, responsum conscripsi, minus ea spe, ut praemium reportaturus essem: quod in certamine, in quo cum viris bene eruditis atque literatis saepe concertandum est, iuveni sperare vix licet: quam eo consilio, ut rem penitus investigarem, atque vires exercitarem. Quidquid sit, nec commentatio alterius, qui mecum contendit, nec mea digna visa est, quae praemio ornaretur, sive quia iuveneliter nimis, atque adeo minus bene esset conscripta, cuius rei ratio in occulto non est, sive quia minus satisfaceret Societati, utpote quae forsitan ad utramque, immo vero ad posteriorem partem respondi mallet; quod opinatus sum ex ratione, qua nunc denuo eadem quaestio proposita est. Quod si hanc
com-

commentationem, qui de ea iudicium tulerunt, iidem nunc in lucem prodire videant, eos, quod mirentur, talem responsionem sibi esse oblatam, non habituros esse censeo, cum iuvenis auctoris nomen patefiat.

Existimavi tamen hanc commentationem sufficere, qua summos in Literis honores capesferem, praesertim quum ad id non perfecti quid requiratur, sed potius, ut ostendatur tempus non frustra consumptum esse. Cuius rei iudicium Benevolo Lectori relinquo.

DISSERTATIO HISTORICO- LITERARIA INAUGURALIS.

DE

COLONIIS VETERUM.

CAPUT PRIMUM.

DE COLONIIS PHOENICUM.

Coloniarum Phoenicum rationem descripturo; illud agere mihi est animus; ut, quoad eius fieri possit, inquiram, quaenam hac in re illi fuerint secuti, principia; qua ratione, quo consilio illas deduxerint, sive quam rationem secuti fuerint, aut in iis emittendis, aut in iis instruendis, ut illis principiis satisfieri posset, et denique quasnam utilitates ex coloniis perceperint, sive quatenus coloniae consilio, quo deductae erant, satisfecerint.

Ut autem commentatio nostra ordine progrediatur, pauca universe praemittamus de merca-

A

tu-

tura et navigatione Phoenicum, quod in primis necessarium duxi, quum hae cum eorum coloniis tam arcte cohaereant, ut de his non facile accuratum instituat iudicium, ab iis, qui illarum rerum notitia sunt imparati.

§ 1.

De Mercatura navigatione Phoenicum.

Inter omnes, quotquot fuerunt in antiquo orbe, populos, qui mercaturae et navigationi operam dederunt, nulli sane fuerunt, si latissimum, quo eas excercuerunt, campum, simul cum earum celebritate et perfectione, ad quam eas perduxerunt, spectemus, qui Phoenicibus palmam praeripere possent. Licet enim navigationis inventionis honor Aegyptiis tribuatur, Phoenices tamen sine omni dubio primi per mare navigarunt, et navigationem instituerunt, ut ea mercaturae inserviret (1), cum e contrario Aegyp-

(1) DIOD. SIC. V. 20. (ed. Wesfelingii) scribit: Φοίνικες ἐκ παλαιῶν χρόνων συνεχῶς πλέοντες κατ' ἐμπορίαν, πολλὰς μὲν κατὰ τὴν Λιβύην ἀποικίας ἐποιῶσαντο, οὐκ ὀλίγας δὲ καὶ τῆς Εὐρώπης ἐν τοῖς πρὸς δύσιν κεκλιμένοις μέρεσι, Cf. TIBULLUS, I. EL. 7. vs. 20.

gyptii in Nilo flumine navigarent, nec Aegypti oras relinquerent, tum quia ipsa illa regio sibi satis sufficebat, tum quia commercia peregrina, omniaque, quae ex mari adipiscerentur; aspernabantur, religione in primis obstante et sacerdotibus impredientibus, cum inter impios collocarent, qui navi Aegyptum reliquissent (2) unde ad Neconem usque, quod quidem constat, nullius expeditionis ab iis mari susceptae a scriptoribus fit mentio. — Haec ita non fuerunt comparata apud Phoenices; horum enim regio mari adiacebat, neque adeo fertilis, ut sibi ipsa prospicere posset, sed ad navigationem idoneis portubus instructa erat; e Libano autem monte tantum omnis generis ligni sibi capere poterant, quantum ad clasces satis magnas aedificandas esset opus (3). Unde ratio in promptu est, ob quam Phoenices prae ceteris populis mercaturae et navigationi maximam operam dederint. Licet vero Phoenicum mercatura et navigatio aequae ac ceterarum gentium ab origine pyratice esset, itaque celebrentur ab Homero (4) primi tamen

na-

(2) CHAEREMON apud PORPHYRIUM. *de abst.* IV. § 8. *οἷγε ἐν τοῖς ἀσεβεστάτοις ἐτίθεντο πλεῖν ἀπ' Ἀγύπτου* (edition. I. de Rhoer).

(3) DIOD. SIC. XIX. 58.

(4) HOMERUS. *Odyss.* XV: vs. 402 seq. Cf. HEROD. I init.

navigationem perfecerunt, quod astronomiam inventam ad navigationem adhibuerant, (5) qua doctrina naves secundum certam aliquam normam dirigere, et ad remotiores orbis partes navigare possent. Tempore iam belli Troiani pleraeque maris Aegaei insulae ab iis occupatae erant (6), quas tamen deinceps relinquere maluerunt, Graecorum potestate identidem crescente, cum suis in rebus non facile aemulos se habere paterentur, et sua itinera ad alias fertiliores regiones dirigerent.

Vergebat autem eorum navigatio in primis per mare Mediterraneum; ad utramque eius oram appulerunt, praesertim in partem septemtrionalem Africae et inferiorem Hispaniae oram, ibique tum etiam in multis insulis, multas condiderunt colonias. — Haec itinera a scriptoribus plerumque figuratim describuntur et Herculi tribuuntur (7), quem Phoenices tanquam Deum patrium sub nominibus *Melcarti* et *Diodan* honorabant, cuique omnes periculi plenas expeditiones adscribenda esse existimabant. — Exemplum hic apponere iuvat, ut pateat, quam late iam

(5) STRABO XVI. pag. 1098. ed. Almelóv.

(6) HOMERUS *Il.* VI. vs. 289 seq. XXIII vs. 743 seq.

(7) DIOD. SIC. IV. 17 et passim.

iam antiquissimis temporibus fuerint propagata commercia et navigationes Phoenicum. Israëlitarum, devictis Madianitis, inter praedas a devictis captas, cum ceteris metallis, inveniebant stannum (8), cuius tamen fodinae nec apud Madianitas, nec apud eorum vicinos erant. Eiusdem metalli insignis etiam apud Graecos, iam tempore belli Troiani, usus erat, teste Plinio (9). Eo enim praeclari in hoc bello heroes Agamemnon et Achilles ornati erant (10). Scriptores autem satis docent, haec multaue alia metalla, in Hispania et Lusitania antiquitus esse effossa; Phoenices autem, cum primi et antiquissimis temporibus soli ad has oras venirent, solos haec metalla aliis populis potuisse suppeditare (11). Attamen Graeci, et sua adhuc aetate Herodotus, unde haec metalla petierint Phoenices ignorabant (12). Ex quibus simul patet, quam caute caverint Phoenices, ut, quae suscipiebant itinera, alios populos laterent, et illarum divitiarum fontes aliis ne aperirent, quod prin-

ci-

(8) Num. XXXI. Comm. 22.

(9) PLINIUS XXXIV. 16.

(10) HOMERUS II. XI. vs. 34. XVIII. vs. 613.

(11) STRABO III. p. 219. DIOD. SIC. V. 38. STEPHANUS de Urbibus voce Ταφρήσσοις.

(12) HEROD. III. 115.

ciplum Carthaginienſes deinceps etiam ſunt ſecuti. Nec mirum! Cum eorum mercatura permuta-
tione fere contineretur, atque adeo ſi re-
giones, ex quibus illa petebant, aliis innotuiſ-
ſent, aliique in eas adveniſſent populi, hi for-
taſſe pretium duplo et triplo maior, quam Phoe-
nices, reddidiſſent, et ſic horum mercaturae valde
noxii fuiſſent; quantopere autem Phoenices,
quod ad mercaturam attinet, prae ceteris aeſti-
marentur, ex illo licet efficere, quod Aegyptii,
quorum conſtans ceteroquin inſtitutum erat,
ut omnibus peregrinis in ſuam regionem aditum
recuſarent, Phoenices tamen benigne accepe-
rint, et Memphis tribum ab iis habitari paſ-
ſi ſint (13).

Tanta celebritate Phoenices utebantur, ut,
ſi quis populus aliquam per mare expeditionem
ſuſcipere vellet, is ſeſe ad Phoenices con-
verteret, ab iis, has melius edoctis, petentes,
ut ſibi conſilio auxilioque adeſſent. Sic ex-
peditio Salomonis ad regionem Ophir ducibus
in primis facta eſt Phoenicibus, qua una qua-
dringenta et quinquaginta talenta auri ad Salo-
monem miſerunt (14). — Sic Neco Aegypti rex
Phoe-

(13) HEROD. II. 112.

(14) I. *Regum* IX. 26 ſeq. II. *Paralip.* VIII. vs. 18,

Phoenices adhibuit ad Africam circumvehendam (15). In celebri illo bello inter Persas et Graecos, qui *Perfici* sive *Medici* venit nomine, Persarum clasfis magna ex parte navibus Phoenicum erat composita (16); argumento navigationis Phoenicum ad maximum perfectionis gradum deductae. — Ex his intelligi potest, quanta fuerit Phoenicum mercaturae et navigationis fama, neque immerito in sacris litteris *mercatores κατ' ἐξοχήν*, eos dictos fuisse (17) et Lucianum (*in Toxari*) asseruisse, nullos fuisse Phoenicibus *θείοντες ἐμποροῦς*; immo Prophetam Iesaiam eorum urbem Tyrum *coronam*, huiusque mercatores *Reges* dixisse, *principesque totius terrae* (18). Et, si Phoenicum indolem, eorum prudentiam civilem, legum mentem animadvertamus, omnia videmus ad unum consilium referenda esse, et uni instituto inniti, ut scilicet latissimam exercerent mercaturam, utque maris imperium sibi concilia-

(15) Historiam huius itineris enarrat HERODOTUS IV. 42. —

(16) HERODOTUS VI. 33. Cf. *idem* VI. 6 ubi ait: τοῦ δὲ ναυτικοῦ φοίνικες μὲν ἔσαν προδρυμότατοι.

(17) Cf. GOGUETUS, *de l'origine des lois, des arts et des sciences*, tom. I. pag. 605.

(18) IESAIAS XXIII. vs. 8.

liarent (19). Atque huc pertinent innumerae illae coloniae, quas per totum fere orbem quoquo versum deduxerunt, quas omnes enumerare hic meum non est (20), sed ad quarum rationem explicandam et consilium, quod in iis condendis observarunt Phoenices, proponendum, nunc accedo.

§ 2.

De causis, ob quas Phoenices colonias emiserunt.

Variis populis varia fuit coloniarum deducendarum ratio, quod egregie tetigit Seneca; » Alii,” inquit (21), » longo errore iactati non » iudicio elegerunt locum, sed lassitudine proximum occuparunt; alii sibi ius armis in aliena terra fecerunt; quasdam gentes, dum » ignota peterent, mare hausit; quaedam ibi » confederunt, ubi illas rerum inopia deposuit. » Nec omnibus eadem causa relinquendi, quae-
» ren-

(19) De progressu navigationis apud Phoenices egregia bene multa leguntur apud GOGUETUM l. I. et II pag. 548 seq. III p. 252 seq. —

(20) Colonias illas enumeravit BOCHARTUS, in *Chanaan*: Op. tom. II. p. 351 seq. —

(21) *Consol. ad Helv.* c. 6. —

» rendique patriam fuit. Alios excidia urbium
» suarum hostilibus armis elapsos, in aliena spo-
» liatos suis expulerunt, alios domestica sedi-
» tio submovit; alios nimia superfluentis po-
» puli frequentia ad exonerandas vires emi-
» sit; alios pestilentia, aut frequens terrae hia-
» tus, aut aliqua intoleranda infelicis soli vitia
» eiecerunt, quosdam fertilis orae, et in maius
» laudatae fama corrumpit; alios alia causa ex-
» civit domibus suis.” Quamvis tamen, quod
neminem fugiet, hic nonnulla enumerentur,
quae non quidem coloniis, sed potius emigra-
tionibus nulla civitatis auctoritate ex patria
profectis, et adeo, coloniarum nomen minus
merentibus, originem dederunt. Nos vero, li-
cet tales emigrationes silentio non praeterire
animus sit, in primis tamen oculos vertimus ad
colonias, proprie ita dicendas.

Si, quae supra de mercatura et navigatione
Phoenicum disputavimus, mente volvamus, non
magna difficultate laborat inquisitio, quo con-
silio singulae eorum coloniae fuerint conditae;
ut enim omnia fere eorum instituta mercatu-
rae et navigationi sunt tribuenda, ita etiam, ut
eas eo latius propagarent, optimum iis fede-
bat consilium condendarum coloniarum. Non
aliter enim ac recentiores populi latam merca-
turam et navigationem exercentes, Phoenices
perspiciebant, colonias sibi necessarias esse, et fi-

ne iis omnia cetera ad mercaturam pertinentia vana fore atque inania. Hoc enim intelligitur tum ex veterum scriptorum testimoniis, tum in primis ex regionibus, in quibus coloniae illae conditae fuerant, et ex via, quam Phoenices navigando secuti sunt. — Colonias enim in primis condiderunt, in regionibus iis populis vicinis, quibuscum commercia exercebant. — Ita temporibus, quibus cum Graecis mercaturam exercebant, in insulis maris Aegaei et ad utramque eius oram colonias habuerunt. Praeter Cyprum enim, Rhodum, Cretam aliasque insulas, Cyclades, Samos, Chios, Euboea, Lesbos, Tenedos, Thasius, Cilicia, Pisidia, Solymorum regio, Caria, Bithynia, Paphlagonia, Thracia, Boeotia, diversis temporibus a Phoenicibus colonos acceperunt (22); qui illuc erant allekti opportunitate locorum et agrorum fertilitate divitiisque, ex quibus ipsos Phoenices multum percepisse lucri, infra videbimus. Simul atque vero Graeci maiores vires cepissent, atque civitates informassent, non tantum bene constitutas, sed etiam ad peregrinorum impetus et incursiones arcendas, idoneas, oras illas relinquebant Phoenices, aliarum regionum fructibus colligendis operam daturi.

Na-

(22) De his et nonnullis aliis vide BOCHARTUM, l. l. tom. II. pag. 351 seq.

Navigarunt autem deinceps in primis per mare Internum, praesertim in eas huius maris regiones, in quibus praecipuas habuerunt colonias, in Africam scilicet, Siciliam et Sardiniam, potissimum vero in meridionalem Hispaniae partem, divitiarum fama quondam celeberrimam et Phoenicum opulentiae principem fontem. Quid enim aliud indicant ea, quae de Hercule Phoenice a scriptoribus narrantur, quippe qui bellum paravit contra Chrysaorem, auri opulentia hoc nomen adeptum, quique per universam Iberiam regnare dicebatur (25).

Denique cum eorum coloniae ad oras plerumque essent sitae, luculenter ex hoc ipso constat, eas mercaturae causa conditas fuisse, quod Thucydides etiam diserte indicat, ubi dicit, colonias Phoenicum in Sicilia insulisque vicinis conditas fuisse *ἐμπορίας ἕνεκεν* (24). Phoenices enim, quorum regio nimis angustis erat inclusa limitibus, quam ut magnas copias instruerent, eamque bellicis expeditionibus per Asiam propagarent, non erat populus, qui bellicis expeditionibus operam daret; si autem eas suscipere vellent, peregrinis militibus utebantur

(23) DIOD. SIC. IV. 17.

(24) THUCYD. VI. 2.

tur (25); sed artibus pacis promovendis studebant, et cum orientem versus limites Phoenices non possent propagari propter potentia, quae eam circumdabant imperia, e contrario occidentem versus totum iis patebat mare Internum. Unde coloniae in eius oris aliisque in terris non ideo ab iis conditae sunt, ut multa imperia multasque gentes sibi subiicerent, sed quia necessariae erant sequelae eorum mercaturae et navigationis.

Harum autem coloniarum, quarum condendarum princeps consilium erat, ut mercaturae et navigationi inservirent, non omnium una et eadem plane erat ratio; tres potissimum species posunt referri. — Aliarum enim ratio erat, ut ex regionibus in quibus conditae erant, coloni merces peterent. Huc omnes illas referendas esse crediderim, quae in Hispaniam et deinceps ultra Herculis columnas erant emissae; si enim Phoenices divitiis quid valuerint, illud sane hisce regionibus debebant, utpote antiqui orbis ditissimis. Aliae deinde ideo mittebantur ut merces ex his regionibus haustas, aut eas, quas ipsi coloni secum ex Phoenice duxerant, aliis populis venderent aut permutarent. Huc pertinent coloniae in Graeciam deduc-

(25) EZECHIEL, XXVII. 10, 11.

ductae, quae iam antiquissimis temporibus magnum cum Graecis commercium habuerunt. Aliae denique, ut in iis merces tuto possent deponi, ut emporia essent et stationes, quae mercatori in longinquas regiones naviganti non tantum sunt utilissimae sed quibus ne carere quidem potest. Huic autem rei in primis inserviisse videntur nonnullae maris Interni insulae Sicilia, Sardinia et Baleares (26); licet tamen ob hanc rem solam non conditae essent, sed simul ut regionis fertilitate Phoenicibus prodessent.

Eadem principia ac metropolis secuta est Phoenicum colonia Carthago, quae etiam, quoties mercatura et navigatio illud postularent, colonias emittebat, cuius tamen non omnes coloniae mercaturae et navigationis causa deductae fuerunt; nam earum, quae in inferiorem Africae partem deducebantur, ratio erat ut agriculturam excercerent illi coloni.

A-

(26) De Melite insula, diserte illud tradit DIONORUS SIC. V. 12, quam Phoenices *καταφυγὴν εἶχον, εὐλίμενον οὔσαν*.

Eodem consilio Carthagenienses Phoenicum maiorum suorum exempla secuti in insulam Pityusam coloniam deduxerant, utpote quae *λιμένας* haberet *ἀξιολόγους, καὶ τειχῶν κατασκευὰς εὐμεγεθεῖς*. DIONORUS SIC. V. 16. Atque hinc opportuna iis fuit propter commercium cum Hispania.

Carthaginiensibus praeterea alia coloniarum deducendarum ratio erat, a Phoenicibus plane aliena; ut scilicet totas gentes totasque regiones armis sibi subiicerent. Huius quidem diversitatis ratio non longe quaerenda videtur. Ipse Phoenices situs inter populos potentiores impedivit, quominus huic rei operam navarent Phoenices. Hic autem situs nisi obstitisset, Phoenices aequae ac omnes republicae liberae, tam antiqui, quam recentioris aevi, regni limites bellicis propagare studuissent; Carthago quidem, ut Phoenice, ad mare sita erat, attamen ex Africa tot milites mercede sibi conducere poterat, quot ad bellicas expeditiones etiam maximas sibi esset opus. Accedebat, quod non, uti Phoenice, magnis regnis et imperiis, sed a nomadibus parum cultis et civitati potentissimae facile servientibus esset cincta. Hinc ratio coloniarum provinciarumque Carthageniensium adeo erat constituta, ut in quibus rebus diversae vel similes fuerint, non facile distinxis, cum principia occupandi apud eos ex coloniis provenirent, uti recte monet Cl. Heerenius (27). — Alia vero huius diversitatis causa in eo quaerenda videtur, quod Phoenices
per

(27) *Ideén*. th. II, abth. I, pag. 73 et 99.

per longam seculorum seriem cum nullis fere populis bellis implicarentur, et mercaturam quieti exercere possent, nullis aemulis obstantibus, cuius rei causa esse videtur, quod illis praesertim temporibus mercaturam exercuerint, quibus si hic vel ille populus potentia aliquantum cresceret, sine damno horum regiones relinquere potuerint, alia loca illo aevo minus frequentata et feliciora quaesituri. Carthago vero illis temporibus florebat, quibus plura iam magna imperia exstiterunt. Alexandriae et Romae potentia gloriaque crescebant, easque aemulas nanciscebatur Carthago, quarum igitur opes metuens, reipublicae fines propagare, eosque, quoad eius fieri posset, contra illorum invasiones defendere et tueri, prudentia civilis iubebat.

Alterum consilium, quo Phoenices colonias deduxerunt, erat, ut ita nimia superfluenta incolarum turba civitas liberaretur. Tales quidem coloniae non emittuntur, ut mercaturae inserviant, sed potius has sequantur necesse est. Civitates enim parvi ambitus, in quibus mercatura et navigatio praecipui sunt fontes, unde cives vitam quaerant, brevi, multis advenientibus advenis, numero civium, in primis inferioris conditionis, nimis magno onerantur, qui, si omnes non satis habeant, unde vitam sustentent, multarum barbararum et motuum civilium necessaria sunt causa, civitatique magna dam-

damna solent afferre (28). Constans etiam hoc consilium apud Phoenices erat et esse debuit, secundumque illud plures ab iis variis temporibus emissae sunt coloniae. Huic causae multae illae coloniae tribuuntur, quae cum Cadmo eiusque sociis ex Phoenice migrarunt post Israelitarum in Phoenicem adventum; coloniae in Africam misae et Uticae conditae eandem causam refert Iustinus (29).

Tertium fuit coloniarum genus, quae proprie non ipsa civitate auctore condebantur, sed ab iis, qui ex Phoenice profecti erant, certam aliquam coloniam condituri, et in regionibus, in quas itineris cursu et tempestate deferebantur, lociorum partem relinquebant, aut in alias regiones ex suis colonos mittebant. Hae igitur coloniae ducis magis auctoritate mittebantur, et principis coloniae auctore civitate emissae veluti pars erant. Inter quas igitur et illas, de quibus modo egi, aliquod fuit discrimen (30).

Non-

(28) Cf. HEEREN, *Ideën*. th. I, abth. 2, pag. 33.

(29) IUSTINUS, XVIII. 4.

(30) Hoc modo a Cadmo plures coloniae sunt deductae. Hic a rege iussus Europam quaerere, cum colonia ex Phoenice profectus, tempestate coactus ad Rhodum insulam appulit, ubi commorabatur, utque votum Neptuno solveret, Dei templum condidit, et ex itineris sociis aliquot huius

Nonnullae coloniae civilibus disensionibus, iisque subsecutae alterius factionis secessioni, originem debuerunt. Illis autem originem debuit celeberrima illa Carthago, quae ipsa deinceps multas etiam emittebat colonias, latissimamque exercebat navigationem. Eadem ratione alias colonias Leptidem condidisse tradit Sallustius (31).

Peculiarem denique causam, ob quam nonnunquam coloniae Phoenicem reliquerint, tradit Curti-

ius templi custodes reliquit. DIOD. SIC. V. 58. Relicta vero Rhodo prius quam in Boeotiam peteret, colonos etiam reliquit in insula Thera. HEROD. IV. 147. et Thaso *Idem* VI. 47. PAUSANIAS V. 25. ed. Kuhnii. In eodem itinere Cadmus colonias in oras Africae misit quarum meminit PRO-COPIUS. *de Bell. Vand.* II. 10, cuius tempore illarum vestigia saltem superfuisse videntur, cum inscriptionem Phoenicem columnarum in Africa Tungitana erectarum laudet in hanc mentem: ἡμεῖς ἔσμεν οἱ φύγοντες ἀπο προσώπου Ἰησους τοῦ λῆστοῦ υἱοῦ Ναυη. De iisdem loquitur Eusebius οὗτοι ἔφυγον ἀπο προσώπου τῶν υἱῶν Ἰσραηλ, καὶ κατῳκίσεν Τριπόλιν τῆς Αἰθιοπίας. Has autem easdem fuisse atque eas, quas Cadmus in Africam misit, ex eo colligitur, quod idem Eusebius docet, Cadmum tempore Iosue vixisse. Phoenician originem incolarum regionis, quam Graeci nomine Τριπόλις celebrant, ex trium eius urbium *Leptidis*, *Ocae* et *Sabratae* nominibus, linguae Phoenices probavit MIGNOTUS *Mem. de l' Acad. des Inscript. et bell. lettres.* tom. 34. pag. 172 seq.

(31) *Bell. Jug.* c. 78.

tius, » quia,» inquit » crebris motibus terrae, » cultores eius fatigati, nova et externa domicilia armis sibi met quaerere cogebantur» (32).

Nostra quidem disputatio eas in primis amplectitur colonias, quae ipsa civitate auctore deductae fuerunt, eas tamen, quae ad posteriores classes pertinent, hic non omittendas esse existimabam; quamvis enim ad proprie sic dictas colonias minus pertineant, tamen si ad nexum, quo deinceps semper cum metropoli iunctae erant, respiciamus, merito illae cum his coniunguntur; quamobrem de illis omnino tacere non oportere putavi.

§ 3.

De ratione et modo, quo Phoenices colonias deduxerunt.

Expositis consiliis et causis, quibus Phoenices ducti colonias emiserunt, nunc videamus, qua ratione quoque modo eas emiserint, five quae principia in iis emittendis fuerint secuti, ut coloniae consilio suo satisfacerent.

. Primum inquirendum esset, quinam coloni

a

(32) CURTIUS. IV. 4. Phoenicem terrae motus passam fuisse tradit POSIDONIUS apud STRABONEM. I, p. 100.

a Phoenicibus fuerint deducti, et qua ratione Phoenices eos elegerint. Haec tamen disquisitione eo difficilior est, quod nullibi, quod sciam, illud diferte docetur; at vero ad ipsam coloniarum rationem earumque causas respicientibus conicere liceret, colonias non raro e supervacua hominum multitudine fuisse compositas. Neque hoc omni veri specie carebit, dummodo cogitemus, quae supra disputavimus, colonias saepius fuisse emissas, ut numero civium nimis magno parvi ambitus civitas liberaretur, quod saepissime in civitate, in qua mercatura et navigatio exercentur, locum habere potuit.

Hinc coloniarum locii inferioris plerumque videntur fuisse conditionis; honestiores enim, laetioribus fortunae donis fruantes, nec meliora sperantes, in patria ad sua augenda commoda satis idonea manere maluerunt, quam peregre abire, sub alio coelo quaesituri, quod in patrio solo iam invenerunt. Quod tamen quanto-pere ipsis coloniis noceat, et quatenus tales minoris pretii sint habendae illis, quarum locii honestiores sunt homines, non est quod dicam (35).

Co-

(33) Vere dixit Ill. PRADTIUS, in opere: *les trois ages des colonies*. tom. II. pag. 226. „La colonie ne peut manquer de se ressentir des vices des habitans primitifs, comme les races se ressentent de ceux de leur auteurs.” Qui

Coloniae Cartheginiensium non ex ipsius Carthaginis civibus compositae erant, nisi ex pauperioribus. Hi vero non eo consilio patriam relinquebant, ut in novis sedibus perpetuo habitarent, sed ut brevi, ad victum satis sibi compararent (34). In Periplo autem Hannonis disertè legimus, hunc iussum fuisse extra Herculis columnas navigare, et colonias ex Liby-Phoenicibus condere. Hoc tamen antiquitatis monumentum nos non docuit, quare ex Liby-Phoenicibus hae coloniae fuerint compositae; num ut in novis sedibus agricultura etiam coleretur, an vero propter alias rationes.

Coloniae Phoenicum pleraeque mercaturae et navigationis causa fuerunt conditae, quas cum praesertim per mare Internum exercerent, quid cum rei natura magis convenit, quam quod per colonias sese etiam per idem mare ab oriente ad occidentem versus propagarent. Eo pertinent omnia, quae de Herculis Tyrii per hoc mare itineribus narrantur.

Praecipue autem haec itinera Hispaniam versus suscipiebantur, cum haec maximam Phoenicibus

deinde vehementer gentes Europaeas reprehendit, quod infimorum hominum colluvie colonias repleverint. Quod tamen num illis magis, quam ipsius rei rationi,tribuendum fuerit, equidem determinare non ausim.

(34) ARISTOTELES. *Polit.* IV. 5.

bus mercaturae copiam tribueret. Hinc Ezechiel Propheta Tyrum ita alloquitur: » Naves Tharsis te canebant propter commercium quod tecum habebant'' (35). Non sine prudentia regiones ad sua consilia idoneas et coloniis aptas eligebant Phoenices; cum enim non illud eorum institutum esset, ut per colonias totum sibi subiicerent terrarum orbem, utque vastum et latissimum haberent imperium, omnibus gentibus metuendum, sed ut mercaturam magis magisque propagarent, et ex ea maxima commoda et emolumenta perciperent, colonias in iis maxime regionibus condiderunt, quae huic consilio maxime convenirent. Hinc eorum colonias in fertilioribus terrarum partibus et situ suo commodissimis invenimus; neque colonias in talibus regionibus condiderunt, quas certo sciebant, nec mercaturae nec navigationi fore utiles, licet etiam per alias res alios populos allicerent.

Pleraeque coloniae in maris oris et insulis sitae erant, quod etiam consilium Carthaginenses sunt secuti. Perspexisse scilicet videntur, quanto pretio tales praestent iis, quae in interiore terrarum parte sunt positae. Non enim tanto navium et copiarum numero iis opus erat, neque ita facile

(35) EZECHIEL. XXVII vs. 25. Cf. IESAIAS. LX. 8, 9.

le fortes aemuli metuendi; ubi autem hi sese offerrent, facilius averti poterant; quae omnia etiam perspexerunt nostri maiores, qui tot colonias in orientalibus insulis condiderunt. — Neque populos mercaturae et navigationi operam dantes, et per colonias eas propagare studentes decet, occupare loca, nisi videant, quo modo tuto ea possint conservari, quid utile, quid noxii ex iis sit, et qua ratione singula consilio suo idonea haberi possint. — Hinc Phoenices caute caverunt, ne simul cum aliis populis colonias in iisdem regionibus haberent. Supra iam monui, eos, Graecis potentia crescentibus, Asiae minoris oris insulisque maris Aegaei cessisse. Eodem modo, deinceps Siciliam fere totam Graecis reliquerunt, et in alias regiones, Motyan, Soloen et Panormum petiverunt (36). Neque alias extranearum gentium colonias, aut peregrinos in regionibus, suis coloniis occupatis, patiebantur. Exinde fortasse etiam explicandum, quod ceterae gentes omnes nesciverunt, unde divitias suas peterent Phoenices, qua de re supra iam egimus.

Idem plane consilium secutos fuisse Carthaginienses, ex utroque foedere patet, quod cum Romanis fecerunt (37). Eorum tamen agendi

ra-

(36) THUCYD. VI. 2.

(37) Apud POLYB. tom. I, p. 434, 437. ed. Schweigh.

ratio ceteroquin immanior erat, et iuri, quod inter gentes constituit natura, minus conveniens. Narrat enim Strabo (38), eos peregrinos, qui in Sardiniam, aut ad Herculis columnas navigarent, maris fluctibus merfisse.

Carthaginienses tamen in emittendis coloniis et in regionibus hisce aptis eligendis, confilia secuti sunt, quae Phoenices plane ignorabant, saltem male observabant; unde Carthaginiensium coloniae Phoenicum coloniis multo meliores erant. Hi, scilicet, quamquam omni cura studerent, ut in optimis regionibus colonias haberent, tamen eas in regionibus condiderunt a metropoli remotioribus, quam ut classes et copiae eorum iis sufficerent. Hinc coloniae primum quidem metropolin venerabantur, deinde tamen, earum potentia identidem crescente, et felici situ iis favente, brevi eius obliviscebantur; et, suo ipsae periculo mercaturam et navigationem exercentes, ipsam metropolin superabant. — Coloniae vero Carthaginiensium metropoli magis erant vicinae, quippe quae ad eius orientem et occidentem iacebant. Unde Carthago coloniis suis quasi erat cincta, adeo ut brevi itinere in insulas venire possent; praeterea coloniae, licet *urbium* nomine saepius insigne-

ren-

(38) STRABO. *lib.* XVII, pag. 1154.

rentur, ab origine tamen non erant nisi arces (*φρούρια*), quarum potentia ne nimis cresceret, sedulo cavebat metropolis. Hinc nulla eius coloniarum metropolin potentia superabant, uti ipsa Carthago Tyrum, et apud alias gentes Masilia Phocaeam, Syracusae Corinthum, Cyzicum ac Byzantium Miletum (39), immo ne vires quidem cum metropoli tentare ausa fuit. — Ipsa autem rei ratio docet, gentes colonias condentes, quaeque, ut ex iis utilitatem aliquam caperent, iis imperare, et ceteris populis in coloniis constituendis praestare voluerunt, id in primis curare debuisse, ut navigationis progressus cum numero coloniarum essent coniuncti, utque inter utrumque aliqua convenientia et aliquod aequilibrium, quod dicitur, esset. — Hoc autem Carthaginienes melius, quam Phoenices, observasse, ex multis rebus satis patet (40).

§

(39) VELLEIUS PATERCULUS II. 15.

(40) Idem illud recentioribus temporibus caute observavit Britannia, eique in primis debuit, quod tantopere ceteris populis praestat. „Elle doit a cette attention la gloire dont elle brille, la richesse dont elle jouit et le rôle qu'elle joue sur la scène du monde.” Ita PRADIUS l. l. tom. II, pag. 224. Alia quaedam ad coloniarum Phoeniciarum deducendarum rationem pertinentia, prudens omisi, ne repeterem, quae hac de re annotavit Doct. BRAND, *disser.* de iure Coloniarum. pag. 42. seq.

§ 4.

*De modo, quo Phoenices colonias constituerunt
deque necessitudine inter eas et metropolin.*

Cum iam eo pervenerimus, ut Coloniarum Phoenicum rationem describamus, postquam in suas quaeque regiones advenerant, ita nostras res agere debere nobis videtur, ut ex hac §^o elucescat, quaenam fuerit ipsarum coloniarum conditio et ratio, quaenam necessitudo, tam inter eas et metropolin, quam inter ipsas colonias.

Difficilis est quaestio, num coloniae Phoenicum ab initio liberae fuerint civitates, an vero metropoli subiectae, propter paucissima rerum Phoeniciarum, quae supersunt, fragmenta. Suspiciari tamen licet eas ab initio liberas fuisse (41), et suam quasque propriam regiminis formam habuisse, quamvis plerumque hac in re metropolis exemplum secutas. Carthaginis vero coloniae eo consilio conditae fuisse videntur, ut statim easdem sibi subiectas retineret metropolis, qua igitur in re ab ipsa Phoenice diversa fuit.

Hu-

(41) De Coloniiis in Hispania egregie illud docuit HEERENIUS *Ideen*. th. 1, abth. 2, pag. 57.

Huius diversitatis rationem supra iam indicavi, situm scilicet coloniarum tam procul a metropoli Phoenices impedivisse, quominus colonias sub imperio retinerent. Hinc coloniae, quae metropoli magis erant vicinae, ei fortasse subiectae fuerunt, ut Cyprus, Rhodus, Creta etc. Tempore saltem quo Salmanazar Asfyriorum rex Phoenicibus bellum intulit, Cypri civitates contra Tyrios rebellarunt, neque ab hoc tempore ei amplius subiectae fuisse videntur, quamvis deinceps arctissimo etiam vinculo cum Tyriis coniunctae fuerint. — Tametsi vero pleraeque coloniae Phoenicum civitates fuerint liberae, et suam habuerint reipublicae formam, haec tamen ad exemplum metropolis fere erat informata, adeo ut magna esset inter colonias et metropolin hac in re convenientia. Nec mirum. In plerisque enim regionibus, ad quas appulerunt Phoenices, ingenia et mores ad maiorem gradum cultus nondum erant perducti, neque in iis certa regiminis forma locum habebat. Coloni autem ex patria cultum secum ducebant, civitatisque formam informabant. Quid vero rei naturae magis est conveniens, quam eos coloniae reipublicae patriam formam tribuisse, cui assueti erant (42). —

Age

(42) Eandem agendi rationem recentiores populi secuti sunt.

Age haec accuratius persequamur. — Tota Phoenice nunquam una erat civitas, sed quaeque urbs cum agris adiacentibus singularis erat civitas, cui, uti in antiquis civitatibus moris erat (43), praeerat Rex. Sic Tyrus (44), Aradus, Byblus etc. (45) regibus parebant. — Tempore etiam, quo Phoenices Persis erant obnoxii, iisque tributa pendere debebant, suis quaeque urbs regibus obtemperabat, eosque concilio Xerxis, Graecos debellare meditantis, interfuisse narrat Herodotus (46): ἐπεὶ δὲ, inquit, ἀπικόμενος προΐξετο, παρῆσαν μετάπεμπτοι οἱ τῶν ἐθνέων τῶν σφέτερον τύραννοι καὶ ταξίαρχοι ἀπὸ τῶν νηῶν, καὶ ἕζοντο ὡς σφί βασιλεὺς ἐκάστω τιμὴν ἐδεδώκεε· πρῶτος μὲν ὁ Σιδώνιος βασιλεὺς· μετὰ δὲ ὁ Τύριος· ἐπὶ δὲ ἄλλοι. Ex quo etiam loco patet, Sidonis maiorem rationem fuisse habitam, quam Tyri, propter-

sunt. — E multis unum exemplum sufficiat: „Le gouvernement civil et militaire du Bresil, est antièremment calqué sur celui de Portugal. C'est la répétition exacte de tout ce qui a lieu dans la metropole.” DE PRADT, tom. I, pag. 58.

(43) ARISTOT. *Polit.* I. 2. IUSTIN. I. init.

(44) Seriem horum regum ab Abibale ad expugnatam Tyrum a Nebucadnesare ex Menandro nobis tradidit IOSEPHUS in *Apton.* I, § 21. De Hiram Davidis aequali vide eundem *Ant.* VIII, c. 2. § 6, 7. Cf. II. *Sam.* V. 2. I *Reg.* IX. 2. I *Paralip.* XIV. 1.

(45) ARRIANUS *de Exped. Alexandri.* II. 20.

(46) HEROD. VIII. 67.

pterea, quod Sidon Tyro erat antiquior, et haec illius erat colonia. — Tempore etiam Alexandri, reges in Phoenice regnasſe, ex Arriano colligitur (47). Horum tamen imperium illimitatum non fuit, memorantur enim magistratus, qui cum regibus de rebus maioris momenti deliberabant (48); quae ſi non ad unam aliquam urbem, ſed ad plures pertinerent, ut de iis confilia caperentur, Senatus ſingularum urbium Tripolin fere conveniebant (49). Adeo ut Phoenice nomine *regiae*, re *liberae reipublicae* formam potius habuiſſe videatur: quod praeterea niſi aliunde ſciremus, ipſa rei ratio ſatis doceret; non enim, uti recte monet Heerenius (50), in civitate mercatura et navigatione tantummodo florente despoticum imperium per longam ſeculorum ſeriem vigere potuiſſet.

Ut Phoenices, ita cuiusque coloniae ſingularis fuit civitas, ſuam habens civitatis formam, quae fere erat reipublicae liberae, vel ſaltem ad eam proxime accendiſſe videtur. — Propter monumentorum inopiam fruſtra tentaveris accurate determinare, quaenam cuiusque earum fuerit

ra-

(47) Vide eum. l. l.

(48) *ὅτι ἐν τέλει* ARRIANO. (II. 15 et 24.) dicuntur.

(49) DIOD. SIC. XVI. 41.

(50) *Ideēn* etc. th. I, abth. II, pag. 21. Cf. MONTESQUIEVIVS, *Esprit des loix*. XIII. 14.

ratio. — De Tartesio testatur Herodotus, tradens Phocaeos eo venisse et benigne ab eius rege Arganthonio fuisse exceptos, qui iam octoginta annos ibi regnaverat (51). Gades vero reipublicae liberae formam habuerunt (52). Maxima autem invenitur convenientia inter formam civitatis Tyri et Carthaginis. Initio enim hanc regium imperium habuisse, ex iis, quae de Didone traduntur, effici solet; nondum tamen satis constat, num indeterminatum illud fuerit, uti nonnulli volunt. — Deinceps, (quo tempore nescimus) reipublicae liberae formam accepit, quae fere *aristocratica* erat. Magistratus a populo per suffragia creabantur, et divitiarum, dignitatis ac populi amoris ratio habebatur (53). Senatus maioris momenti res curabat et penes eum, temporibus saltem, quibus maxime florebat Carthago, reipublicae moderamen fuisse, coniecere licet ex bona rerum administratione, quam Carthagine locum habuisse, non semel indicant scriptores, quamvis illud certo dici nequeat, aequè minus, ac num illud concilium per-

(51) HERODOT. I. 163. huius etiam meminit CICERO *de Senectute*. c. 19.

(52) HEEREN. *Ideën*. I. 2, pag. 58.

(53) ὅπου οὖν ἡ πολιτεία βλέπει εἰς τε πλοῦτον καὶ ἀρετὴν καὶ δῆμον, οἷον ἐν Καρχηδόνι, αὕτη ἀριστοκρατικὴ ἐστὶ. ARISTOTELES. *Polit.* V. 7. Cf. II. 2.

perpetuum fuerit, quinam eius focii, et quī illi lecti fuerint. Senatum convocabant reges sive *Suffetes*, eique praeerant (54). Patet igitur ex paucis illis generatim propositis, maximam inter Phoenicem eiusque colonias fuisse convenientiam civitatis formae (55). Sed ulterius inquiramus, quatenus coloniae ad metropolis exemplum fuerint instructae.

Civitatibus Phoenices communis erat religio. Omnes eosdem Deos, in primis autem Herculem venerabantur; quae communis religio foederi, quod inter illas civitatis fuit, multum prodebat. Huius Dei templum primum erat in urbe Tyro, et Herodoti tempore adhuc supererat (56). Unde huic Deo *Tyrrii* cognomen. Hic est ille Hercules, cui, ut iam monui, Phoenices omnem mercaturae et navigationis gloriam tribuebant, cuiusque cultus in omnes colonias introducebatur, non tantum ab ipsis Phoenicibus, sed etiam ab eius coloniis, quae deinceps ipsae colonias condiderunt. Hinc Diodorus eum ap-
la-

(54) Hebraeorum *Scophetim*, quos Romani *Consules* dicunt. LIVIUS. XXX. 7. CORN. NEPOS. in *Hannib.* c. 7. FESTUS in *V. suffes*.

(55) Egregie hac de re dixit HEERENIUS (*Ideñ* I. 2, pag. 17 seq.) „wenn man die Bruchstücke“ etc.

(56) HEROD. II. 44.

pellavit τὸν Ἡρακλεα τὸν παρὰ τοῖς ἀποίκοις (57). Sic Phoenices, coloniam in insula Thaso condentes, huic Deo templum erexerunt, cuius meminit Eustathius: εἶχε δὲ ἱερὸν Ἡρακλείους ἢ Θασος ὑπο τῶν αὐτῶν Φοινικῶν ἰδρυνθέν, οἱ πλεύσαντες κατὰ σήτησιν τῆς Ευρωπῆς τὴν Θάσον ἐκτίσαν (58). Gadibus in eius honorem fanum cum sacris magnificis, Phoenicum ritu peragendis exstruxerunt, quod Diodori Siculi etiam tempore supererat, et non tantum ab ipsis Gaditanis, verum etiam a Romanis magna veneratione habebatur (59). Cadmus, postquam in insulam Rhodum venerat, in eius urbibus Ialisso, Camyro et Lindo templum condidit in honorem Neptuni, a Phoenicibus culti (60); huiusque cultus in multas alias colonias, in primis quae in Africae ora septentrionali erant sitae, introducebatur. Lep- tis Sidonis colonia pleraque Sidonica retinuit (61). Quamquam nonnunquam nova sacra instituerint, quae novis sedibus congrua essent

(57) DIOD. SIC. XX. 14.

(58) EUSTATH. *ad* DIONYS. vs. 323. — Cf. HEROD. l. l. et VI. 47.

(59) DIOD. SIC. V. 20. ARRIANUS. II. 16. ibique GRO-
NOV.

(60) DIOD. SIC. V. 58.

(61) SALLUSTIUS. B. I. c. 78.

sent (62), Herculem tamen Tyrium semper sum-
mopere coluerunt, cum ad ultima usque Tyri
tempora legatos Tyrum mitterent, huic Deo sa-
cra facturos. Ita Olymp. CXVIII. 3 magnam
pecuniae vim multaue alia pretio insignia Ty-
rum ad eum miserunt Carthaginienses (63). Sic
tempore, quo Alexander Magnus Tyrum obsidione
cingebat, legatos in Herculis honorem ad me-
tropolin miserunt (64). Carthaginienses etiam
in regiones, in quibus colonias condiderunt, unī
alicui Deo patrio templum erexerant, ut om-
nino patet ex Hannonis itineris descriptione, ex
qua docemur, hunc templa Neptuno erexisse.

Ritus et caerimoniae ad religionem pertinen-
tes a Phoenicibus in omnes colonias introduce-
bantur. Ita, morem hominum Diis immolan-
dorum Carthaginienses a Phoenicibus accepe-
rant (65). Certis autem temporibus, infantes
clarissimarum familiarum Saturno sacros dice-
bant. Diodorus huius rei egregium narrat ex-
emplum. Tempore quo Agathocles obsidio Car-
tha-

(62) De Gadibus hoc testatur DIODORUS sic. V. 20. ibi-
que WESSEL. Sic Proserpinae et Cereris sacerdotio clarissi-
mos civium Carthaginienses praefuisse, legimus apud eundem.
XIV. 77.

(63) *Idem.* XX. 14.

(64) ARRIANUS. II. 24. Cf. CURTIUS. IV. 2.

(65) Cf. CURTIUS. IV. 3.

thaginienſes premebat, hi, accepta clade, Saturnum ſibi adverſari exiſtimabant, quod, cum ſuperiori tempore filiorum praeſtantiſſimos huic Deo ſacrificarent, pueros deinde clam emtos et enutritos ad ſacrificium mitterent. Quamobrem cum hoſtes ante urbem caſtra habentes cerne-
rent, ad Deum placandum ducentos pueros, ex praecipua nobilitate delectos, immolarunt (66). Gelon Syracuſarum Rex, pacem cum Cartha-
ginienſibus faciens, inter alia etiam ſtipulatum fuiſſe dicitur, ut infantium Saturno immolando-
rum morem abrogarent (67), qua ſtipulatione nullam unquam pulcriorem vere dixit Montes-
quievius (68). Utinam tamen firmius eam te-
nuiſſent Carthaginienſes. Quod enim modo hu-
ius rei laudabam exemplum, ſerioris eſt tempo-
ris, eosque hunc morem retinuiſſe quam diu
urbs ſtetit, auctor eſt Dionyſius (69).

Religio cum rebus civilibus tum in Phoenice,
tum in coloniis arctiſſime coniuncta fuiſſe vide-
tur. Scimus enim in rebus publicis ſacra ple-
rumque fuiſſe facta. Quid? Omnes colonias duce
et

(66) DION. SIC. XX. 14.

(67) PLUTARCHUS. *Apophteg.* Op. tom. II, pag. 175. *de ſer. num vind.* pag. 552.

(68) *Eſprit des loix.* X. 5.

(69) DIONYS. HAL. *Ant. Rom.* I. 38.

et auspice Deo Hercule fuisse conditas, supra iam monui. Ita Hamilcar, quum bellum in Sicilia gerebat, sacra faciebat (70). Et uti in Phoenice pontificii munere principes viri fungebantur, qui ipsis regibus nonnunquam affinitate erant coniuncti, (ut Sichaeus, cuius soror Dido regis Pygmalionis erat uxor,) sic etiam Carthagine illustriores viri hoc munere ornabantur (71). Si igitur ex una colonia ad ceteras conicere licet, idem illud in his locum habuit. Saepius enim Carthaginis prae aliarum coloniarum exemplo uti cogimur, propterea, quod licet etiam de illa multa densis sint involuta tenebris, de ea tamen multo melius quam de ceteris Phoenices coloniis edocti sumus.

Coloniae denique Phoenicum leges, mores et linguam patriam retinebant. Notitia, quam legum Phoeniciarum habemus, angustis quidem est inclusa limitibus (72), attamen etiam si ea
nul-

(70) HEROD. VII. 167.

(71) Vide Cartali, Malei sive Malchi ducis, exemplum apud IUSTINUM. XVIII. 7.

(72) Hac de re merito conquiritur *Abbas MIGNOTUS*, vere dicens: „Le code de ces loix nous seroit très utile pour juger du caractère et du génie de cette nation, mais le peu de monuments qui nous restent, nous laisse presque tout à désirer sur ce sujet.” *Mem. de l'Acad. d. Inscript. et bell. lett.* tom. XL, pag. 48.

nulla esset, probatione fere haec non indigent, cum nihil verosimilius sit, et per historiam antiqui orbis magis confirmatur, quam colonias, illas, quibus in metropoli utebantur, retinuisse, quamobrem Cl. Hëynii sententiae, qua docet, certo statui posse colonias leges ac mores metropolis retinuisse, quoties alia defunt, quae contrarium probent, subscribere nullus dubito (73). De nonnullis praeterea illud disertè traditur; Sallustius testatur Leptidem Sidoniorum coloniam leges, cultus pleraque Sidonica retinuisse, eiusque linguam aliquo modo Numidarum connubio fuisse conversam (74). Abbas Mignotus peculiari disputatione (75) de legibus Phoenicum agit, et generatim affirmat, eas ab eorum coloniis fuisse retentas. Multis autem exemplis deinceps confirmat, earum tum ferendarum tum curandarum rationem, eandem in coloniis fuisse. Multarum etiam poenarum meminit, quas Carthaginienses ab auctoribus Phoenicibus acceperant. Multae illae coloniae, in ora septemtrionali Africae sitae, omnes linguam Phoeniciam retinuerunt, ea-

(73) HEYNII *Opusc. acad.* vol. II, pag. 178 cf. *ibidem* pag. 190, 200 seq.

(74) SALLUSTIUS *de Bello Iugurth.* c. 78.

(75) l. l. *mem.* 40.

eaque seculo etiam sexto aerae Christianae utebantur (76); unde; licet etiam alia deessent, de earum origine Phoenicia satis posset constare.

Quum igitur talis Phoeniciarum coloniarum conditio esset ac ratio, quum singulae ad exemplum metropolis essent constitutae, ne miremur maximam inter hanc et illas necessitudinem fuisse; et licet singulae illarum civitates liberae fuisse videantur, metropoli non subiectae, satisfaciebant tamen consilio quo emisae fuerant, in primis quod illud institutum Phoenices sequebantur, colonias constituendas esse ad metropolis exemplum, hinc patebant coloniarum portus navibus Phoenices, et poterat tuto commercium institui inter metropolin et colonias, princeps singularum deductarum consilium.

Coloni Phoenices quoque versum dispersi, neque originis obliviscebantur, neque novus fiebant populus, sed idem manebant, omniaque patria instituta retinebant, licet, regionibus et temporibus aliquantum accommodata. Hinc artismum illud inter metropolin et colonias vinculum, hinc illa pietatis coloniarum erga metropolin officia, illarumque cum hac necessitudo,

(76) PROCOP. *de bello Vand.* II. 10.

do, non alia atque inter liberos et matrem (77). Carthago, (huius in primis exemplo hic iterum uti iuvat), colonia libera, suo periculo mercaturam exercens, et Tyro potentia sua parum cedens, Carthago summa semper cum religione haec officia observavit; semper enim decimam lucri partem, aut eius quod ab hostibus ceperat Tyrum misit. Apollinis statuam aeneam, mirae magnitudinis, quam prope Gelam, Siciliae urbem, ceperat, Tyrum dono misit, quae ibi tempore Alexandri Magni adhuc supererat (78). Cartalo dimittebatur, ut decimam praedae partem, quam pater eius a Siculis ceperat, Tyrum duceret (79). Quo tempore Alexander Magnus arma contra Tyrum movebat, Carthago legatos misit, Tyriis auxilium promissuros, horumque uxores et liberos benigne excepit (80). Carthaginem Tyro auxilium in bellis praestitisse, deni-

(77) Hisce nominibus in historia saepius ornantur. Ita Tyrum *filiam* Sidonis dixit IEREMIAS XXIII. 12. Diutissime metropolis memoriam a coloniis servatam fuisse, ex eo intelligitur, quod ad Augustini usque aetatem, si quis e vulgo rusticorum circa Hipponem aut Carthaginem interrogaretur, quis esset aut cuius esset, respondebat se esse Chananaeum, id est Phoenicem. Vide BOCHARTUM *de Colon. Phoen.* I. 24.

(78) DIOD. SIC. XIII. 108.

(79) IUSTINUS XVIII. 7.

(80) CURTIUS IV. 1.

nique patet ex altero foedere inter Carthaginiensis et Romanos inito, in quo Tyrii inter socios nuncupantur, dummodo scilicet de nostra urbe Tyro, non vero de Tyro five Tysdro in Africa, ibi est sermo (81).

Tyrus contra sua officia erga colonias non deserebat, nec obliscebatur eas liberos esse ex se propagatos. Rogati enim a Cambyse Persarum rege, ut bellum contra Carthaginienses secum gererent, Phoenices huic rei satisfacere recusabant; quam longe autem ab hac re alieni essent, quamque arctum esset inter eos illud cognationis vinculum, ex verbis intelligitur, quae iis tribuit Herodotus: ὀρχίοισι τε γὰρ μεγάλοισι ἐνδεέσθαι, καὶ οὐκ ἂν ποίειν ὅσια, ἐπὶ τοὺς παῖδας τοὺς ἰωντῶν στρατευόμενοι (82). Fugiens Hannibal prospero cursu cum Tyrum pervenerat, a Carthaginis conditoribus, ut alia patria excipie-

(81) Huic sententiae, magis quam illi favere videtur HERKENIUS. *Ideñ.* II. 1, pag. 50 et II. 2, pag. 704, not. 3. Quod, si recte procedat, probat talia foedera inter ipsas saltem colonias obtinuisse. Hinc etiam Tyrii, hoc auxilio freti, maiori fiducia obsidionem saepe sustinuerunt, cum spem in Carthaginienses ponerent, a se progenitos. (DIOD. SIC. XVII. 40.) Hinc etiam Poeni Tyros hortati sunt, ut obsidionem forti animo paterentur, brevi Carthagine auxilia ventura. Vide CURTIUM. IV. 2.

(82) HEROD. III. 19.

piebatur (83). Haec autem officia pietati tantummodo innitebantur, adeo ut, nulla vi cogente, coloniae illa metropoli praestarent. Eadem illa necessitudo etiam inter Carthaginem eiusque colonias locum habuit. Quum autem supra notaverim, has non adeo liberas fuisse civitates, sed magis provinciarum formam habuisse, illa officia alio innixa fuisse fundamento, hic monuisse supervacaneum foret. .

Ut in Phoenice singulae civitates, ita etiam coloniae sibi vicinae, foedere erant iunctae, quarum una princeps erat, unde, quemadmodum Sidon et deinceps Tyrus erga ceteras urbes, ita videntur fuisse Gades et Carthago, ratione ceterarum Phoenicum coloniarum in Hispania et Africa (84). Hoc tamen foedus amicitia non semper inpium fuit, cum haec colonia illa potentior, viribus suis contra illam saepius abuteretur, illique dominare studeret. Quod in primis de Carthagine animadvertere licet, quae totam Africam armis sibi subiicere conabatur; et licet primum Uticae, se aetate maiori, parcere videretur, deinceps tamen haec maiorem Carthaginis potentiam agnoscere coacta est, cuius rei tandem pertaesi Uticenses, post bellum
Pu-

(83) LIVIUS XXXIII. 49.

(84) Cf. HEERENIUS, *Idēn.* tit 1, abth. 2, p. 15.

Punicum primum, tota Africa contra Carthaginem commota, cum aliis ab his defece-
runt, eorum praefidia necarunt, caesosque de
muris insepultos abiecerunt, ne sepeliendi qui-
dem potestate Carthaginienfibus concessa, si qui
id peterent (85).

§ 5.

*De utilitatibus quas Phoenices ex
coloniis perceperunt.*

Dubitari nequit quin coloniae populis mer-
caturam et navigationem exercentibus, easque
magis magisque amplificare, et nominis famam
quoquo versum propagare studentibus, non tan-
tum magnae utilitati, verum omnino necessariae
sint, quamquam non raro maximos secum ferant
abusus maximaque damna. Ut enim commercium
optime et sine mercatorum damno exerceatur, hi
locis sive emporiis carere non possunt, in qui-
bus merces secure deponant, in primis vero, si
mercatura illa exerceatur cum populis, quorum
cultura nondum adeo est conspicua. Huic autem
quantopere ipsae coloniae inserviant, nemo non
videt. Populi enim maiori cultu praestantes in re-
gi-

(85) DIOD. SIC. *de virt. et vit.* Op. II. p. 567.

giones veniunt ab hominibus occupatas, quorum ingenium ne felicem quidem terrae conditionem perspiciat, neque eius pretium agnoscat. Advenae autem culturam secum e patrio solo ducunt, in novis sedibus civitates condunt, omniaque, ad vitam socialem bene agendam pertinentia, in eas introducunt. Velut igitur mercaturae et navigationi singuli inferviunt, ita coloniae gentibus humaniores reddendis, totiusque generis humani cultui promovendo non parum proficiunt. Quid? Coloniae Phoeniciae an non cultum Orientis in Graeciam duxerunt? - Nonne ipsa Graecia, in primis postquam colonias deduxerat, ad maximum cultum fuit evecta, eumque in primis suis ipsa coloniis debuit? Haec tamen non eo valent, ac si omni nomine maximi pretii coloniae sint habendae, earumque laudes omni ratione celebrandae. Optima quippe quaeque res per se, saepius pessima evadit, et utut ceteroquin utilissima, tamen si male adhibeatur damna fert maxima secum; coloniae, inquam, metuendae ambitioni, maximis hostilibus expeditionibus et occupationibus inter mercatores ansam non raro dederunt, quibus quid periculi plenius, mercaturae autem et navigationi, ipsiusque gentis eas exercentis commodo magis adversarium, unquam potest excogitari? Referamne nefanda ista scelera a Carthaginiensibus

libus perpetrata, ut suae ambitioni et consiliis satisfacerent. Repetamne, quibus artibus, et facinoribus impediverint, quominus peregrini in regiones, a se occupatas, venirent, et quantopere non semel in ipsos inquilinos, in primis insularum nonnullarum saevierint. Quid loquar, quae nemo miraturus est, cum nimium notum sit, quam recentiores etiam, quorum tamen provectior ingenii cultus, haec facinora sint imitati, et quam miseranda infelicitium illorum utriusque Indiae conditio, qui, ut saevae Europaeorum ambitioni parerent, egregio, quod a natura acceperant, iure libertatis orbati, duram servire servitutem cogeantur, et bestiarum rerumque instar habebantur. — Quin potius redeamus ad Phoenices, quorum regionis situm obstitisse quominus talia sequerentur, antea significavi, et investigemus quas utilitates, quaeque commoda ex coloniis perceperint.

Pleraque regiones, in quibus colonias Phoenices condiderunt, tum fertilitate, tum situ suo iis maximae erant utilitati. Age primo loco videamus quomodo fertilitate sua Phoenicibus profuerint. Obiter autem moneo, non mihi animum esse singulas omnes memorare, quod nimis foret longum, sed ut satis de utilitate Phoeniciarum coloniarum pateat, de praecipuis earum me esse locuturum.

Cy-

Cyprus, Tyro proxima, in qua antiquissimis iam temporibus praecipuas colonias condidisse Tyrri videntur, et quâ cum ad tempora usque Alexandri Magni multa habuerunt commercia, maxima sua fertilitate, multa praestabat, eâque nulli alii insulae cedebat, teste Strabone: καὶ ἀρετὴν δ' inquit (86) οὐδεμιᾶς τῶν νήσων λείπεται καὶ γὰρ εὐοινός ἐστι, καὶ εὐέλαιος· οἶτῳ τε αὐτάρχει χρῆται. μέταλλά τε χαλκοῦ ἔστιν ἀφθονὰ τὰ ἐν Τάμασσῳ. Erathostenes ait, antiquitus magnam ibi fuisse ligni copiam, deinceps vero insulanos arbores caefisse, ut aes argentumque e terra haurirent, et cuique liberum fuisse, arbores quot vellet et posset ex agri scindere, quodque extirpatis filvis purgasset, id proprium possideret (87). Praeterea multum cannabis (88) et ferri (89), navibus exstruendis commodissimi, in ea inveniebatur.

Creta autem quam Phoenicibus aliisque in eam advenientibus populis proficere potuit. Antiquissimis iam temporibus fertilitate sua et cultu nullis non fuit cognita populis. Plurimarum et maximarum rerum, quibus communis homi-

(86) STRABO XIV, p. 1003.

(87) Apud eundem *ibid.*

(88) CURTIUS X. 1.

(89) PLINIUS XIII. 20.

minum vita sublevari atque adiuvari posset, Cretae inventores nuncupantur (90). Aeris ac ferri conflandi rationem docebant ceteros, postquam eius naturam in Berecyntho monte indagant (91). Cretae autem insulae situm ad expeditiones per totum orbem peropportunam fuisse, et tradunt scriptores (92), et neminem oculos in tabulam Geographicam coniicientem fugere potest. Quamobrem non immerito huius insulae virtutes ad coelum quasi laudibus extollit Homerus, ubi canit:

*Κρήτη τις γὰρ ἐξὶ μέσῳ ἐνὶ οἴνοπι πόντῳ,
Καλὴ καὶ πείρα, περίρροντος ἐν δ' ἄνθρωποι
Πολλοί, ἀπειρέσιοι καὶ ἐννήκοντα πόλεις* (93).

Inter insulas maris Aegaei nulla fuisse videtur, quae tantae Phoenicibus esset utilitati, quam Thafus, quippe quae insigni metallorum copia abundabat, unde ei aureae (*χρυσέη*) cognomen (94). Herodoti etiam tempore supererant metalla, qui ea ipse vidit, et notat, mirificam eorum abundantiam Phoenices ex ea hausisse (95). Vi-

(90) DIOD. SIC. V. 64.

(91) *Idem. ibid.*

(92) *Idem. I, pag. 263.*

(93) HOMERUS *Odysf.* XIX vs. 172 seq. Cf. STRABO X, pag. 735.

(94) EUSTATHIUS ad DIONYS. *Perieg.* v. 517.

(95) HEROD. VI. 47.

Videamus iam de Phoenicum coloniis in utriusque ora et infulis maris Interni fitis, per quod in primis eorum tendebant navigatio et mercatura, principesque erant conditae coloniae.

Nulli alii veteris orbis regioni, tot tantaque egregia dona, larga manu tribuerat benigna natura, quam Hispaniae, nullaque hinc alia tanta divitiarum fama a veteribus celebrata est, five eius metallorum copiam, five alius generis eius fertilitatem spectemus. Illis vero maximopere praeftabat. Strabo testatur sua aetate nullibi terrarum, aurum, argentum, aes aut ferrum tanta copia ac bonitate fuisse compta quam in Hispania (96). Multae scriptorum narrationes huc pertinent. Fama ferebat aurum ibi non effodi modo, sed et flumina et torrentes auro permixtam arenam volvere. Diodorus Siculus historiam narrat, quae si vera est, Phoenicum ambitiosum animum, a mercatoribus sane non alienum, egregie prodit; eo scilicet quaestus studio eos provectos fuisse, ut, cum, navibus iam argento refertis, multum adhuc huius metalli superesfet, plumbo in ancoris exciso, argento eius usum explevisse, atque propterea eos, his divitiis allectos, colonias in Iberiam numero plures misisse, inque in-

(96) STRABO III. p. 216.

insulas, in quas in itineris ad illas oras cursu, veniebant (97). Celebris praeterea fuit propter stannum, quod ibi magna copia effodiebatur (98). Haec et alia metalla, quae in Hispania inveniebantur, etiam memorat Ezechiel, ita enim Tyrum alloquitur: »Tharsis tecum mercaturam exercebat, propter omnis generis rerum multitudinem, argenti, ferri, stanni et plumbi" (99).

Multa autem contulerunt, ut Phoenices ex his maximas utilitates non possent non percipere. Scilicet, illa metalla, non omnia, ut nunc fere fit, magna cum opera ex altitudine et penetralibus soli effodiebantur, sed etiam in superficie terrae inveniebantur; qua nimirum incendio inusta, magnam argenti copiam ex ea exsudabant novi advenae (100). Quod etiam de stanno tradidisse nonnullos historicos ex Posidonio notaverunt Strabo (101) et Diodorus (102), licet hic eius nomen non nuncupaverit. Praeterea Phoenices primi omnium gentium, in hasce oras venisse videntur, et soli per longam

(97) DIOD. SIC. V. 35.

(98) DIOD. SIC. V. 38. STRABO III. pag. 219.

(99) EZECHIEL XXVII. 12. —

(100) DIOD. SIC. V. 35.

(101) STRABO III. p. 219.

(102) DIODORUS V. 38.

gam annorum seriem hoc Hispaniae proventu uti poterant; soli per totum orbem omnia illa metalla variis gentibus, distribuebant et tanto studio curabant, ut harum divitiarum fontes ceteros populos laterent, ut quamquam iis utebantur, etiam posterioribus temporibus ignorarent, unde illa omnia Phoenices hauserint. Denique non magno sumtu hanc exercebant mercaturam. Permutatione enim, uti plerumque apud antiquos populos, illa fiebat. In Hispaniam igitur venientes, merces apud se non magni pretii secum portabant; quas tamen Iberi magni faciebant, easque cum egregiis illis metallis, permutabant, quorum initio ipsi Iberi pretium ignorabant; neque iusto pretio aestimare ea prius incipiebant, quam intellexissent, quanto-pere Phoenices ea possidere studerent.

Praeterquam metallis, soli etiam fertilitate Hispania Phoenicibus utilisima fuit colonia, quapropter haec non minus ac illa eos alliciebat. Tota enim Hispania maxima frugum copia praestabat; in primis vero Turditania, cuius quidem singulare fuit, quod et metallis et frugibus abundabat, cum ceterae regiones alterutris tantum fertiles essent. Ita enim Strabo:

Σπανίον δὲ, αἰτ, ἐν ἀμφοτέροις εὐχεῖν σπανίον δε, καὶ τὸ τὴν αὐτὴν ἐν ὀλίγῳ χωρίῳ παντοίοις πληθύνειν μέταλλοις. Ἡ δὲ Τουρδιτανία καὶ ἡ προσεχὴς αὐτῇ, λόγον οἰδέναι ἄξιον καταλείπει περὶ τὴνδε τὴν

τὴν ἀρετὴν τοῖς ἐπαινέειν βουλομένοις (103). In Turditaniam autem multum fuit frumenti, vini ac olei et quidem optimi (104). Praeterea cera, mel, pix, coccus et minium, tum ingens pecoris copia et venandi materia, perniciosae autem bestiis, nonnullis exceptis, caruit. Strabo testatur, sua aetate, abundantiam eorum, quae ex Turditaniam exportabantur, navium et magnitudinem et multitudinem indicare (105):

Columnae autem Herculis Phoenicum itinerum non fuerunt limites, sed Hispaniae coloniae in primis navigationi per Oceanum opportunitatem prae-buerunt, eique egregie profuerunt, adeo ut a Gadibus novum quasi instituerent itineris cursum. Haec autem navigatio in primis vergebat in Casiterides insulas, in quibus magna erat flanni et plumbi copia, et in quas antiquis temporibus soli Phoenices negotiatum naviga-

vi-

(103) STRABO III. p. 216.

(104) STRABO III. p. 212 seq. Unde et sequentia hausi.

(105) Eadem fere de Hispaniae fertilitate IUSTINUS XLIV.

1. „Sic ut minor utraque terra (Africa et Gallia:) ita utraque fertilior..... in omnia frugum genera secunda est; „adeo ut non ipsis tantum incolis, verum etiam Italiae, urbi- „bique Romanae, curctarum rerum abundantium sufficiat. „Hinc enim non frumenti tantum magna copia est, sed et „equorum pernices greges, nec summae tantum terrae lau- „danda bona, verum et abstrusiorum metallorum felices di- „vitiae. Iam lini, spartique vis ingens minisque certe nulla „feracior terra.”

vigabant (106), maximaque cura hoc iter ceteras gentes celabant, quod non nisi diu post Romanis innotuit (107); ita ut Phoenicum navigatio ad Britanniam usque eique adiacentes insulas propagaretur. Hanc enim metallorum illorum sedem fuisse indicat Strabo dicens, ex Britannicis ea Masiliam afferri (108). Quod, licet non de Phoenicibus, sed de Romanis, adeoque de posterioribus temporibus est intelligendum, ut ex ipso Strabone potest effici (109), et confirmatur Diodori narratione, qui notat, hoc iter fuisse factum non per mare, sed per Galliam, et ad illud triginta dierum spatium fuisse adhibitum (110); tamen ex ipsis illis satis constat, has insulas easdem fuisse, ad quas Phoenices etiam appulerant, cum Strabo doceat, Romanos illuc eo studio venisse, ut scirent, unde illa hauserint Phoenices.

Praeterea illa Britannia Casfiteridibus insulis adiacet, in quas Phoenices venisse satis constat, uti modo ex Strabone vidimus. Has enim quis alias fuisse dicet, quam quas nos appellala-

(106) STRABO III. p. 265.

(107) STRABO l. l.

(108) STRABO III. pag. 219.

(119) STRABO III. pag. 265.

(110) DIOD. SIC. V. 22.

lamus Sorlingicas; cum idem Strabo dicat, eas fitas fuisse supra Lusitaniam. Ita enim eius locum intelligo: γεννᾶσθαι δ' ἐν τε τοῖς ὑπὲρ τοὺς Ἀνσιτανούς βαρβάρους, καὶ ἐν ταῖς Καττιτερίσι νήσοις· καὶ ἔκ τῶν βρετανικῶν δὲ εἰς τὴν Μασσαλίαν κομίζεσθαι.

Nisi igitur Phoenices colonias in Hispania habuissent, non facile illi navigationem potuissent fuscipere in insulas istas, multo minus extra eas, in mare Balthicum, usque etiam ad Borusiae oras, uti nonnulli, neque sine omni veritatis specie autumant; quin emporia habebant in Hispania, in quae itinera facientes venire possent, et si res illud postularet, opes deponere, aut alia reliquo itinere necessaria asumere. Ita ut coloniae in Hispania cum utilitatibus, quas ex soli fertilitate Phoenicibus praestabant, tum vero eorum longinquiori navigationi egregie inservirent. Posterioribus autem temporibus hae coloniae, in primis Gades, propter eandem causam, Carthaginienfibus adeo profuerunt.

Septemtrionalis Africae ora, meliori quidem olim ac nunc felicitate soli utebatur, in primis autem illa pars, quae Phoeniciis coloniis repleta erat. Byzacium a scriptoribus propter soli fertilitatem admodum celebrabatur (111). —

Han-

(111) . . . „Seu sunt Byzacia cordi

„Ru-

Hannibal autem omnia frumenta militibus necessaria ex ipsa Africa petiit (112). Non tamen haec fertilitas Phoenicibus semper magnopere profuit, in primis cum deinceps civitates Africae non amplius essent liberae, sed Carthagini nutui parere, eique gravia tributa pendere essent coactae.

Non minus nonnullae maris Interni insulae, a coloniis Phoenicum occupatae, fertilitate sua conspicuae fuerunt. Phoenicibus autem magis, quam Africa, profuisse videntur. Sardinia frugum ubertate celeberrima fuit, tum antiquitus, tum etiam deinceps, cum Carthaginienses multum frumenti ex ea capiebant (113). Magna ibi metallorum copia, in primis argenti et gemmarum effodiebatur (114). Sicilia vero, et frumento abundabat, et vinetis olivetisque erat confita (115). Denique de his insulis idem animadvertere licet, quod de Hispanicis coloniis modo diximus, eas scilicet navigationi, quam Phoenices in Hispania exercebant, egregie infer-

vi-

„Rura, magis centum Cerei fruticantia

„Culmis.” SILIUS ITALICUS IX. vs. 209 seq. Cf. PLINIUS XVIII. 10.

(112) APPIANUS, *de Bell. Punic.* c. 33. 47. Ed. Schweigh.

(113) DIOD. SIC. IV. 29.

(114) HEEREN, *Ideën* II. I pag. 78 seq. ibique laud. AZUN, *Histoire geograph. polit. et naturelle de la Sardaigne* II. P. 341.

(115) DIOD. SIC. XIII. 81.

viisse, huiusque rei causa in primis a Phoenicibus fuisse conditas; atque ita intelligendus videtur Thucydides, ubi dicit, colonias ab iis in Sicilia fuisse conditas *ἐμπορίας ἔνεκεν*.

Haec igitur omnia si animadvertamus, si harum regionum fertilitatem earumque felicem fitum cogitemus, aliis argumentis non opus est, quibus ostendatur, quantopere coloniae Phoenicibus hisce omnibus profuerint. Quam ob rem Phoenicum confilia in coloniis deducendis, eorumque prudentia in locis, ad haec confilia aptis, eligendis merito laudanda. Cum vero deinceps Carthaginienfes in easdem fere regiones venirent, et Phoenicum, maiorum suorum, vestigia secuti, easdem utilitates perciperent, hic de illis dicere inutile fore existimo, quamobrem ad aliud commodum coloniarum Phoeniciarum nunc transeo.

Inter confilia, propter quae a Phoenicibus coloniae non paucae deductae sunt, secundo loco diximus, fuisse, ut iis deductis civitas numero civium nimis ingenti liberaretur. Tales colonias, sicut omnibus civitatibus, ita etiam Phoenicibus non tantum fuisse utilisimas, verum etiam necessarias, nemo negaverit. Quaeque enim societas civilis sibi proponere debet, ut omnes ac singuli cives inra sua habeant tuta; quibus sublatis vana et inanis civitatis est idea. Huic autem proposito satisfie-

fieri nequit, ubi nimis magnus civium est numerus; superflua pars otio tempus terit, rebus ad vitam sustentandum necessariis caret, res novas molitur, totique civitati ferro et igno minitatur. His autem civibus in colonias deducendis, civitas et suis et colonorum prospicit commodis (116). Civitas enim superfluenti civium multitudine, periculosisima infestaque illa, liberatur, cives emittit, qui in novis sedibus patriae commodis et suis egregie inservirent, quibusque colonias tutius quam peregrinis committit. Coloni autem in novas sedes venientes, ibi inveniunt, quod in patria frustra diu quaesiverant, satisque sibi comparant unde vitam quaerant. Nec desiderium patrii soli in perpetuum relictum eos occupat, cum mutato licet solo, iidem tamen eiusdem patriae maneant cives, iisdem legibus ac consuetudinibus, eodem sermone utentes; operoso et agili vitae generi assuescunt, boni et patriae et sibimetipsis utiles evadunt cives, tandemque, si velint, in patriam redeunt, gloriantes se in coloniis diligentiae reliquisse specimina, patriaeque egregie fuisse salutem. Haec autem coloniarum commoda Carthaginensibus cum Phoenicibus erant communia.

(116) Eadem illa commoda, omnibus eiusmodi coloniis communia, agnovit Minucius apud DIONYSIUM *Ant. Rom.* VII. 28.

nia. Illi tamen praeterea ex coloniis commoda perceperunt, quae hi ex illis hausisse non videntur; animadverti enim, quamquam Carthaginienses ut Phoenices colonias emiserint, ut hae mercaturae et navigationi inservirent, illis tamen etiam consilium fuisse, ut regiones, in quibus colonias conderent, occuparent, et hinc colonias, eorum civitates non fuisse liberas, sed magis provinciarum habuisse formam. Ecce igitur praecipuum discrimen inter colonias Phoenicias et Carthaginiensium.

Porro si animadvertimus, Carthaginem, uti quaeque alia civitas, quae bellis et expeditionibus bellicis imperii fines propagare studet, divitiis maxime fuisse innixam, nemo mirabitur, omnes ei subiectas gentes ad illas contulisse, et tributa imperanti civitati pendere coactas fuisse. Tributa autem illa pro variis regionibus varia erant, cum plerumque ex proventu soli peterentur; sic Sardinia gemmas fere pependisse videtur (117). Una urbs Leptis quoque talentum Carthagini dedit (118). Ex quibus apparet, colonias sive provincias, (apud Carthaginienses enim haec parum differunt) non solum tributa pependisse, sed, ne eos quidem, quibus communis cum Carthaginiensibus origo erat, ab iis fuisse im-

(117) HEEREN *Ideen* II. I. p. 155.

(118) LIVIUS XXXIV. 62.

immunes. Divitiae, quas ex variis regionibus, five provincias, five colonias eas appelles, hauriebant, ansam iis dederunt, ut alia commoda, cum ex coloniis, tum etiam ab aliis gentibus peterent; scilicet egregiam iis tribuebant opportunitatem militum undique conducendorum. Exercitus enim eorum non ex ipsis Carthaginiensibus, sed ex militibus peregrinis plerumque erant compositi. Qui autem ex Carthaginiensibus in exercitibus militabant, κατ' ἐξοχήν dicebantur, *Cohors sacra* (119). In Carthaginiensium exercitibus erant Lybici populi, Carthaginiensibus subiecti (120), Hispani, Galli, Celtae, alii multi (121). Ex insulis autem Balearibus funditores et iaculatores mercede conducebant (122). Polybius observat, Carthaginienses exercitus ex variis gentibus ideo composuisse, ut sic per singulorum sermonis varietatem, concursui et tumultibus non daretur locus (123). Quan-

(119) DION. SIC. XVI. 80. Ibi autem videre est quam pauci Carthaginienses, aliis in eorum exercitibus militantibus, fuerint numero.

(120) POLYB. I. p. 161, 196, III. p. 359.

(121) *Idem* I. 648, 39, 167.

(122) DION. SIC. XIX. 106, 109.

(123) POLYB. I. 167. — Ceterum de Carthaginiensium re militari, legi meretur HEERENIUS, qui, cum hanc rem singulari capite exposuerit, eam accuratius persecutus est. II. I. pag. 254 sq.

Quantopere autem coloniae Carthaginiensibus profuerint, tum ex hisce satis patet, tum eorum historia luculenter confirmatur. Nihil enim Carthago per se valuit, solis coloniis ac provinciis innixa fuit. Per eas in primis ad maximum splendoris fastigium pervenit. Deinceps vero primum Sardinia, tum aliis coloniis iis ereptis, magis magisque debilitabatur, et tandem Carthago, potentissima quondam illa, occubuit: manifesto indicio, civitates licet maximis divitiis praestantes et ad maximum gloriae cumulum evectas, tamen, si divitiis solis magnitudo illa innixa sit, necessario corruiere debere.

CAPUT SECUNDUM.

DE GRAECORUM COLONIIS.

Si verum est, quod nemo negaverit, leges et instituta, si bona sint, ad civitatis splendorem et felicitatem multum afferre, sin vero mala, illius ruinae interituique saepius ansam dare, Graecia profecto, exemplo suo illud egregie confirmavit. Huius enim gentis annales volventes, quantos legimus existisse viros, qui ingenio suo et eruditione eam optimis instruerent legibus atque institutis? Quantos, qui instituta maiorum sustinerent, aut pro tempore mutarent, ingeniisque accommodarent? Quanta his incrementa Graiam gentem cepisse? His autem legibus ac institutis ad maximum felicitatis fastigium pervenit, unde nulla alia ei similis aut secunda. At vero, deinceps viris, qui leges ac instituta curarent, deficientibus, cum Graecia Solones, Socrates, Platones, A-

ristoteles defiderabat, qui non Graecos solum, verum et alias gentes erudierant, his, inquam, deficientibus, antiquus ille Graeciae splendor diminutus est, et brevi plane evanuit, ipsaque Graecia, quae tantum olim erat nomine, denique in alius populi ditionem concessit. Inter optima autem Graecorum instituta princeps tenet locum illud, quo colonias deduxerunt, quibus multas terrarum partes repleverunt, nomenque Graecum adeo celebrarunt.

Tot autem undique colonias emiserunt, ut si earum numerum spectemus, nulla alia gens cum Graecis comparari possit. Operae pretium est audivisse Senecam, ingentem illarum numerum merito mirantem. » Quid sibi volunt,» inquit, » in mediis barbarorum regionibus Graecae ur- » bes? Quid inter Indos Persasque Macedoni- » cus sermo? Scythia et totus ille ferarum in- » domitarumque gentium tractus civitates A- » chaiae Ponticis impositas littoribus ostentat. » Non perpetuae hiemis saevitia, non hominum » ingenia ad similitudinem coeli sui horrentia » transferentibus domus suas obstiterunt; totum » Italiae latus quod Inferiori mari alluitur ma- » ior Graecia fuit» (124).

De

(124) SENECA. *Cons. ad Helv.* c. 6. Graecas colonias enumerarunt, BARTHELEMIUS. *Voyage du jeune Anacharsis*, etc.

De Graecorum autem prudentia in coloniis condendis dicturus, illarum rationem a Phoeniciis coloniis diversam animadverto. Hae enim cum in primis propter navigationem et mercaturam conderentur, iisque fere omnes originem deberent, Graeci contra non adeo magni fuerunt mercatores, ut quicquid in mercatura fauerint, illud in primis Phoenicibus debuisse videntur. Nonnullas quidem propter mercaturam susceperunt expeditiones, in primis Athenienses et Corinthii, hae tamen seriori plerumque erant susceptae aevo, non vero toto animo, uti Phoenices, ei operam navabant. Ex Herodoto efficere licet, quam parvam notitiam Graeci mercaturae et navigationis, cultiori etiam tempore habuerint (125). Hinc coloniae, quas deduxerunt, non adeo mercaturae et navigationis studio, quam aliis minus felicibus causis tribuendae videntur. Obiter moneo, Graecos duo coloniarum genera distinxisse, quarum alias ἀποικίας, (migrationes) dicebant, alias κληροῦχας (colo-

etc. tom. X, tab. 4^{ta}. ed. belgicae. D. H. HEGEWISCH. *Geographische und Historische Nachrichten die Colonieën der Griechen betreffend*. Altona 1808. RAOUL ROCHETTE. *Histoire critique de l'établissement des colonies Grecques*. tom. 4, 8vo. Paris 1815.

(125) HEROD. VIII. 132. Cf. HUETUS. *Histoire du commerce et de la navigation des anciens*. c. 16.

lonias, in quas coloni *forte* deducebantur): utrarumque varia fuisse videtur ratio. Hae fuerunt serioris aetatis, et magis ex auctoritate ipsius civitatis conditae, arctiorique vinculo cum ea coniunctae fuisse videntur, quam illae, quae ad antiquiora tempora magis pertinent (126).

Maioris momenti est distinctio coloniarum Graecarum, quae variae fuerunt, pro varia stirpe, a qua originem repeterunt. Quis nescit Graecos antiquitus in duas stirpes fuisse distinctos, in Pelagos et Hellenes? Illi autem antiquiores erant, quod, cum ex eo confirmetur, quod Eustathius eos diserte appellavit *fontem Graecae gentis* (127), tum quod semper sunt gloriati, sese esse *indigenas*. (αὐτόχθονες.) Athenienses enim, qui magna ex parte Pelasgi erant (128), diserte a Thucydide dicuntur eandem semper regionem tenuisse (129). Ideo
He-

(126) Cf. BARTHELEMIUS l. l. Notandum tamen Graecos scriptores hanc distinctionem non semper accurate observasse. Cf. SUIDAS voce κληρούχια, et qui hanc distinctionem admodum improbat HEGEWISCH. l. l. tom. I, pag. 151 seq.

(127) EUSTATHIUS ad HOM. II, II, vs. 327. ὅς ἀνωθεν Ἑλλήνες.

(128) HEROD. I. 56, VIII. 44.

(129) THUCYD. II. 36. τὴν γὰρ χώραν ἀπὸ οἱ αὐτοὶ οἰκοῦντες.

Herodotus Athenienfium ad Gelonem legatum ita loquentem facit: ἀρχαιότατον μὲν ἔθνος παρεχόμενοι μῶνοι· δὲ ἔόντες οὐ μετανάσται Ἑλλήνων (130).

Hellenum autem deinceps potestate identidem crescente, Pelasgi partim ex Graecia, alias sedes quaefituri, migrarunt; unde innumerae illae in multis regionibus huius gentis coloniae; partim in Graecia, praesertim in Attica et Arcadia remanserunt, seseque deinde cum Hellenibus commiscuerunt. Hellenes vero, ab Hellene Deucalionis filio ita dictos (131), deinceps stirpem regnantem fuisse, et in quatuor minores stirpes fuisse divisos, (Dores, Aeoles, Achaeos et Iones,) nimis est notum, quam ut plura hac de re proferam, illud solummodo indicaturus, colonias a singulis illis stirpibus deductas, eodem modo fuisse distinctas, et hanc distinctionem etiam deinceps semper retinuisse, ut ex earum lingua, moribus aliisque satis apparet.

§

(130) HEROD. VII. 161.

(131) *Apollod.* I. 7, § 3. ed. Heynii αὐτός μὲν οὖν (Ἑλλήν) ὁφ' ἑαυτοῦ τοὺς καλουμένους Γραικοὺς προσῆγορεύσεν Ἑλλήνες.

§ 1.

*De causis, ob quas Graeci colonias
emiserunt.*

Sicut apud singulos homines suas quaeque aetas habet necessitates, et pro varia ea, variis commodis indiget, idem apud gentes obtinet. In civitatibus recenter exortis instituta videmus, quae civitatibus cultioribus ne dicam noxia, saltem inutilia plane forent. Hinc apud unam eandemque gentem, pro varietate temporis, varios animadvertimus mores, varia instituta, et hinc varia consilia variamque prudentiam civilem, quod tum in omnibus ceteris negotiis, tum etiam in re, quam tractamus, conspicimus.

Antiquissimis temporibus plura in Graecia colonias condi iusserunt, quae seriori aetate iis ansam dare amplius non poterant; et e contrario hac aetate, qua prudentia civilis magis excoli inceperat, plura consilia ingenium excogitabat, secundum quae coloniae prudenter deducerentur, quae rudi aevo ne percipi quidem poterant.

Videbimus enim, antiquitus colonias secundum alia, quam deinceps fuisse deductas, consilia. Licet tamen hoc non eo valeat, ac si nullum antiqui temporis supermanferit vestigium, neque
dein-

deinceps una alterave colonia fuerit deducta, secundum consilium antiquitus usurpatum. Ante omnia autem moneo, singulas colonias suas quidem habuisse causas, pro loco ac tempore quibus emittebantur, varias, Graecos tamen earum originem non minus religioni ac pietati erga Deos, quam prudentiae civili geperatim tribuisse. Plura veterum effata hoc innuunt, atque altera paragraphus accuratius haec proponendi, aptam nobis praebebit occasionem. Egre- gie Celsus (132) monet, oracula Graeca totam terram coloniis crebro replevisse; cum, Cicerone teste, nullam Graeci deducerent coloniam, non consulto oraculo (133). Atque hoc iam antiquitus moris fuisse, apparet ex illarum colonia- rum genere, quarum deducendarum consilium nunc primum exponam.

Si autem parvum Graeciae ambitum et angus- tos, quibus ea inclusa fuerit limitibus, animad- vertamus; dein, si cogitemus insignem multa- rum diversarum gentium identidem advenientium turbam, porro, si pro veris habeamus, quae de prima Graecorum barbarie a scriptoribus prae- dicantur, cum apud illos agricultura et merca- tu-

(132) Apud ORIGINEM VII. § 3. *Op. tom. I, p. 695.*
Parisiis 1733.

(133) CICERO *de divin. I. 1.*

tura mediocriter tantum excolerentur, quid miremur, antiquam Graeciam, eodem, quo Phoenices, malo saepius laborasse, et eodem fere consilio usam fuisse? Cum enim Graeci per nimium incolarum numerum penuria saepius premerentur, eorum partem aliquam, atque in primis iuventutem, ex patria migrare inque aliis orbis terrarum regionibus fedes fingere iusserunt, victus copiam quaesituram (134). Hanc autem iuventutem, *ver sacrum* dictam, Deo cuidam consecratam, peractis ante sacris solemnibus, ac faustis omnibus, parentes cum colonia emisserunt. Atque ita egerunt, quoties terrae proventus nimio incolarum numero non sufficeret (155). Posterioribus etiam temporibus huius generis coloniarum exstant exempla. Ita tempore Periclis Sybaritae, cum Athenas venissent, ut de Crotoniatis quererentur et contra eos auxilium peterent, Pericles quidem colonia deducta iis morem gerebat, verum tamen hu-

(134) De hoc more ita testatur LIBANIUS *in argum. Orat. Demosth.* περὶ τῶν ἐν χειρὸν ἡσῶ: "Ἔθος δὲ ἶν τοῦτο παλαιὸν τοῖς Ἀθηναίοις, ὅσοι πένητες ἦσαν αὐτῶν καὶ ἀκτῆμονες οἶκοι, τοὺτους πέμπειν ἐκοίλους, εἰς τὰς ἔξω πόλεις τὰς ἑαυτῶν.

(135) Idem apud Aborigines aliasque antiquas gentes locum habuisse, auctor est DIONYSIUS HALICARNASSENSIS, *Ant. Rom.* I. 16, II. 1. Cf. STRABO V. pag. 383.

huius coloniae consilium erat, ut Athenae incolarum multitudine liberarentur, quae nimis magna erat, et otium sequens tum civitatis tranquillitati tum consiliis Periclis periculosa fortassis esset (136). Anno etiam tertio Olymp. 89 *ver sacrum* in coloniam fuisse missum, arguit exemplum coloniae Lacedaemoniorum Heracleam deductae, quod exstat apud Eusebium (137). Talem morem antiquissimis temporibus, quibus civitates Graecae recenter fuerant exortae, locum habuisse, minus est quod miremur, quam huius deinceps etiam inveniri exempla, » cum in civitatibus bene ordinatis tot exquisitiora consilia et artificiosi modi sustentandae plebis excogitari possint, modo animi hominum ad hanc solertiam et sagacitatem acuantur” (138).

Saepius etiam evenit, ut crimine convicti, sive principes illi essent sive cives, ad hoc crimen expiandum patriam relinquere cogerentur (139). Hi autem multos saepius secum duce-

(136) PLUTARCH. *de reip. ger. praec.* tom. II, p. 812.

(137) EUSEBII *Chron.* p. 123. ed. *Burdegalae*. 1604. De hac colonia cf. THUCYD. III. 92. DIOD. SIC. XII. 59 et STRABO IX. pag. 655.

(138) Sunt verba HEYNI *Opusc. Acad.* I, p. 296.

(139) EURIPID. *in Oreste.* vs. 513.

cebant, amicitia, fidelitate aliove vinculo sibi devinctos, atque sic in aliis terrarum regionibus colonias condiderunt. Ita Achaeus homicidio commisso Atticam reliquisse, seseque coloniae praeposuisse et civitatem in Peloponneso condidisse fertur (140). Eidem rei colonia Ephesiorum Eleam profecta originem debuisse videtur (141). Tales autem coloniae, quae fere privata alicuius auctoritate proficiscebantur, quantopere differant ab iis, quae deinceps ipsa civitate auctore deducebantur, ex iis, quae infra dicturi sumus, satis apparebit.

Ad colonias privata auctoritate deductas eae quoque referendae sunt, quae a principibus, seditione aliave ex causa patria expulsi, erant deductae. Ita Salmoneus ex Aeolide cum magna Aeolum copia profectus, (fortasse propter seditionem, licet illud ex scriptoribus certo effici nequeat) in Elidem venit, ibique urbem sui nominis Salmoneam condidit (142). Haec autem colonia alii eiusdem generis originem dedit. Aetolus scilicet secundum Ephorum (143) a Salmone-

(140) STRABO VIII. p. 588.

(141) De hac colonia vid. RAOUL ROCHETTE Op. cit. tom. III, p. 140.

(142) STRABO VIII, p. 545. DIOD. SIC. VI. 68.

(143) EPHORUS apud STRABONEM VIII. p. 547.

moneo Elea eiectus in Aetoliam abiit, ibique urbes condidit. Sic etiam Amphilochns, ex bello Troiano redux, urbem patriam Argos tyrannide Aegisthi oppressam inveniens, cum suis coloniam condidit, Argos Amphilochnm dictam (144). Et eodem fere tempore Philoctetes, exorta seditione, urbe patria Meliboea profugus (145) in Italiam venit, ibique multas condidit urbes. Strabo saltem testatur Petiliam et Cremosam ab eo ibi fuisse conditas (146), et Iustinus notat, Thurinorum urbem Philoctetem conditorem habuisse, ibique sua etiam aetate huius monumentum existisse (147). Alii vero scriptores huic coloniae aliam causam tribuunt (148). Hae autem coloniae, quae, licet a principe quodam conditae fuerint, tamen, quia non ipsa quadam civitate iubente profectae erant, proprie privatae erant, quaeque, cum totus saepius populus patriam relinqueret, potius *emigrationes* quam *coloniae* sunt dicendae, hae, inquam, ad antiquiora fere tempora, ante bellum Troianum

(144) THUCYD. II. 68. APOLLOD. III. 7, § 5, et HECAEUS apud STRABONEM VI, p. 417.

(145) STRABO VI, p. 390.

(146) *Idem.* l. l. cf. VIRGILIUS *Aen.* III vs. 402.

(147) IUSTINUS XX. 1.

(148) *Scholiastes* ad THUCYD. I. 12. *Schol.* ad LYCOPHRON. vs. 909.

num praesertim et brevi post illud, pertinent, quo tempore Graeciae populi nondum certas omnes habebant sedes, atque adeo singuli singulos saepius sedibus expellebant suis. Quamquam etiam seriori aevo huius generis coloniarum inveniuntur exempla. Nam, ut hoc utar, Lacedaemoniorum nonnulli, Lycurgi legum severitatem moleste ferentes et ab aliis secedentes, saeculo nono ante Ch. patria excesserunt, et in Italiam venerunt, cumque Sabinis habitarunt (149).

Aliae praeterea fuerunt Graecae coloniae, quae originem privatae personae, aut si civitati, extraneae saltem deberent. Huc Phocaeorum coloniam ad Hellepontum conditam refero. Phobus quidam Phocaeus, ex genere Codri, ad regem Bebrycum cum Mandrone quum venisset, et egregia in eum contulisset beneficia, hic, ut gratum ei obtestaretur animum, illi permittit, ut coloniam in suis terris conderet; tum ille coloniam in has regiones deduxit (150). Coloniarum, in quibus deducendis nullae metropolis, immo saepissime ne ipsorum quidem colonorum fuerunt partes, plura posset adduci exempla, uti v. c. Milesiorum nonnullorum, quibus a caede conservatis et ad regem Darium Susam per-

(149) DION. HAL. II. 49.

(150) PLUTARCH. *de virt. mul. Lamps.* tom. II. p. 255.

perductis, urbs Ampe ad mare Rubrum habitanda fuit data (151), aliorumque (152); nisi mallet nunc propius accedere ad colonias publica ipsarum Graecarum civitatum auctoritate deductas. Ante autem quam eo veniam, teneatur, apud Graecas quasdam etiam colonias fuisse conditas a principibus, expeditionibus praepositis, aut ad alias colonias condendas emisissis, cum hi in regionibus, ad quas appellerent, nonnullos colonos relinquerent. Sic expeditionem illam celebrem Argonauticam multis coloniis originem dedisse, non immerito suspicari licet; in primis cum nos doceat Strabo, circa Sinopen eiusque oram maritimam, Propontidem, Hellespontum usque ad Lemnum, tum etiam usque ad Cretam, Andriam atque Italiam, multa Phrixi et Iasonis expeditionum indicia supermansisse (153). Ita bellum Troianum multis etiam coloniis condendis ansam dedit. Multi enim ex hoc bello reduces domus et patriam ab aliis occupatas inven-

(151) HERODOT. VI. 20.

(152) Ita Mesfenii, qui antea Ithomen tenuerant, post bellum Mesfeniacum tertium, eam relinquere coacti ab Atheniensibus Naupacten habitandam acceperunt. THUC. I. 103. DION. SIC. XII. 44. Lacedaemonii contra Aeginitis, ab Atheniensibus insula sua expulsi, Thyraeas ad incolendum concesserunt. THUC. II. 27. DIODORUS I. 1.

(153) STRABO I, p. 77 seq.

venerunt; alii, per multorum annorum spatium errantis vitae generi assueti, longinquas expediti-ones fuscipere, quam in patriam redire maluerunt, in primis cum per hoc bellum navigandi artem melius didicissent. Alii, omni studio patriam quaerentes, nec tamen eam inveniētes, multisque iactati tempestatibus, Diis gratiam referebant, quod ad regiones appulissent, quas tuto possent tenere. Hinc Strabo dixit, eos, qui ex bello Troiano venerant, per totum orbem terrarum vagatos, urbesque ab his plurimas per omnem, quae extra Graeciam est, oram maritimam conditas esse (154).

Cum autem Iones ex Peloponneso a Doribus pulsi, comitantibus nonnullis aliis Graeciae populis, ducibus Codri filiis, in Asiam minorem migrarent (155); nonnullos per hocce iter in quibus-

(154) STRABO I, p. 83. Cf. THUCYDIDES I. 12.

(155) VELLEIUS PATERCULUS, *Hist. Rom.* I. 4. „Sub-
 „sequenti tempore, inquit, magna vis Graecae inventutis,
 „abundantia virium, sedes quaesitans, in Asiam se effudit.
 „Nam et Iones, duce Ione profecti Athenis, nobilissimam par-
 „tem regionis maritimae Asiae occupaverunt, quae hodieque ap-
 „pellatur Ionia, urbesque constitutae Ephesus. cet.” Plerique
 interpretes hunc locum ita intellexerunt, quasi VELLEIUS,
 celeberrimae istius in Asiam migrationis Ionem ducem
 fuisse tradiderit, atque hinc varlis modis locum tentarunt,
 ut ceterorum scriptorum traditionibus contrarium, qui Ne-
 leum ceterosque Codri filios huius coloniae duces fuisse
 „scrip-

busdam insulis colonos relinquebant duces, quod indicare videtur Velleius Paterculus, ubi dicit, Iones multas in Aegaeo et Icario mari occupasse insulas: Neleus autem, ante suum in Asiam adventum, colonos in insula Naxo reliquisse traditur ab Aeliano (156).

Coloniarum, duce et auspice civitate, adeoque publica auctoritate deductarum, varia erant
con-

scripserunt. Vide PAUSANIAM in *Achaicis* pag. 390. ed. Xylindri. STRABONEM XIV. p. 938. cf. VIII. p. 588. HERODOTUM IX. 97. cf. I. 142 seq. AELIANUM, *Var. Hist.* VIII. 5. PLUTARCHUM in libello *de exilio*. SUIDAM in voce *Ἰωνία*. HARPOCRATION. in voce *Ἐκδοῖται*. Duplicem coloniam Ionicam, alteram duce Ione in Peloponnesum, alteram a Neleo ceterisque Codri filiis in Asiam deductam, turpiter a Velleio confundi LIPSIVS contendit. SIMSONIVS, in *Chron.* ad A. M. 2948, pro duce Ione legere mavult: duce non uno. BURMANNUS mutavit: *Iones, duce olim Ione, profecti Athenas*. Neutrum admittendum arbitror, quum huic historia obster, illud a Velleiano stilo sit alienum. Illustr. LARCHERUS suspicatur, duas fuisse profectas colonias, atque priorem duce Ione Xuthi filio. Vid. *Chron. Herod.* p. 426. Hoc tradunt VITRUVIVS *de Architect.* IV. 1. et NICANDER *Alexipharm.* vs. 9. qui tamen solum auctorem secuti videntur EURIPIDEM in *Ione*. vs. 74, Ionem appellantem *κρίσορα Ἀσιάδος χθονὸς*. Alii aliter. Velleii tamen locum mendo carere puto, neque cum aliorum traditionibus pugnare, si quidem ita intelligatur: *Iones, qui antea, duce Ione, Athenis profecti fuerant in Peloponnesum, eosdem deinceps Asiae Minoris oras occupasse, ibique urbes constituisse.* (156) AELIANUS *Var. Hist.* VIII. 5.

confilia, tum pro varia civitate, a qua emissae tum pro varietate locorum, in quos deductae erant.

Antiquis et recentioribus temporibus gentes, quarum ditionis limites nondum satis essent instructi adversus barbarorum aut hostium incursiones, his saepius fuerunt expositi. Tales autem barbarorum, in primis Thracum et Cimmeriorum, invasiones antiquitus iam saepius Graeci perpesi erant. Quas ut averterent, neque perpetuo iis essent expositi, ea qua erant prudentia perspiciebant, nulla magis alia re obicem iis posse poni, quam coloniis in horum finibus condendis. Inde longa illa coloniarum series, quibus utraque Ponti Euxini et Asiae Minoris, in primis septemtrionalis ora erat referta. Hoc consilio Athenienses, duce Miltiade Cypseli filio, iubente Pythia, coloniam deduxerunt in Thraciam contra Abinthios (157). Idem consilium deinceps ulterius persecutus est Pericles, qui saepius in regiones, ab hostibus devictas, colonias misit; coloniarum saltem, quas in Chersonesum et Thraciam, in Bisaltarum sedes deduxit (158), non alia erat ratio. Hoc Graecorum consilium innuit Marcus Tullius Cicero: » Asiae" inquit » maritimam oram bello supe-
» ra-

(157) HEROD. VI. 34-36. NEPOS in *Miltiade* c. 1.

(158) PLUTARCH. *vit. Periclis*.

» ratam cinxit (Graecia) urbibus, non ut mutam coloniis illam augeret, sed ut obseslam teneret” (159). Ab hoc coloniarum genere non multum differunt coloniae, quarum deducendarum consilium Atheniensibus in primis fuisse, ait Isocrates, ut Graecia magis magisque amplificaretur (160). Tales autem coloniae ad posteriora maxime tempora, quae bella Persica secuta sunt, pertinent, cum Graeci per illa bella, suas ipsi vires noscere, iisque pro suo commodo uti dedicerant.

Peculiare etiam consilium coloniae deducendae Graecis fuit, ut suas ipsius colonias antea emissas, vincula autem, quae inter eas et metropoles obtinerent, rumpentes, in officio retinerent. Huiusmodi coloniae exemplum affert Herodotus, quae prima huius generis fuisse videtur. Cum enim Chalcidenfes Cleomeni, bellum Atheniensibus inferenti, auxilium tulissent, hi deinceps in Euboeam venerunt, huius rei vindictam sumturi, utque impedirent, ne quid illi in posterum mali molirentur, quater mille in Euboea reliquerunt colonos (161).

Bellorum fata saepissime in causa fuerunt, ut
to-

(159) CICERO *pro Flacco*. c. 27.

(160) ISOCRATES *Paneg.* c. 9.

(161) HEROD. V. 77.

totus quidam populus in alias regiones tanquam colonia migrare cogeretur. Huc pertinet migratio Aeolica. Aeoles, ab Heraclidis, in Peloponnesum reducibus, sedibus expulsi, ducibus filiis Pelopis, in Asiam minorem venerunt, et occuparunt Myliae et Cariae partem, quae deinceps Aeolis ab iis dicta est (162).

Eorundem Heraclidarum in Peloponnesum reditus emigrationis quidem Ionum in Asiam minorem causa fuit, sed remotior; cui plures aliae accedebant. Ionibus scilicet ab Achaeis Peloponneso expulsis, et ab Atheniensibus exceptis, Atticae amplitudo atque fertilitas ingenti huic advenarum numero non sufficiebant. Accedebat, quod, mortuo Codro, dissensiones orirentur inter eius filios de iure patri succedendi, quae, cum primum privatim agitentur, deinceps in turbas civiles exarserunt, populumque in factiones diviserunt, altero contra alterum arma ferente; cui utrique malo ut mederetur, civitas constituit, ut Neleus aliique Codri filii cum superflua illa Ionum multitudine in Asiam minorem proficiscerentur, ibique colonias conderent (163). Haec emigratio maxima sine dubio fuit, quam unquam viderit Graecia. Multi

(162) STRABO XIII, p. 872 seq.

(163) Vide auctores supra laudatos not. 155.

ti enim alii populi vario, consilio variaque spe allecti, eius participes fuerunt.

Quamquam Graeci mercaturae non adeo studuerint, ut omnia ei accommodarent, deinceps tamen Athenienses in primis et Corinthii nonnullas, mercaturae inserviendi gratia, colonias deduxerunt. Cum enim tractu temporis mercaturae maiorem navarent operam, egregias utilitates ex illis proventuras esse non solum, verum et eas omnino esse necessarias, eos fugere haud poterat, in primis cum exemplum Phoenicum iis in promptu esset. Corinthus, cuius si felicem in Isthmo situm spectemus, iam mature latam potuisset exercere mercaturam et navigationem, tempore in primis Periandri, qui Olymp. 38. 1^o. regnare incepit (164), mercaturae celebritatis famam nacta videtur, atque eo praesertim regnante, plurimae coloniae propter mercaturam ab ea conditae videntur (165). Quo tempore Athenienses hoc consilio colonias deducere inceperint, certo quidem determinare non possum; crediderim tamen, illud ad posteriora tempora esse referendum. Ex Thucydide enim videre est, ante bella Perfica eorum naves non adeo

(164) EUSEB. *Chron.* p. 109.

(165) PLUTARCH. *de sera num. vind.* tom. II, p. 552.

adeo magnas, nec bene instructas fuisse; Xenophontis tamen tempore eorum mercatura et navigatio multum roboris acceperat: immo hic de Athenis loquitur, tanquam de urbe maximam mercaturam exercente, omnibusque ad eam necessariis instructa (166).

Si autem traditionibus fidem habeamus, statuere licet, inter colonias in Asia minori fuisse, quae ipsas metropoles, si de mercatura et navigatione est sermo, superarent, usque adeo quidem, ut pleraeque coloniae hoc fere consilio ab his coloniis sint deductae, cum e contrario ipsius Graeciae civitates eas magis propter civiles rationes deducerent. Una Miletus, celeberrima illa, tum mercatura sua longe lateque patente, tum divitiis egregiis, innumerabiles colonias condidit, eo in primis consilio, ut mercaturae inservirent, eamque latius propagarent. Septuaginta quinque eius colonias memorat Seneca (167). Plinius vero octoginta eam habuisse ait (168); pleraeque ad Pontum Euxinum fuerunt sitae (169), quem, secundum Strabonem, tum etiam Propontidem aliaque loca coloniis Mile-

(166) XENOPHON *de proventib.* cf. Proclidis sive Patroclis Phliafii oratio apud eundem, *Hellenic.* VII. init.

(167) SENECA *consol. ad Helv.* c. 6.

(168) PLINIUS H. N. V. 30.

(169) STRABO XIII, p. 881 seq.

lesii frequentaverant (170), quarumque nonnullas enumerat Anaximines Lampfacenus (171). Hinc Ammianus Marcellinus testatur, colonias Graecorum ad Pontum Euxinum, paucis tantum exceptis, Milesiorum fuisse (172).

Non quidem omnes indicavi causas, ob quas Graeci colonias emiserunt. Fuerunt enim coloniae, quarum deducendarum ratio nulli, quas indicavi, caufarum, esset tribuenda; ita, ut hoc utar, nonnullae deducebantur propter pestem in patria saevientem, quam timentes, plures familiae patriam relinquebant, alias sedes quaesiturae; aliaeque causae plures. Tales autem causae tam variae sunt, ut eas omnes enumerare longum esset: magis etiam inquirere mihi proposui, propter quae consilia civitas colonias condi decreverit, quidve sibi, iis condendis, proposuerit, quam quidem singulas omnium causas indicare, quae singularibus semper quibusdam rebus et factis sunt tribuendae; licet tamen illas omnes non omnino silentio praeterereundas esse duxerim.

Coloniarum ab Alexandro Magno, Graecis libertate orbatis, deductarum alia omnino
ra-

(170) STRABO XIV, p. 941 cf. OVID. *Trist.* III. 9. vs. 1 seq.

(171) Apud STABONEM *ibid.*

(172) AMM. MARCELL. XXII. 8.

ratio fuit. Nam tametsi coloniae Graecae deducerentur, five privata five publica auctoritate, ipsorum tamen colonorum accedebat voluntas, et condebantur secundum consilia, quae sibi aut civitas, aut privati quidam proposuerant: et licet a privatis emitterentur, auspice tamen fere ipsa civitate proficiscebantur, religionisque in iis deducendis maxima habebatur ratio. Contra coloniae post pugnam ad Chaeroneam conditae, cum unius Alexandri arbitrio deducerentur, ex iis despotica eius imperii forma egregie elucescit, et si earum condendarum animadvertamus consilia, quantopere differant a coloniis proprie Graecis, magis apparet; illae enim non propter civiles causas condebantur, sed militares fere erant, five, ut veterani, quos senilis aetas amplius arma ferre non sinebat, eas tenerent; five, ut in eas mitterentur, qui gentes devictas cohiberent; aliquatenus igitur eas comparare licet cum illo coloniarum genere, quod seriori tempore apud Romanos introduxit Sylla.

Alterum discrimen inter colonias Graecas et Alexandri Magni in eo conspicitur, quod in his populorum in eas mittendorum ratio habebatur non adeo magna, ita ut in una colonia multifarias animadverteres gentes, sibi saepe omnes ignotas. Illae vero ex solis Graecis non tantum compositae erant, sed suas quaeque stirps

stirps colonias habebat, Aeoles, Iones et Diores, uti supra significavimus (173).

§ 2.

*De modo Graecarum coloniarum
deducendarum.*

Supra iam monui, religionis in coloniis deducendis maximas fuisse partes. Colonia enim decreta, Delphicum aut Dodoneum oraculum consulebatur, quo deducenda esset colonia, de via, quae sequenda esset, deque ducibus coloniae deducendae praeficiendis (174). Egregium huius rei exemplum est colonia ab Atheniensibus in Thraciam deducta, suadente Pythia. Dolonci, (quo tempore Athenis summa fuit penes Pisistratum potestas) Chersonesum tenentes, a vicinis Abfinthiis pressi, legatos Delphos miserunt, qui oraculum consulerent; quibus respondit Pythia, eum coloniae conditorem in hanc regionem secum ducerent, qui
iplos

(173) De coloniis Graecorum ab Alexandri Magni inde tempore. vid. D. H. HEGEWISCH *uber die Griechischen colonien seit Alexander dem Größen*. Altona 1811.

(174) Leges, in primis quae ad res Divinas spectarent, Delphis, a colonias condituris petendas esse, praecipit PLATO, *de Legib.* pag. 759. ed. Serrani.

ipſos, poſtquam templo egreſſi eſſent, pri-
mus hoſpitiſ exciperet. Quod quum feciſſet
Miltiades Cypſeli filius, extemplo oraculo con-
ſulto: an faceret, quod eum Dolonci rogaſ-
ſent; aſſumtiſque nonnulliſ ex Athenienſibuſ ſo-
ciis, una cum Dolonciſ profectuſ eſt, quo-
rum deinde princepſ eſt creatuſ (175). Ita
oraculo conſulto Parii in Thaſum coloniā de-
duxerunt (176). Phocaei, Maſſiliā conditum
profecti, ab oraculo iubebantur, navigationiſ du-
cem a Diana Epheſia accipere (177). Non dif-
ficile foret, plura hic apponere exempla, cum
apud ſcriptoreſ nulliuſ fere coloniā, non con-
ſulto oraculo conditae, facta ſit mentio. Quam
conſtans hic moſ conſulendi oraculi apud Graecoſ
fuerit, inde patet, quod Herodotuſ, de colo-
niā loquens, Dorieo duce, irāto, quia in regia
dignitate aliuſ ſibi praelatuſ videbat, deducta,
ſilentio non praeterire poterat, eam fuiſſe de-
ductā oraculo non conſulto: οὐτε, inquit, τῇ
ἐν Δελφοῖσι χρηστηρίῳ χρησάμενοſ, ἐς ἥντινα γῆν
κτίσων ἦν, οὐτε ποιήſαſ οὐδὲν τῶν νομιζομέ-
νων (178).

Im-

(175) HEROD. VI. 34—36.

(176) STEPHAN. *de urbib.* voce Παρίον et Πάρος.

(177) STRABO IV. p. 271.

(178) HEROD. V. 42.

Immo non numquam ipsum oraculum coloniam deduci iubebat, cuius rei exemplum proferit Iustinus: » Cyrene autem, » inquit (179), » condita fuit ab Aristaeo, cui nomen Batto » propter linguae obligationem fuit. Huius pater Grinus, rex Therae insulae, cum ad oraculum Delphos, propter dedecus adolescentis » filii nondum loquentis, Deum deprecaturus » venisset, responsum accepit, quo iuebatur » filius eius Battus *Africam petere et urbem » Cyrenen condere, usum linguae ibi accepturus* » (180).

Patet igitur, tantam curam Graecos posuisse in condendis coloniis, quantam cum rei pondere atque momento convenire perspiciebant; adeo ut, quamvis colonia esset decreta, eam non temere tamen deducerent, inconsulto oraculo, cum iis persuasissimum esset, coloniam hoc modo deductam feliciori fato non esse usuram

(179) IUSTINUS XIII. 7. cf. HERODOTUS IV. 155 seq.

(180) Ideo in primis hoc exemplum apposui, quod scriptor recentior, (HEGEWISCH l. l. p. 141.) oraculum in condendis coloniis, ut in ceteris alicuius momenti rebus, consultuisse quidem Graecos affirmavit, ipsum vero oraculum coloniam deduci iussisse negavit, atque ideo Barthelemyum reprehendit, qui inter ceteras coloniarum condendarum causas, *oraculorum* etiam *iussu* retulerat; quamobrem huius generis coloniae exemplum se admodum desiderare dixit, cui desiderio, hoc exemplo laudato, me satisfacisse mihi videor.

ram; cum e contrario nulla non bona sibi pollicerentur ex colonia, oraculi iusfu deducta. Quod etiam indicat Iulianus Imperator, dicens, colonias, Apollinis iusfu deductas, maximam terrae partem humaniorem reddidisse (181).

Qui coloniae deducendae praeesset, ab oraculo fere creabatur, sive eum, a civitate iam cre-

(181) IULIANUS Imp. Orat. IV. — Graecos in coloniis deducendis Apollinis oraculum prae ceteris secutos fuisse, exemplum Doriei, cuius modo memini, egregie docet. Hic, rebus in Africa infelicitè gestis, eiectus tertio anno a Macis, Libybus et Carthaginienfibus, in Peloponnesum redux, cum Antichares ex Laii oraculo ei consilium dedisset, ut Heracleam conderet, Delphos tamen profectus, Pythiam adlit, quaerens: *εἰ αἰρέει ἐπ' ἣν στέλλεται χώραν*, et accepto responso, ipsum potiturum, cum classe et multitudine hominum ablit. HERODOTUS V. 42 seq.

Rebus urgentibus, per privatorum aut magistratum studia, eorum commodis suadentibus, ut colonia deduceretur, Pythiam se corrumpi saepius passam fuisse, credere licet. Satis enim constat, eam, ut faustum oraculum petentibus ederet, dona non semel accepisse. Sic Alcmaeonidae, Athenis profugi, Delphis morantes, Pythiae pecunia persuaserunt, ut quoties cives Spartani oraculum consulturi venirent, constanter illos moneret, ut Athenas liberarent. HEROD. V. 63. Hanc fraudem a Lacedaemoniis compertam fuisse tradit *idem*, V. 90. Clisthenes apud *eundem* V. 66. dicitur, *ὅσπερ δὴ λόγον ἔχει τὴν Πυθίην ἀναπείσαι*. Et Cobon Cleomeni conciliatus *Περίαλλαν τὴν πρόμαντιν ἀναπείθει, τὰ Κλεομένης ἐβούλετο λέγεσθαι, λέγειν* qua fraude detecta, Cobon Delphis aufugit, mulier vero fatidica *ἐπαύσθη τῆς τιμῆς*. Vide HERODOTUM VI. 66.

creatum, oraculum confirmaret (182), five etiam ducem ipsum designaret (183). Plures saepius unius coloniae duces fuerunt. Ita v. c. coloniam Ionicam in Asiam minorem Neleus ceterique Codri filii deduxerunt. Omnibus tamen his unus praefuisse videtur (184).

Neque levis honos habebatur ab oraculo coloniae ducem fuisse creatum, tantaque quidem erga duces fuit reverentia, ut coloniae eos herorum instar honore prosequerentur, et, postquam vita excessissent, in Divorum numerum collocarent, multisque saeculis post iis tribuerent honores, adeo ut monumenta iis erigerent, sacra facerent, urbem conditoris nomine insignirent aut nummos eius nomine inscriberent (185).

Qui coloniae deducendae participes esse sibi proposuerant, tabulae cuidam, quae ἀποίμια dice-

ce-

(182) Exemplum est apud HERODOTUM V. 43.

(183) Exemplum de Miltiade est apud eundem VI. 34—36. Cf. NEPOS in *Miltiade*. c. 1. Hinc forsitan repetendum est, quod nonnunquam colonia non ab eiusdem civitatis duce, sed ab extero deducebatur; cuius rei exempla sunt apud PAUSANIAM VII. pag. 398.

(184) Cf. WESSELINGIUM ad DIODORUM SIC. XII. 10.

(185) HERODOTUS VI. 38. Exemplum Tenis Tenedi conditoris est apud CICERONEM N. D. III. 15. in *Verrem*, I. 19. DIOD. SIC. V. 83. Timesiae apud HEROD. I. 168, Autolici apud STRABONEM XII. pag. 822. Therae apud PAUSANIAM III. p. 160, VII. p. 398. Brasidae apud THUCYDIDEM V. 11. cf. laudati a DUKERO. ad eum l.

cebatur, nomina dabant (186). His ἀποίκιοις (187) conditiones, secundum quas colonia deducere-
tur, iuris vinculum ac necessitudo, quae inter
coloniam et metropolin intercederet, aliaque
continebantur (188). Coloniae autem non so-
lum ex ipsis civibus constabant, sed saepius
alii Graeci coloniae participes assumebantur;
cum praecones per Graeciam mitterentur, qui
edicerent, quemvis huius illiusve coloniae par-
ticipem esse posse (189).

Coloniarum focii armis, commeatu, omni-
busque, itineri ad novam regionem necessariis
de publico instruebantur (190). In novam regi-
onem postquam venissent, agrum sortiebantur,
cuius alia pars ipsi civitati tribuebatur, alia ipsis
colonis, ut in ea domos aedificarent (191).

Non

(186) HARPOCRATION in voce ἀποίκια.

(187) τὰ ἀποίκια enim dicuntur, subaudito γραμματὰ,
non vero ἡ ἀποίκια. Vide HEYNI *Opusc. Acad.* vol. I, p.
324.

(188) Vide HEYNIUM l. l.

(189) Exempla sunt numero plura. Vide inter alia DIOD.
sic. XI. 70, XII. 10, XII. 59. THUC. I. 27. PAUSAN.
VII, pag. 398.

(190) LIBANIUS *argum. orat. Demosth. περὶ τῶν ἐν
χερρόνησῳ.*

(191) Exempla vid. apud DIODORUM IV. 29, XI. 60,
XI. 70, XI. 76. et passim; nam ad quamcumque coloniam
illud pertinuit.

Non magnopere laudandae, ne damnandae dicam, erant rationes, quibus Graeci colonias fere condiderunt. Coloni enim, relicta patria, non semper ad oras minus habitatas appellebant, sed saepius veteres incolas sedibus expellebant, crudeliterque in eos saeviebant. Asiae minoris ora, princeps Graecarum coloniarum regio, heu nimis saepe haec experta est. Neleus cum Ionibus, Mileto occupata, eius incolas Cares ac Leleges (192) magna ex parte exterminavit (193), eorumque regiones, ut deinceps item Doreas, occuparunt (194). Androclus eiusdem emigrationis Ionicae alius dux, Cares et Leleges aliosque, qui Ephesum tenebant, urbe eiecit: felices illi, qui circa Dianae templum habitabant, quibusque fati quadam felicitate licuit, post initum cum Ionibus foedus, ibi permanere (195); quod evenit Caribus Tei, quibus cum Graecis convenit, ut regionem cum Atheniensibus ac Boeotiis, novis advenis, dividerent (196).

Coloniae igitur, quamquam summa, scilicet! religione, et auspiciis ipsorum Deorum emisae, apud

(192) STRABO XIV. p. 938.

(193) PAUSAN. VII. p. 399.

(194) STRABO XIV. p. 976.

(195) *Idem.* XIV. p. 948.

(196) PAUSAN. *ibid.*

apud Graecos tamen multarum saevitiarum et iniuriarum macula fuerunt notatae (197).

§ 5.

De modo, quo Graecorum coloniae fuerunt instructae, deque earum cum metropoli necessitudine.

Necessitudo inter Graecas colonias earumque metropoles omnibus aetatibus non eadem semper fuit. Quoties enim priscois temporibus aliqua populi pars, propter res novas aliasque minus feliciores causas, patria relicta, in coloniam discesfisset, sine ulla civitatis lege, aut saepius invita ipsa civitate, quo pacto de iuris necessitudine inter tales colonias et metropolin cogitari poterat? In eiusmodi enim colonos, loca nova occupantes, vasto saepius interiecto mari, omne ius atque auctoritatem civitas amittebat. Aliquod quidem manebat vinculum, quale inter populares fere esse solet, communis originis memoria, cum mores et consue-

(197) Vere dixit SANCTO-CRUCIUS, *de l'état et du sort des colon. Grecq.* p. 213: „L'origine des colonies a donc offert de tous les tems des spectacles de cruauté et de barbarie.”

suetaudines, maiorum instituta, sermonem patrium, alia, secum portarent coloni. At vero de iuris aliquo vinculo nequaquam illis temporibus cogitari poterat. Tales igitur coloni in novis regionibus novus quasi fiebat populus, penes quem antiquae patriae, nil nisi memoria remanebat.

Alia tamen fuit coloniarum, ipsa civitate auctore deductarum, conditio ac ratio. Eiusmodi enim arcta cum metropoli manebant devinctae necessitudine, idemque populus. Quamquam tamen, ut hoc obiter moneam, antiquioribus huius generis coloniis cum metropoli necessitudo non tanta fuit, quanta iis, quae deinceps a civitatibus deductae sunt. Ratio est, quod, antiquis temporibus leges ac conditiones, secundum quas coloniae emittebantur, aut nullae fere, aut saltem imperfectae fuerunt, et tractu demum temporis in melius aliquantum converti coeperunt. Cum autem nostra disputatio in primis ad colonias ab ipsa civitate deductas pertineat, age videamus, quaenam earum fuerit conditio ac ratio erga metropolin.

Quod de Phoenicum coloniis animadverti, idem valet de Graecorum, eas scilicet, ad exemplum metropolis fuisse institutas; quod autem hic in primis in censum venit, iisdem utebantur sacris ac religionum ceremoniis.

Colonia decreta, eius focii secum ducebant

patriam religionem patriaque sacra, hoc est signa Deorum patriorum, instrumenta vasaque sacra; quod autem ad Athenienses in primis spectat, ignem sacrum ex ara in penetralibus urbis sive prytaneo accensum, secum sumebant. Hunc morem innuere videtur Herodotus, ubi de emigratione Ionum ita figuratim loquitur: ἀπὸ τοῦ πρυτανείου τοῦ Ἀθηναίων ὀρμηθέντες (198). Hunc morem tantummodo a colonis, recenter ex patria profectis, observatum fuisse verius mihi videtur, quam, uti nonnullis viris doctis (199) placuit, moris fuisse, ut, si quando ignis iste sacer in colonia infelici casu extinctus esset, in prytaneo metropolis tantum accendi posset. Nam haec opinio tum auctoritate unius lexicographi (200) nititur, tum vero neque cum principiis religionis Graecorum convenire videtur, uti vult Ill. Raoul Rochettus, neque confirmatur loco laudato Herodoti, uti tum ille, tum Bougainvillius pu-

(198) HEROD. I. 146.

(199) DE BOUGAINVILLE, *disfert*, qua responderetur ad quaestionem ab Acad. Reg. Inscript. et Litt. Hum. anno 1745. propositam: „qu'els etoient les droits des metropoles Grecques envers leurs colonies et des colonies envers leurs metropoles” pag. 3, 4. RAOUL ROCHETTE, *Op. laud.* tom. I, p. 40. — Hanc sententiam etiam tuetur doct. BRAND I. I. *disfert. laud.* pag. 91 seq.

(200) ETYMOLOG. MAGN. V. πρυτανεία.

putat; qui locus de colonia ex patria proficis-
sente narrat tantum, ubi loquendi formula uti-
tur Herodotus, mori, hac occasione usitato, con-
veniente. Si autem animadvertamus, quanto-
pere Graeci Deos et res divinas venerarentur,
eos omnia ad religionem pertinentia secum du-
xisse, ipsamque religionem retinuisse, non est
quod in dubium vocemus (201). Phocaei, condita
Masilia, cultum Dianae Ephesiae in hanc colo-
niam introducebant, inque reliquis Ionum colo-
niis omnibus primo loco haec Dea colebatur, et
ad imitationem Ephesi, simulacrum Deae reli-
quique ritus instituebantur (202). Quid? adeo
generalis hic mos fuit, ut alicuius populi origo a
scriptoribus saepissime ex communi religione, ri-
tibus ac caeremoniis probaretur. Polybius, Io-
vem Agrigenti eodem atque apud Rhodios modo
fuisse dictum et cultum significans, hoc iure fieri
animadvertit, cum Agrigentum Rhodiorum esset
colonia (203) Teneatos et Tenedi incolas eius-
dem fuisse originis, ex eo probat Strabo, quod
ambo Apollini sacra eodem modo faciebant (204).

Et

(201) PAUSAN. VII. 2.

(202) STRABO IV. pag. 271.

(203) POLYB. IX. 21. Scilicet condita est a Gelois, Rho-
di colonis. THUC. VI. 4.

(204) STRABO VIII. p. 584.

Et Dionysius Hal., ritus in nonnullis Italiae urbibus similes inveniens iis, qui in Iunonis templo Argis observabantur, illas Argivorum colonias fuisse inde conficit (205). Hinc igitur Graecorum Dii in tot variis regionibus, longissime etiam a Graecia disitis, iisdem nominibus, iisdemque ritibus culti fuerunt.

Quod ad regiminis formam attinet, eadem colonia ac metropolis utebatur; ex eo derivandum, quod patrias leges secum in colonias ducerent. In insulis Cycladibus, colonia Atheniensium, Atticae regiminis forma locum habuit (206). Apud Thucydidem legimus, Notium, Ioniae urbem, secundum leges Atticas fuisse conditam (207). Idem affirmat, Gelam, Doricam coloniam, legibus Doricis usam fuisse, et Geloos, Agrigento condita, huius urbis incolis suas dedisse leges (208). Denique Masilienses, origine Phocaei, adeoque Iones, legibus utebantur Ioniciis (209). Quantam vim haec *ισονομία* in colonorum mores, linguam, res civiles, instituta, omnia alia habuerit, perspicuum est. Illa
om-

(205) DION. HAL. *Ant. Rom.* I. 21.

(206) ISOCRATES *Panathen.* pag. 241.

(207) THUCYD. III. 34. κατὰ τοὺς ἰαντῶν νόμους κατῴκισαν τὸ Νότιον.

(208) *Idem.* VI. 4.

(209) STRABO IV. 271.

omnia tamen pro temporis ac loci ratione deinceps fuisse mutata, et ad ingenia hominum accommodata, facile intelligitur, licet in coloniis metropoleos vestigia etiam deinceps deprehenderis. Quid? insignis illa similitudo efficit, ut eandem fere civitatem, cum omnibus suis rebus in aliam regionem transportatam, cernere tibi videaris. Ita Iones, cum in Peloponneso duodecim tenuissent urbes, in Asia minore etiam totidem habitabant (210); omnes illae foedere erant iunctae, omnesque Neptuno Heliconio sacra faciebant, cuius Dei cultus apud eos manserat, postquam ab Achaeis sedibus fuerant expulsi (211), cuiusque cognomen, templique formam ab Helice Achaiae urbe petiverant (212). In hoc templum (213) a duodecim istis urbibus, iisque solis, statutis temporibus mittebantur legati (*πρόβουλοι*), qui in eo Panionia celebrarent atque de rebus Ionum communibus consultarent (214). Locus, quo illud Panionium erat

(210) HEROD. I. 142.

(211) PAUSAN. VII. pag. 445.

(212) STRABO VIII. p. 590.

(213) *Πανιώνιον* dicebatur. HEROD. I. 142 seq. et 148.
cf. WESSELINGIUS ad DIODORUM XV. 48.

(214) STRABO VIII. p. 589. HEROD. I. 170, VI. 7. ibique
WESSELINGIUS et VALCKENARIUS, qui docet, de duodecim
Ioniae civitatibus foederatis octo tantum ad illud commune
gen

erat, sacer dicebatur, tum propter reverentiam, tum quia illud omnibus Ionibus erat commune. » Ibi est Panionium, » inquit Pomponius (215), » sacra regio, et ob id eo nomine appellata, quod » eum communiter Iones colunt. » Non alia igitur Panionia apud Iones erant atque Panathenaea apud Athenienses, quamobrem a scriptoribus saepius aequiparantur. (216). Praeter Iovis templum, Iones etiam, communibus sumtibus, templum Dianae Ephesi exstruxerant, quo item conveniebant, sacrificia facturi et negotiorum mercatusque causa, atque ubi certamina equestria, gymnica et musica, celebrabantur; quibus peractis, si quae dissenso inter civitates esset exorta, iudices sedentes de ea cognoscebant, aut de bello contra barbaros gerendo et mutua concordia consultabant (217).

Si autem eveniret, ut quae deduceretur colonia ex pluribus constaret populis (218), ex variis

gentis concilium suos legatos misisse, de rebus summis consulturos, quum Persae adversus Miletum reliquamque Ioniam proficiscebantur, quia totidem tantum memorantur VI. 8.

(215) POMP. MELA I. 7. cf. PLINIUS V. 29.

(216) EUSTATH. ad HOM. II. II. pag. 473.

(217) DIONYS. HAL. IV. 25.

(218) Hoc saepius locum habuisse, colonia Ionica aliaque arguunt exempla. Sic coloniam decies mille hominum Athenienses Amphipolin miserunt, partim ex civibus, partim ex
fo-

riis Graeciae regionibus profectis, moribus, legibus, ceteris diversis, tum iura coloniae in urbe nova conditae distribuebantur, his nomen, illis iura reive publicae formam tribuentibus, unde sua quaeque metropolis in hac colonia haberet iura.

Ex hac coloniarum et metropoleos similitudine intelligi potest, vinculum, quod ab initio esset, supermanere deinceps potuisse. Quamvis igitur aliqua populi pars locum mutaverat, haec tamen non novus fiebat populus, sed, ut Plato ait, manebat γένος ὁμόφωνον καὶ ὁμόνομον in duabus regionibus distinctum (219); illudque re ipsa tum metropolis tum colonia comprobabat; cum erga sese invicem quasi idem populus essent. Veluti, generalis moris erat, ut colonia quotannis legatos ad metropolin mitteret, Diis patriis sacra facturos. Hunc morem non a nonnullis, sed ab omnibus colo-

fociis. DIOD. SIC. XI. 70. Cum Athenienses coloniam ad Sybaritas mitterent, multi alii eius participes erant. DIOD. SIC. XII. 10. Thurii discedisse dicuntur, cuius potissimum civitatis colonia ipsorum esset dicenda, quum et Athenienses, et Peloponnesii ei nomen dedissent, ita quidem ut hac de re oraculum Delphicum consultum sit. DIOD. SIC. XII. 35. Et Antiphemus e Rhodo et Entimus ex Creta, suam uterque coloniam Gelam ducentes, communiter eam condiderunt. THUCYDIDES VI. 4.

(219) PLATO *de Legibus*, lib. IV, p. 708. ed Serrani.

loniis observatum fuisse, ex multis apparet; ita ut, quae hunc morem sprevisset colonia, omnino notaretur. Egregie hoc confirmatur a Diodoro Siculo, qui Corinthios Corcyraeis infensos fuisse ait, propterea quod hi soli fuissent, qui hunc morem non observassent (220). Metropolis vero legatos in coloniam mittebat, ut eius sacris interessent solemnibus; illis autem coloni maximos tribuebant honores; legati enim victimae molam salsam adspergebant, libationem sacram faciebant, princepsque iis locus (προεδρία) in ludis et primitiae dabantur. Atque causam, propter quam Corinthii Corcyraeos odio persecuti fuisse dicuntur, hanc affert Thucydidēs, quod hi hunc morem neglexissent (221).

Im-

(220) DION. SIC. XII. 30. διὰ τὸ μόνους τῶν ἀποικῶν μὴ πέμπειν τὰ κατεθισμένα ἱερεῖα τῇ μητροπόλει. De hoc more cf. POLYBIUS *Exerpt. Legat.* c. 114. Eundem morem a Carthaginiensibus observatum fuisse supra vidimus ex CURTIO IV. 2.

(221) THUCYD. I. 25. οὔτε γὰρ ἐν πανηγύρεσι ταῖς κοιναῖς διδόντες γέρα τὰ νομιζόμενα, οὔτε Κορινθίῳ ἀνδρὶ προκαταρχόμενοι τῶν ἱερῶν, ὥσπερ αἱ ἄλλαι ἀποικίαι. Hic locus ab interpretibus valde est vexatus; difficultatem autem in primis praebent: γέρα τὰ νομιζόμενα ἐν πανηγύρεσι ταῖς κοιναῖς, quod Scholiastes explicat: τὰς τιμὰς καὶ προεδρίας, et: προκαταρχόμενοι τῶν ἱερῶν, quod idem Scholiastes interpretatur: διδόντες τὰς κα-
ταρ-

Immo Scholiastes ad Thucydidem docet, moris fuisse, ut coloniae pontifices maximos ex metropoli arcesferent: ἔθος γὰρ ἦν, inquit, ἀρχιερέας ἐκ τῆς μητροπόλεως λαμβάνειν. Hoc quidem nonnumquam evenit. Ita Masfilienses a Phocaeis sacerdotem acceperunt (122); eiusdemque rei de Colophone exstat exemplum (123). Cum vero haec sola sint, quod sciam, huius rei exempla, et cum a nullo alio, nisi a Scholiaste, hic mos tradatur, eum generalem et ab omnibus coloniis observatum fuisse, affirmare non auderem (224).

Alia

Ταρχάς. Ad hunc locum collustrandum egregiam operam contulit HEYNIUS *Opusc. Acad.* I, p. 325. in nota. Locum ita intelligo, ut γέρα τὰ νομιζόμενα generatim denotent omnes honores, etiam eos, de quibus DIODORUS loquitur l. c. XII. 30. προκαταρχόμενοι autem τῶν ἱερῶν solummodo significet principem in confesfu locum. Nam si prius etiam προεδρίας significaret, ut illud explicat Scholiastes, bis idem THUCYDIDES dixisset. Alii aliter.

(222) Uti patet ex inscriptione, quam SPONIUS conservavit.

(223) TACITUS *Ann.* II. 54.

(224) Aliam viam inivit doct. BRAND l. l. p. 122. qui duobus hisce exemplis contentus, et solius Scholiastae auctoritate fretus, hanc consuetudinem ad omnes civitates pertinuisse existimat; in primis etiam ducto argumento ex silentio scriptorum, quum nihil magis probabile, nihil magis conveniens sit, quam scriptores, id quod verum et communi more institutum sit, silentio praeterire, atque tacere de iis, quae consue-
ta sunt omnibusque accepta. Bene quidem; saepe ita res est: ne tamen temere ex illo silentio argumentum ducatur;
prae-

Alia acceserunt, quibus necessitudo inter colonias et metropoles permanere optime posset, quae hic referre operae est pretium. Coloniarum scilicet Graecarum legati ludis Olympiacis intererant, ut ex multis Pindari carminibus efficere licet; quod quantopere ad animorum convenientiam valuerit, perspicuum est. Coloniarum etiam nonnullae ad concilium Amphycitionum legatos miserunt; ibique, ut ipsae metropoles, de communibus omnium rebus ac commodis deliberabant. Nonnullae scilicet ab Aeschine diserte inter huius concilii socios nuncupantur (225). Lacedaemoniorum coloni una cum illis Carnea celebrarunt (226). Athenienses vero et coloni *Ἀνατολία* communiter egerunt (227).

Co-

praesertim cum iidem scriptores res, de quibus earum ipsa natura ne dubitare quidem sinit, saepius narrent. Nam, ut hoc utar, quid magis congruum, quam quod singulis colonis, postquam in novam regionem advenissent, suis quaeque agri pars assignaretur? et tamen huius rei sexcenties meminerunt scriptores. Vide supra pag. 84, not. 191. Iam vero, si universi iuris fuisset, ut colonia pontificem maximum a metropoli acciperet, quidni, praeter Scholiasten, ceteri auctores huius meminissent, praesertim cum maximi momenti res esset, ad arctam necessitudinem designandam omnino faciens?

(225) AESCHINES *de falsa legat.* III, pag. 285. ed. Reiskii.

(226) Vide SCHOLIASTEN ad THEOCR. Eid. V. vs. 83. VALCKENARIUM et LARCHERUM ad HEROD. VII. 206.

(227) HEROD. I. 147.

Colonia vero, coloniam ipsa deductura, ducem, qui huic praeesset, a metropoli fere petebat. Exemplum praebent Corcyraei, qui, cum decrevisset coloniam Epidamnum deducere, Corinthium Phalium, Eratoclidæ filium, arcesiverunt a metropoli (228). Thucydidis locus, ex quo hoc exemplum petivi, classicus est, ideo, quod in eo docetur, illud non unicum huius rei exemplum apud Graecos fuisse, sed ab antiquis inde temporibus hunc morem locum habuisse; etenim hic dux *κατὰ τὸν παλαιὸν νόμον ἐκ τῆς μετροπόλεως κατακληθεῖς*. — Hinc repetendum est, quod inter coloniam coloniae et huius metropolin etiam aliqua necessitudo intercedebat, cum haec item coloniae a colonia emissae conditrix et metropolis haberetur (229). Hinc colonia, a colonia emissæ, huius metropoleos mores, instituta, leges, cet. accipiebat (230); hinc me-

(228) THUCYDIDES I. 24.

(229) Sic Corinthii Epidamni *οἰκισαί* dicuntur a THUCYDIDE I. 25.

(230) Doct. BRAND I. I. pag. 157. scribit: „Metropo-
 „lin non *omnino* eandem (scilicet in coloniam a colonia
 „deductam) quam in ipsam coloniam habuisse auctori-
 „tatem, primum inde patet, quod Geloi, Rhodi et
 „Cretae coloni, Agrigentum in Sicilia, deducta colonia,
 „condiderunt, non *κατὰ τὰ νόμια Δωρικὰ*, non *κατὰ*
 „*τὰ πάτρια*, sed *νόμια τὰ Γελώνων δόντες*.” Do-

metropolis auctoritatem, non quidem tantam, quantam ipsa colonia, aliquam certe habebat, atque officia quaedam huic coloniae praeſtabat; ut iidem Corinthii, qui Epidamniis auxilium promiserunt *κατὰ τὸ δίκαιον*: quod ipse Thucydides explicat: *νομίζοντες οὐχ ἥσσον ἑαυτῶν εἶναι τὴν ἀποικίαν ἢ Κερκυραίων* (231).

Quod si haec arctam inter colonias et metropolin necessitudinem ostendant, eo magis haec ex officiis, quae sibi invicem praestiterunt, intelligitur.

Primum coloniarum officium, erat arma contra metropolin non tantum non ferre, immo vero huic auxilio adesſe, cum eam bellis implicitam aut gravi calamitate affectam viderent. Quamobrem coloniae sociorum ordine plerumque censentur. Huius officii memor, Artabanus Xerxi suafit, ne Iones adversus Graecos duceret; ἔ γάρ, in-

ctrina vera est, exemplum tamen vitio laborat. Nam omnino *κατὰ τὰ νόμιμα Δωρικά*, omnino *κατὰ τὰ πάτρια* Agrigentum condiderunt. Etenim *νόμιμα τὰ Γελώων* dederunt; atqui haec Dorica erant, si quidem THUCYDIDES VI. 4. tradat, Gelam, cum esset condita, Dorica iura accepisse. Huc etiam pertinet, quod notat POLYBIUS IX. 21. Iovem Agrigenti Rhodiorum more cultum atque appellatum fuisse, cum tamen Agrigentum non Rhodi, sed Gelae, coloniae ex Rhodo propagatae, colonia esset.

(231) THUCYDIDES I. 25.

inquit, σφέας, ἤν, ἐπονται, δεῖ ἀδικωτάτους γίνεσθαι καταδουλουμένους τὴν μητρόπολιν, ἢ δικαιοτάτους συνελευθεροῦντας (232). Ob eandem causam Themistocles ad Ionēs scripsit: οὐ ποιεῖτε δίκαια ἐπὶ τοὺς πατέρας στρατευόμενοι, καὶ τὴν Ἑλλάδα καταδουλοῦμενοι· ἀλλὰ μάλιστα μὲν πρὸς ἡμῶν γίνεσθε, μεμνημένοι ὅτι ἀπ' ἡμῶν γέγονατε (233). In bello Peloponnesiaco, Athenienses et Lacedaemonii a suis ambo coloniis auxilia acceperunt (234). Quamquam eodem in hoc bello Meliis maxima mala minitarentur Athenienses, illi tamen sibi persuaderi non passi sunt, ut pro his contra Lacedaemonios arma fumerent. Μηλίους, inquiunt, ἀποίκους ὄντας, μὴ βούλεσθαι προδόντας, τοῖς μὲν εὐνοῖς τῶν Ἑλλήνων ἀπίστους καταστῆναι (235). Coloni denique Atheniensium cum his expeditionem in Siciliam susceperunt (236). Pietas et religio laesae videbantur, si qua colonia hoc officium negle-

(232) HERODOTUS VII. 51.

(233) HERODOTUS VIII. 22.

(234) THUCYD. II. 9.

(235) THUCYDIDES V. 106. Melii autem Lacedaemoniorum erant coloni. THUC. V. 84. HERODOTUS VIII. 48. PLUTARCHUS *de virtut. mulier.* in loco de Tyrrenis. *Conon Narrat.* 36.

(236) THUCYD. VII. 57. ubi alia multa inveniuntur huius officii exempla.

glexisset, quaeque in adversa acie pugnasset, ea iuxta atque ii, qui contra communi origine oriundos arma tulissent, impium et nefarium scelus committere dicebatur. Quamquam coloni haec officia nonnunquam transgressi sunt. Chalcidenfes, Atheniensium coloni, Cleomeni Spartanorum regi, Atheniensibus arma inferenti, opem tulerunt, quamobrem nova colonia in Euboeam deducta (237). Quum Xerxes Graecis bellum inferebat, Ionum nonnulli his opem non solum non tulerunt, sed etiam, lucri percipiendi spe allecti, cum Persarum rege contra Graecos militarunt (238). Corinthiorum legati quo magis coram Atheniensibus patetacerent iustas suas esse de Corcyraeis querelas, eo in primis orationem instituerunt, ut indicarent, Corcyraeos, quamvis Corinthiorum essent coloni, tamen et antea et tunc etiam bellum sibi inferre (239).

Foedera inire cum populis, qui metropoli
ad-

(237) HERODOT. V. 74.

(238) HERODOTUS VIII. 10.

(239) THUCYDIDES I. 38. ἀποικοὶ δ' ὄντες ἀφιστάσι τε διαπαντός, καὶ νῦν πολεμοῦσι. κ. τ. λ. Eiusdem generis multa exempla sunt apud eundem VII. 57. Ubi tamen multae coloniae necessitate coactae fuisse dicuntur, ut in adversa acie pugnarent.

adversæ essent, nefas habebatur (240). Quantas vero calamitates inter Graecas civitates ex male observato hoc instituto exortas fuisse accepimus? Quid? Bellum Peloponnesiacum, tanto sanguine gestum, nonne erupit post ictum inter Athenienses et Corcyraeos foedus? Ex Corinthiorum legatorum verbis patet, ab omnibus Graecis civitatibus nefas fuisse habitum, si colonia, invita metropoli, cum alia civitate foedus iniisset. Nam Corcyraeorum in ipsos impietate, ut aiebant, manifestata, cum ab Atheniensibus petissent, ne Corcyraeorum precibus indulgerent, addunt se ea dixisse, quae cum legibus Graecorum atque institutis omnino convenirent (241).

Metropoleos vero erat coloniis in omnibus succurrere, earum tutelam suscipere, curam agere, eas contra hostes defendere. Hinc Aristagoras, Mileti tyrannus, Asiae minoris civitatibus, a Persis oppressis, libertatem conciliare studens, cum in Graeciam venerat, Cleomenem Spartanorum regem sic allocutus est: *νῦν ὦν, πρὸς θεῶν τῶν Ἑλληνίων, ῥύσασθε Ἰωνας ἐκ δουλοσύνης, ἄνδρας ὁμαί-*

(240) Cum iis tamen populis, quibus cum metropoli nulla similitates intercedebant, foedera inire, coloniis licuisse, ex Potidaearum Corinthi colonorum exemplo manifestum est. Quippe qui Atheniensium *ξύμμαχοι φόρον ὑποτελεῖς* THUCYDIDI I. 56. dicuntur.

(241) THUCYDIDES I. 41.

ομαίμονας (242). — Eiusdem generis verba fecit in Athenienfium concione: ὡς οἱ Μιλήσιοι τῶν Ἀθηναίων εἰσὶ ἀποικοί, καὶ οἶκός σφας εἴη ῥύεσθαι δυναμένους μέγα (243). Ionicae civitates, quum ἡγεμονία penes Spartanos erat, propter Pausaniae insolentiam sese ad Athenienses applicuerunt, et ἡξίουσιν αὐτοὺς ἡγεμόνας σφῶν γενέσθαι κατὰ τὸ ξυγγενές (244). Quum Syracusani et Leontini bellum inter se gerebant, Rhegini his faverunt, κατὰ τὸ ξυγγενές (245). — Melii, ab Athenienfibus pressi, dicebant, se exspectare, Lacedaemoniorum civitatem sibi auxilio fore, ἀνάγκην ἔχουσαν καὶ εἰ μὴ τοῦ ἄλλου, τῆς γε ξυγγενείας ἔνεκα καὶ αἰσχίνῃ βοηθεῖν (246). Ambraciotae, expeditionem in Acarnaniam molientes, a Corinthiis naves acceperunt, cum horum essent coloni, quibus Corinthii studiose favebant (247). Ex eodem hoc necessitudinis vinculo explicandum est, quod Corinthii, cum Graecorum acies ad Plataeas ordinabatur, a Pausania impetraverunt, ut iuxta se starent Potidaeatae, ipsorum

CO-

(242) HERODOTUS V. 49.

(243) HERODOTUS V. 97.

(244) THUCYDIDES I. 95.

(245) THUCYDIDES III. 87.

(246) THUCYDIDES V. 104.

(247) THUCYDIDES II. 8.

coloni (248). Epidamnii, magnas seditiones et calamitates saepius perpesi, legatos miserunt in Corcyram ὡς μητρόπολιν οὔσαν, ut scribit Thucydides, ab ea petituros, ut sibi auxilium ferret, neque se perdi fineret (249).

Hac obligatione proximos non solum conditores teneri, sed et metropolin conditoris, ex eadem re efficitur. Nam cum Epidamnii, Corcyraeis metropoleos officia deferentibus, re infecta redire coacti essent, Delphis Deum consuluerunt, darentne operam, ut a Corinthiis, quos etiam conditores agnoscebant, auxilium sibi peterent; annuente autem Deo, Corinthum venerunt et auxilium ab ea acceperunt (250).

Hoc modo coloniae et metropoles, ad suas utraeque vires augendas, seseque ab exteris populis securas praestandas, multum contulerunt. Et, si arctissimam colonias inter et metropoles necessitudinem animadvertamus, non est, quod illud miremur. Coloniae enim apud veteres erga metropoles eo loco habebantur, quo

(248) HERODOTUS IX. 28.

(249) THUCYDIDES I. 24.

(250) THUCYDIDES I. 25. Ipsi Corinthii hanc obligationem agnoverunt; nam precibus Epidamniorum indulserunt, non solum propter odium in Corcyraeos, sed etiam κατὰ τὸ δίκαιον, ut Thucydides ibidem tradit.

quo liberi erga parentes (251). Hinc Plato alicubi dixit, necessitudini, quae inter colonias et metropolin intercedat, nihil simile esse. Quamquam haec amicitiae atque arctae necessitudinis officia non semper omni religione servata sint. Videbimus enim, metropoles coloniarum iurium immemores, dominationem in eas exercere saepius studuisse, et nimis in eas saeviisse.

Non aliter ac coloniae et metropoles, coloniae ex eadem metropoli propagatae, inter se arctissimo vinculo erant coniunctae. Erga sese invicem sorores habebantur, veluti ex eadem susceptae matre. Hinc earum inter se vinculum a scriptoribus saepe dicitur ἡ ἀδελφικὴ συγγενεία. Ita Dio (252) Leucaden Syracusarum sororem dixit, quia utraque Corinthi erat colonia. Haec necessitudo etiam confirmatur exemplo coloniarum Ionicarum in Asia minore, quas foedere omnes coniunctas fuisse diximus.

Ha-

(251) Hac comparatione apud scriptores nihil est frequentius. Artabanus Xerxi suavit. ne Iones socios sibi assumeret, neque duceret ἐπὶ τοὺς πατέρας. HERODOTUS VII. 51. Themistocles inter alia lapidibus incidit, quae deinceps ab Ionibus, qui Persis favebant, legerentur: "Ἄνδρες Ἴωνες, οὐ ποιεῖτε δίκαια ἐπὶ τοὺς πατέρας στρατευόμενοι. HERODOTUS VIII. 22. Cf. PLUTARCHUS in Themistocle tom. I, pag. 256. ed. Bryani. POLYAENUS I. 30. Idem Iones Graecorum dicuntur ὁμαίμονες apud HERODOTUM V. 49.

(252) Apud PLUTARCH. vit. Dionis.

Hactenus de necessitudine vidimus inter colonias et metropoles Graecas, quae sponte, sua ipsa natura, cognitionis quasi memoria obtinebat, deque earum officiis sibi mutuo praestandis, pietate in primis innitentibus. — At vero quid iuris inter eas intercesserit, et quomodo sese erga colonias gesserint metropoles, quaestiones sunt non minoris momenti, et ad hunc locum omnino pertinentes. Si ipsius rei consulamus naturam, illamque legem, quae, ut Cicero ait, non scripta sed nata est (253), quaeque a sana ratione proficiscitur, non magna probatione indiget, coloniam, ex liberis hominibus compositam, sua voluntate, sub auspiciis civitatis, profectam, suo iure liberam esse, neque metropoli subiectam. Quid? populine pars, relicto patrio solo, ipsa consentiente civitate, simul sua amittit iura et in subditiiorum venit ordinem. Immo vero, sua retinet iura, neque ei sine iniuria illa quis ablaturus est (254).

Ne-

(253) CICERO *pro Mil.* c. 5.

(254) Conf. doct. BRAND l. l. pag. 32 seq. Haec in eam sententiam non disputo, ac si contendam, colonias, relicta metropoli, sua ipsas fata sequi, et suo periculo novam condere civitatem; hac enim in re migrationum et ipsarum coloniarum, ad quas nostra disputatio pertinet, discrimen cernitur. Sed hoc volo, colonias, quamvis relicta patria, ad eandem civitatem etiam deinceps pertinere, eidem summo

Neque inter veteres defuerunt, qui hanc doctrinam agnoscerent. Tullus Hostilius dixit (255): τὸ δὲ ἄρχειν ἐκ παντός τῶν ἀποικιῶν τὰς μητροπόλεις, ὡς ἀναγκαῖον τι φύσεως νόμιμον, οὔτε ἀληθές οὔτε δίκαιον ἤξιούτο ὑφ' ἡμῶν. — Quantis autem mutationibus ista lex naturae per constituta hominum subiecta sit, nimium est notum.

Iuris vinculum, quod inter colonias et metropoles Graecas intercedebat, non omnibus idem fuit, cum saepe illud penderet a conditionibus, quibus deductae fuissent, quae in tabulis (ἀποίκοις) continebantur. Generatim autem credere licet, Graecas colonias civitates liberas fuisse, eo sensu, quod metropoles in eas imperium non exercerent, auctoritatem tamen haberent. Num autem eae emissae fuerint, ut revera hoc iure uterentur, an vero ut his promissis

atque antea imperio subiectas esse, in primis si regio coloniae condendae ad metropolin pertineat, et illa ab indicetur; tum in hac regione iisdem, atque antea in metropoli, iuribus gaudere, non vero subditiōrum esse numero; adeo ut eadem civitas per duas pluresve regiones quasi propagetur. Atque ita sine dubio intelligendus est summus nostras GROTIUS, ubi, *De Iure Belli et Pacis* II. 9, § 10. dicit: *sic novum populum sui iuris nasci*; nam haec ad verbum non esse sumenda supra saepius indicavi, cum colonia condita, novus quidem populus, respectu ad se, ceterasque gentes nascatur, non vero metropoleos habita ratione.

(255) Apud DION. HAL. III. 11.

lis allecti, eo plures focii coloniae nomina darent parum refert. De multis coloniis hoc probari potest. Herodotus de coloniis in Asia minore tradit, eas ante Croesi imperium liberas fuisse (256). Corcyraei in Atheniensium concione de se ipsi affirmant: οὐ γὰρ ἐπὶ τῷ δοῦλοι, ἀλλ' ἐπὶ τῷ ὅμοιοι τοῖς λειπομένοις εἶναι, ἐκπέμπονται (257). Et Corinthii, coloniam Epidamnum deducturi, edixerunt, ἐπὶ τῇ ἴσῃ καὶ ὁμοίᾳ τὸν βουλόμενον ἔναι (258). Sunt tamen, quae suadere videantur, ut statueret quispiam, colonias Graecas liberas non fuisse (259). Nam quod ad Corinthios attinet, ipsi dixerunt: ἡμεῖς δὲ οὐδ' αὐτοὶ φασὲν ἐπὶ τῷ ὑπὸ τούτων ὑβρίζεσθαι κατοικίσαι, ἀλλ' ἐπὶ τῷ ἡγεμόνες

τε

(256) HERODOT. I. 6.

(257) THUCYD. I. 34.

(258) THUCYD. I. 27.

(259) Antea etiam huic sententiae magis favebam; motus in primis exemplo coloniae Corinthiorum Epidamnum deductae ἐπὶ τῇ ἴσῃ καὶ ὁμοίᾳ. Credebam enim, coloniam ideo hac conditione fuisse deductam, ut, quo magis ea recederet a constanti Corinthiorum more, eo plures cives eius participes essent. Sed, re accuratius perpenſa, adductus sum, ut crederem, veram esse explicationem Heynii: illud non ad cives, sed ad peregrinos pertinere, ut scilicet hi eodem iure atque ipsi Corinthii cives eo proficiscerentur. Vid. HEYNI *Opusc.* I, p. 324. Ipsi Thucydidis locus hanc interpretationem poscit, cum in eodem capite tradatur, multos peregrinos huius coloniae socios fuisse.

τε εἶναι καὶ τὰ εἰκότα θαυμάζεσθαι (260). Attamen haec verba minus de principatu et de indeterminato imperio metropoleos, quam de auctoritate intelligenda sunt (261). Sunt etiam, qui colonias Graecas metropoli subiectas fuisse ideo contendunt, quod coloniarum magistratus a metropoli fuerint instituti. Et sane hoc factum fuisse multa exempla arguunt. De Potidaea, Corinthiorum colonia, hoc affirmat Thucydides, qui Athenienses tradit Potidaeatas iussisse: τοὺς τε ἐπιδημιουργοὺς ἐκπέμπειν, καὶ τοιοῦτον μὴ δέχεσθαι, οὓς κατὰ ἔτος ἕκαστον Κορίνθιοι ἔπεμπον (262). Cythera quotannis a metropoli Lacedaemone magistratum ad ius dicendum, Κυθηροδίκην, accepit (263). Et Epidauri coloni in insula Aegina Epidauro causas suas diiudicandas committere debebant (264). Quae licet ita sint, ne tamen

(260) THUC. I. 38.

(261) Haec etiam eo confirmantur, quod hic ἡγεμόνες εἶναι coniungitur cum θαυμάζεσθαι, quod de consuetis honoribus, a coloniis metropoli praestandis intelligendum est. Tum vero THUCYDIDEM I. 94. ἡγεμονίαν vocasse, quod, de eadem re loquens, paulo post dixit στρατηγίαν, animadvertit STHEPHANUS, quem DUKERUS laudat ad h. l. In posteriori autem loco στρατηγία τυραννίδι opponitur.

(262) THUC. I. 56.

(263) THUC. IV. 53.

(264) HERODOTUS V. 83.

men quis existimet propterea, principatum in colonias habuisse metropoles; hac autem formula intelligimus imperium, quod metropolis *iure* et *ab origine* in colonias exercuerit, non vero, quod *deinceps vi et armis* sibi comparaverit. Alia enim quaestio est, num coloniae Graecae *ab origine et iure suo* liberae fuerint, an vero tales *deinceps* esse permanferint. Posterius autem negandum est. Hic igitur mos, magistratuum in colonias mittendorum, ad seriora in primis tempora pertinet; cum metropoles in eas dominationem sibi conciliaverant, ad cohibendas colonias, pristina sua iura vindicantes. Atque ita etiam Thucydidis locum intellexisse videtur Scholiastes, scribens (265): *ἰξέον δὲ ὅτι τοὺτους ἀπέστειλλον οἱ Κορίνθιοι κατὰ ἔτος ἀρχόντας Ποτιδαιάταις, ὡς ἀποίκους, ἵνα, ἐὰν ἀποσῶσιν, εὐάλωτοι γένωνται.* — De Cythera autem res plane est singularis. Haec insula praesidium potius Lacedaemoniorum, quam eorum colonia dicenda est. Et cum eius maximam semper curam haberent, in eam tum alios magistratus, tum militum graviter armatorum praesidium semper miserunt, quod Laconiae adiacebat, et hostium incursionem valde opportuna erat (266).

Ut

(265) Vide Scholiasten ad THUC. I. 56. cf. SANCTO-CRUCIUS *de l'état et du sort des colonies des anciens Peuples.* pag. 176.

(266) THUCYD. IV. 53. Hinc Chilon, Spartanorum sapientis.

Ut autem, si de iure quaeratur, recte statuitur, colonias Graecas liberas ob origine fuisse (267), ita contra, si quae acciderunt animadvertamus, patet, metropoles coloniis identidem multum iuris detraxisse. Constat enim, civitates Graecas plerumque studuisse, ut colonias sibi subiicerent. Hinc fere prohibebant, quominus coloniae potentia nimis crescerent, ne aliquando hae ipsam metropolin viribus aut aequipararent aut etiam superarent. Thucydides testatur, Corinthios tum propter alia Corcyraeos contemptui habuisse, tum quod pecuniarum copia vel ditissimis quibusque Graecis pares essent, bellico apparatu gauderent, et classi se ceteris longe praestare iactarent (268).

In primis autem Athenienses ceteris Graeciae gentibus huius rei exempla praestiterunt. Saepius iniquissime cum colonis egerunt, eosque magis tanquam dedititios, quam liberos homi-

tissimus, dixisse fertur, magnum lucrum Spartanis fore, si haec insula undis potius mergeretur, quam emeretur. HEROD. VII. 235. Huius insulae situs opportunitate, Demaratus Xerxi suavit, ut in hanc insulam classem dimitteret, invasionem in Laconiam suscepturam. *Idem. ibid.* Et eadem commoditate usus est Nicias, cum in bello Peloponnesiaco huic insulae bellum inferret. THUC. I. I.

(267) Eandem sententiam latius exposuit doct. BRAND I. I. p. 123 seq.

(268) THUCYDIDES I. 25.

mines, ex se propagatos, tractarunt. Et dum iis auxilio adesse, aut ex cognationis memoria quaevis officia iis se praestare prae se ferebant, clanculum iis libertatem eripere, iisque vincula iniicere conati sunt. Hermocrates (269) in Camarinaeorum concilio fateri non dubitat, Atheniensibus in bello Medico imperio ab Ionibus delato, licet illi prae se ferrent, se Persas ulturos, Graecorumque libertatem servaturos esse, in primis tamen eos bellum contra Persas suscepisse, ut Graecos, (quo nomine praesertim Iones Asiae minoris intelligendos esse crediderim) in suam potestatem redigerent.

Deinceps etiam tum a sociis tum a coloniis tributa exegerunt, quae cum tempore Aristidis, qui ea instituerat, modica essent, paulo tamen post, in primis belli Peloponnesiaci initio increcebant, ad quae congerenda, novi magistratus (*ἑλληνοταμίαι*) ab Atheniensibus sunt creati (270). Durissimo iugo subiecti erant Atheniensium coloni, initio praesertim istius belli. Diodoro Siculo narrationem debemus, quae crudelitatem et saevam Cleonis indolem egregie prodit. Eo enim suadente, populus iubebat Mitylaenaeos ad unum omnes, qui pubertatis annos superassent

(269) Apud THUCYD. VII. 76.

(270) THUCYD. I. 96.

lent, trucidari, ipsorumque liberos et uxores venditari (271). Quae si cogitemus, non est profecto quod miremur, colonias, simul atque occasio ipsis esset oblata, a metropoli alienatas fuisse. Quod in primis accidit, postquam ingentem a Syracusanis cladem accepissent Athenienses, et paene plane profligati essent. Tota enim tunc Euboea ab iis defecit, una excepta Oreo, quam ipsi Athenienses tenebant (272); et pleraeque ceterae insulae, identidem ab iis deficientes, ad Lacedaemonios sese applicuerunt (273). Bello Peloponnesiaco confecto omnes Atheniensium coloniae in potestatem Spartanorum venerunt. Horum tamen imperii brevi pertaesae, iterum deinceps foedus cum Atheniensibus inierunt nonnullae, Chios, Byzantium, Rhodus, Mytilene, aliaeque insulae. Senatus, Athenis habendus, institutus est, in quem ex unaquaque delecti convenirent, et in quo singulis suffragii ius esset; conveniebatque, ut suam quaeque haberet iurisdictionem, sub auspiciis tamen Atheniensium (274).

Quae

(271) DIOD. SIC. XII. 55.

(272) THUCYD. VIII. 95. Eadem insula saepius iam ante ab Atheniensibus defecerat; et paulo antea maxima exarserat seditio, quam tamen represerat Pericles, qui insulam iterum Atheniensibus subiecerat. *Idem* I. 114. DIOD. SIC. XII. 7.

(273) THUCYD. I. 99.

(274) DIOD. SIC. XV. 28.

Quae vero disputavimus ne ita interpreteris, ac si metropoles imperium in colonias semper five calliditate, five vi et armis sibi comparaverint, eoque semel accepto, nullas non iniurias in eas commiserint, iustique regulas plane violaverint. Saepius enim colonia, unanimi civium consensu, honoris aut auxilii accipiendi causa, imperium metropoli deferebat. Iones ope Atheniensium a Persarum dominatione liberati, sed Pausaniae insolentiae pertaesi, ipsi ad hos venerunt, petitori ut communis originis memoria, propter necessitudinem, quae illis secum erat (κατὰ τὸ ξυγγενές), sibi praeessent (275); atque adeo volentes illud imperium Atheniensibus concesserunt (276). Syracusani, quod Corinthii ipsis opem contra hostem bis tulerant, decreverunt: ὅσακις συμπέσοι πόλεμος αὐτοῖς πρὸς ἄλλοφύλους, Κορινθίῳ χρῆσθαι στρατηγῷ (277). Cave igitur, ne ex adductis et innumeris aliis, quae afferri possint, exemplis, effici posse putes, huic metropoleos principatui ab origine colonias subiectas fuisse, quasi vero illud ad maiorem patriam iure pertinuerit. Quid enim alioquin significat, illum colonias metropoli ob-

(275) THUCYD. I. 95.

(276) *Idem.* I. 96.

(277) PLUTARCH. in *Timoleone*, in fine.

obtulisſe κατὰ τὸ ξυγγενές, et hanc vicisſim illum accepisſe, διὰ ξυγγενείαν? Atque, quod ad tributa attinet, ea non ab initio colonias pependiſſe, ſed deinceps, Ariſtidis maxime temporibus, inſtituta eſſe, ex hiſtoria conſtat. Metropoles vero deinceps hac conceſſione abuſas, plenam in colonias dominationem exercuiſſe, alia res eſt, multasque ab iis ſaevitias et iniurias commiſſas eſſe, negari quidem nequit; attamen cum metropoles ſemel aliquam in colonias poteſtatem, iſſis illis conſentientibus, accepisſent, eas hanc poteſtatem magis magisque augere conatas eſſe, et deinceps eo perveniſſe, ut plenam in colonias exercerent dominationem, et has tandem ſibi plane ſubiectas haberent, quid et populis imperium magis magisque propagare ſtudentibus, totique aegrorum mortalium generi, quamplurima ſibi comparare meditati, magis congruens et conveniens excoſitari poteſt? Hoc docet et ipſa hominum natura, et gentium quotquot fuerunt per omnia ſaecula hiſtoria.

§ 4.

*De utilitatibus, quas Graeci ex coloniis
perceperunt.*

Si cogitemus, quibus conſiliis Graeci variis
tem-

temporibus colonias deduxerint, quas rationes secuti sint, quave prudentia eas vel deduxerint vel instruxerint, demique si colonias inter et metropoles necessitudinem reputemus, variae, quas illae Graecis utilitates praebebant, nos fugere haud possunt. Eas autem generatim diversas fuisse ab iis, quas Phoenices ex suis percepisse vidimus, ipsa quidem rei ratio satis docet; quamvis nonnulla cum Phoenicum coloniis haec in re recte comparaveris. Nam coloniae, aut si magis, emigrationes, propter nimium incolarum numerum, antiquissimis temporibus saepius ex Graecia profectae, neque recentioribus temporibus plane insolitae, siue eae sponte sua, siue ipsa auctore civitate patriam reliquerint, eadem quidem Graecis ac Phoenicibus, quin omnibus ceteris, quotquot fuerunt et etiam nunc sunt, populis commoda praebebant et utilitates. Pariter Graecia hominum otiosorum colluvie, civitati periculosissima, liberabatur, qua amissa, reliqua civium pars, civitati magis frugifera, bona quaevis multa huic poterat praestare, antea ab illa impedita.

Coloniae vero, quarum deducendarum consilia a Phoenicibus fuerunt aliena, alius prorsus generis commoda praestabant atque utilitates. Graeciae populi, quamquam ex civitatibus, quas singuli eorum constituebant, non

vastum neque late patens efficere studerent imperium, ut Persae, Macedones, Romani, alii; tamen, uti ceteri populi omnes, cavebant, ne suae civitates hostium incurfionibus infestarentur. Atque hoc eos consilio, in primis vero Athenienses plures colonias deduxisse supra significavi. Ex his autem coloniis eos maxima percepisse commoda, quis est qui non videat? A laesionibus quippe barbarorum, quas antea saepius experti erant, tuti fiebant; quas nisi avertissent, tractu temporis, fortasse non fines tantum invasisent, verum ulterius progressi, ipsas civitates Graecas adorti essent barbari isti, funditus eas deleturi. Coloniis deinceps tanquam praefidiis fere ac propugnaculis conditis, haec pericula cum avertebantur, tum ad terminos usque per Pontum Euxinum navigare et ad eius oras aliosque tractus sine laesionum metu appellere poterant Graeci. Sed praeter haec commoda, quae ex illis coloniis, ad Pontum Euxinum maxime et in Thracia conditis percipiebant, alias etiam eadem illae praestabant utilitates. Thracia enim Atheniensibus utilissima erat metallis aurariis, quae in illis regionibus inveniebantur (278), multam iis praebebat ligni copiam, navibus aedificandis aptis-

fi-

(278) THUCYD. IV. 105.

simam (279). Atque hinc intelligitur, cur Athenienses hanc regionem tanti facerent, et quare Amphipolin sibi iterum atque iterum ademptam, toto semper animo sibi recuperare studerent, quantamque iacturam fecerint, hac urbe a Brasida, Peloponnesiaci belli anno octavo occupata (280), quae praeterea vectigalia Atheniensibus pependerat (281). Accedebat, quod huic regioni insula Thasos erat vicina, coloniis Atheniensibus occupata, quae quanto pere iis prodesset, ex iis, quae de eius metallorum copia, deque divitiis, quas ex ea Phoenices olim hauserant, supra diximus, intelligitur.

Coloniae, a Graecis trans mare in variis regionibus conditae, ad culturam Graeciae generatim promovendam multum contulerunt. Cogitemus autem, eorum navigationem antiquitus piraticam fuisse, quam licet nunquam ad tantam perfectionem ac Phoenices perduxerint, colonias tamen, in primis Asiae minoris eam auxisse, dubitare non licet. Nam cum inter eas et metropoles artissima intercederet necessitudo, et hae cum illis maxima commercia exercerent, perspicuum est, haec omnia in Graecorum

(279) THUCYD. IV. 108.

(280) *Idem*. IV. 106.

(281) *Idem*. IV. 108.

rum navigationem maximam habuisse vim. Emis-
 sis coloniis, tum hae, tum metropoles, ut ne-
 cessitudinem et commercia inter se retinerent,
 ad navigationem, et omnes, quae ad hanc perti-
 nerent artes atque doctrinas sese necessario appli-
 cabant. Quid? civitatis limitibus ulterius pro-
 pagatis, pluribus quibusvis rebus indigebant,
 quarum usum antea inter arctiores fines inclusi
 ignorabant; atque hinc ingenium magis magis-
 que acuebatur. Quin etiam Heerenio (282) as-
 sentior putanti, colonias commerciaque metropo-
 leon cum illis, introductorum atque per totam
 Graeciam disperforum nummorum causam fuisse.
 Ex Herodoto autem scimus, Lydos, in quorum
 regione Graeci multas habebant colonias, num-
 mis ex auro atque argento cufis primos usos
 esse (283). Et Ephorus (284) tradit, Aeginetas
 primum cudisse nummos, cum per mare nego-
 tiari incepissent. Quin et commercia metropo-
 leon cum coloniis et arcta inter eas necessitudi-
 nem Graeciae non tantum, sed etiam universi or-
 bis cultui maximopere profuisse, non immerito
 statueris. Coloniis in felicioribus terrarum tra-
 ctibus sub optimo coelo conditis, quam varias il-
 lae

(282) HEEREN *Ideën*, etc. th. 3, abth. I. p. 287.

(283) HEROD. I. 94.

(284) Apud STRABON. VIII, p. 577.

lae humanae mentis cogitationes producere et explicare necessario debebant, in primis vero illae, quae liberae sua quaeque uterentur regiminis forma? Quot quantosque eximios sagacissimoque viros ingenio coloniae in Asia minore nasci viderunt, qui deinceps in Graeciam ventitarunt, scholasque ibi aperuerunt, unde exorta ingenia, quae Graeciam egregiis institutis, eiusque incolas optimis quibusvis disciplinis, ornarent, quae sui saeculi essent lux, et sequentibus aëvis faciem praeferrent, scriptis suis, quae per omnia tempora toti docto orbi exemplo fuerunt, et etiamnunc summa cum admiratione leguntur. Quid? nonne philosophiae Graecae initia in coloniis Asiae minoris quaerenda sunt? Nonne

Crevit occulto velut arbor aëvo

Fama

Thaletis Milefii, qui philosophiae apud Graecos auctor et inventor, et fuit et habetur? Nonne summi Athenis viri, Socrates, Pericles, Euripides, Anaxagoram, ex Thaletis schola profectum, magistrum habuerunt, eiusque praeceptis imbuti sunt? Quid memorem leges Zaleuci et Charondae egregias, quas nobile illud par suis uterque scripsit civibus, quibusque item multa inerant digna, quae imitarentur sequerenturque aliae gentes, ipsique Graeci illorum auctores?

Coloniae nonnullae situ suo metropoli maxima praebuerunt commoda, quarum scilicet opportunitate eo facilius regionem aliquam vicinam occupare possent. Tertio anno belli Peloponnesiaci Athenienses Aeginetas sedibus expulerunt, prae se ferentes, eos rebus Lacedaemoniorum favere, inque eorum insulam coloniam miserunt (285). Vera tamen haec causa fuisse non videtur, neque etiam ut ex ipsa utilitates perciperent, cum eius sterilitas satis superque esset nota (286). Immo verosimilius videtur, Athenienses hanc insulam occupasse maxime, ut, cum Peloponneso esset vicina, inde hanc facilius invadere possent; quod non obscure indicare videtur Thucydides, scribens: καὶ τὴν Ἀγιναν ἀσφαλέστερον ἐφαίνετο τῇ Πελοποννήσῳ ἐπιχειμένην, αὐτῶν πέμψαντες ἐποίκους, ἔχειν.

Si autem ad illud coloniarum genus respiciamus, quod longe praestantissimum Heynio merito dicitur, quarum scilicet deducendarum consilium fuit, ut eae navigationi et mercaturae infervirent, multi, ex quibus maxima haurirentur commoda, sese nobis offerunt fontes. Civitatibus mercaturam exercentibus colonias non solum utilissimas, sed et neces-

ri.

(285) THUCYD. II. 27. DIOD. SIC. XII. 41.

(286) STRABO I. c.

rias esse, supra iam monui. Eiusmodi autem colonias illis civitatibus Graecis, quae mercaturam exercebant, maximopere profuisse, quis non videt? Per omnes enim antiqui orbis partes coloniae Graecae erant propagatae, sive illae ab ipsis metropolibus, sive ab earum coloniis essent deductae. Non impediabatur metropolis ab aliis populis, quominus coloniarum portus adiret, qui nullis aliis patebant, nisi quibuscum foedera coloniae inierant. Corinthus, *bimaris illa*, ut Horatii verbis utar (287), quam, si felicem spectes situm, a natura mercaturae fere destinam diceres, quae maximam sane exercebat mercaturam, et iam ab Homero propter opulentiam laudabatur, Corinthus, inquam, tantamne unquam sibi conciliasset potentiam, nisi huc et illuc colonias deduxisset? Hinc deinceps Asiaticae et Europaeae mercaturae fuit emporium. Nam ex omnibus fere orbis partibus Corinthum merces mittebantur, quae inde quaquaversum distribuerentur (288). Quid Milesios, celeberrimos illos mercatores, ut in tot varias regiones deducerent colonias, movisset, nisi bene perspexissent, innumera ex iis com-

mo-

(287) HORAT. *Op.* I. 7. vs. 2.

(288) Cf. BARTHELEMIUS *Op. cit.* tom. 4, pag 133 ibique laudari.

moda, nullasque non utilitates mercaturae navigationisque esse proventuras?

Cogitemus porro arctissimam illam, quae inter Graecas metropoles earumque colonias intercebat, necessitudinem, innumeraque, quae sibi propterea invicem praestabant, officia. In nullis non negotiis invicem sibi succurrebant. Metropolis, bellis implicata, aut gravi pressa calamitate, aut denique si opibus indigeret, ad colonias sese convertebat, probe sciens, non frustra se petituram esse, ut illae suis opibus ipsam adiuverent. In coloniis optimum habebant praesidium, novissimum solatium.

Denique posterioribus temporibus, cum metropoles a coloniis tributa cogeant, illas ex his multas divitias hausisse perspicuum est. Si enim ingentem coloniarum cogitemus numerum, parvi ea tributa metropolibus momenti fuisse non potuerunt. Attamen eadem illa tributa specie tantum illis aliquod praebuerunt emolumentum, revera autem ipsis metropolibus valde nocuerunt. Tributa enim in causa fuerunt, cur coloniae deinceps identidem a metropolibus deficerent; unde haec simul cum tributis cetera etiam commoda, quae ex commercio cum coloniis redundabant, amiserunt. Utinam prudentiam, qua ceteroquin saepius eminuerunt, melius adhibuissent Graecae metropoles, et, quae amicitiae vincula iis praestabant, commodis contentae fuissent! diutius
sa-

fane illis aliisque emolumentis gavifae fuissent, quae vi et ambitione sibi comparare frustra deinceps conati sunt. Ex hac re docemur, quanto meliores certioresque sint utilitates, omniaque quaevis commoda et emolumenta, quae pacificum cum sociis aliisque civitatibus praebeat commercium, iis, quae vi, saeva ambitione, omniaque habendi cupidine nobis vindicemus.

CAPUT TERTIUM.

DE COLONIIS ROMANORUM.

Romanarum coloniarum confilia et rationes describere nunc aggredior; quae, five causas spectemus, ob quas populus Romanus eas deduxerit, five, illis deductis, ad vinculum attendamus, quod inter eas et metropolin intercederet, a Graecorum in coloniis tum deducendis tum instituendis consiliis, et vero ab iis, quae Phoenices secuti fuerant, longe differebant. Vidimus enim, Phoenices eo in primis consilio colonias emisisse, ut mercaturae et navigationi illae inservirent, utque hae per colonias magis magisque propagarentur; Graecos autem haec confilia aliquantum fuisse secutos, licet etiam propter alias causas non paucas deduxerint colonias. Romani contra, quibus mercatura et navigatio non adeo cordi erant, sed qui bellis gerendis imperii fines magis magisque propagare studebant, haec studia secuti potius

co-

colonias deduxerunt; unde etiam apud hos coloniarum deductarum longe alia ratio fuit, quam apud Phoenices aut Graecos, cum horum coloniae maiori fruerentur libertate, Romanorum vero metropoleos imperio obnoxiae magis manerent. Hinc intelligitur, quantopere omnia ad colonias pertinentia apud Romanos atque Phoenices et Graecos differant, uti etiam infra magis magisque apparebit.

His monitis, videamus

§ 1.

De consilio, quo Romani colonias deduxerint.

A primis iam civitatis primordiis Romani colonias condiderunt, adeo ut huius consilii ipse Romulus auctor merito dicatur. Hic enim, quae oppida cepit, ea neque diruit, neque servitute incolas multavit, sed in agrum ab iis captum colonos ad incolendum ab urbe deduxit. Ita Caeninensibus, Antemnatis et Crustumerinis devictis, eorum civitates colonias fecit Romanorum (289). Hoc Romuli institutum omnium praestantissimum iudicat Dionysius Halicarnasensis.

(289) DION. HAL. *Antiq. Rom.* II. 35, 36.

senfis (290): quod, uti idem existimat, fuit Romanae libertatis firmisimum fundamentum; neque rebus ad imperium parandum pertinentibus minimum profuit, ut scilicet puberes in urbibus captis non trucidarentur, neque in servitutem redigerentur, aut ager eorum desertus relinqueretur; sed coloni in eas mitterentur, agrique pars iis assignaretur, urbesque devictae fierent Romanorum colonias et nonnullis etiam ius civitatis daretur. — Quidni lubenter Dionysio assentiamur? Hoc enim consilio quid ad imperium latius propagandum melius excogitari potuit atque efficacius? Quid? hoc modo Romani, unam initio urbem tenentes, alia devicta, populique parte in eam deductâ, nomen Romanum deinceps propagarunt; unde coloniae Gellio recte dicuntur: *civitates ex civitate Romana quodammodo propagatae* (291). Neque, qui Romulo successerunt, reges hoc consilium reprobarunt; siquidem Livius scripsit, Tarquinium Superbum colonos Signiam Circeiosque misisse, tum ob alias causas, tum *quia occupari latius imperii fines volebat* (292). Neque deinde, regibus exactis, ille mos desit, sed S. P. Q. R. hanc

(290) DION. HAL. II. 16.

(291) A. GELLIUS N. A. XVI. 13.

(292) LIVIUS I. 56.

hanc consuetudinem retinuit, horumque potestate imminuta, Dictatores et deinde Imperatores colonias deduxerunt (293). Cum autem hoc princeps esset Romanorum consilium, tum in omnibus eorum rebus perspicuum, tum ad omnes, quas deducerent colonias, magis minusve pertinens; age vero, propiora consilia accuratius investigemus.

Primum autem colonias deduxerunt Romani, ut priores populi, qui locum, quo mittebantur coloni, habitabant, coercerentur; quod Flaccus innuit (294), qui *Colonias* ita dictas ait, » Quod » Romani in ea municipia colonos miserunt, » vel ad ipsos municipiorum populos coercendos, vel ad hostium incursum repellendos. » Huc pertinent coloniae, Caeninensibus et Antemnatibus devictis, in horum urbes deductae, cum Romulus illud optimum remedium fore putaret, et ad gloriam et ad incolumitatem utrisque utile (295). Quare ob eandem item rationem Crustumarium deducta est colonia (296).
Mul-

(293) Qui recensum coloniarum Romanarum sibi velint, legant scriptores laudatos ab HEYONIO *Opusc. Acad.* vol. III, p. 81, in nota; in primis SIGONIUM ad LIVIUM XXVII. 9.

(294) SICULUS FLACCUS *de Condit. Agror.* init.

(295) DIONYS. HAL. II. 35.

(296) *Idem.* II. 36.

Multarum coloniarum hoc consilio deductarum exempla historia Romana praebet. Unde non est quod miremur, Senecam dixisse. » Hic dein-
 » de populus quot colonias in omnes provin-
 » cias emisit! ubicunque vicit Romanus, habi-
 » tat? (297). Devictos populos sibi subiectos te-
 nere, nisi in eorum sedibus reliquissent, qui in-
 colas coercerent, quid, quaeso, difficilius fuisset?
 Alterum consilium deducendarum coloniarum
 Romanis fuit, ut hostium incurSIONES repri-
 merentur, ut docet Flaccus in loco modo lau-
 dato; quod Municii verbis confirmatur (298): *αἱ*
δὲ ἀποσταλαὶ, ἰνὸν κληροῦχων ἀντ' ἀναγκαίου
ἐγένοντο, κοινῇ δόξαν ὑμῖν ἅπασιν, διὰ φυλακῆς ἔχειν
χωρία εἰς πόλεμον ἐπιτήδεια. Hoc etiam praeter
 cetera Tarquinius movit, ut colonias Signiam
 Circeiosque mitteret, *praesidia*, uti existima-
 bat, *urbi futura terra marique* (299). Non alia
 Narbonis Marcii fuit ratio, si quidem Cicero
 de ea dixit: » Est.... colonia nostrorum ci-
 » vium, specula Populi Romani ac propugnacu-
 » lum, istis ipsis nationibus (Gallis), oppositum
 » et obiectum" (300); et alibi (301) de Capua:
 » Quid

(297) SENECA *conf. ad Helv.* c. 7.

(298) DION. HAL. VII. 28.

(299) LIVIUS I. 56.

(300) Or. *pro M. Fonteio* c. 1.

(301) CICERO *de Leg. Agr.* I. 7.

» Quid enim cavendum est in coloniis deducendis, si praesidium non praeponitur huic urbi ista colonia, sed opponitur?” Hoc Romanorum consilium, eorumque prudentiam in locis huic idoneis eligendis, multis laudibus extollit idem Marcus Tullius Cicero: » quo in genere,” inquit, » ut in ceteris reipublicae partibus, est operae pretium diligentiam maiorum recordari, qui colonias sic idoneis in locis contra suspicionem periculi collocarunt, » ut esse non oppida Italiae, sed propugnacula imperii Romani viderentur” (302).

Tertium consilium coloniarum deducendarum fuit, ut stirps Romana augeretur. Hoc indicat Livius, cum Magistratus Romanos legationibus coloniarum nonnullarum, quae bello Punico secundo milites Romanis negaverant, inter alia haec dicentes inducit: » admonerent (suos), non Campanos, neque Tarentinos eos esse, sed Romanos; inde oriundos, inde in colonias » atque in agrum bello captum *stirpis augendae causa* misfos” (303).

Quartum fuit consilium, ut plebs urbana exhauriretur; cui aliud accesit, ut hoc modo seditiones, quae propter annonae penuriam non

ra-

(302) CICERO *ibid.* II. 27.

(303) LIVIUS XXVII. 9.

raro oriebantur, sedarentur, tum ut, his emissis, civitas minore annonae penuria laboraret (304). His consiliis infima plebis pars, specioso rei nomine imposito, saepius ex urbe in coloniam misa est (305). Exemplo fit colonia illa, cuius saepius memini, a Tarquinio Superbo Signiam Circeiosque misa, *quia urbi multitudinem, ubi usus non esset, oneri rebatur esse* (306). Velitras, Volscorum urbem a Romanis devictam, utroque consilio mittendam esse coloniam decernebatur (307). Livius (308) testatur: visum fuisse, *Antium, propinquam, opportunam et maritimam urbem, coloniam deduci posse: ita sine querelis possessorum plebem in agrum ituram, civitatem in concordia fore.* Et alibi (309): seditionis leniendae causa coloniam in Volscos, quo tria millia civium Romanorum scriberentur, deducendam esse. Hinc, cum generatim a Romanis esset receptum, optime hoc consilio colonias deduci, et nulla non commoda ex iis civitati proventura, hinc, inquam, P. Rullus, ut legem

a

(304) MINUCIUS apud DION. HAL. VII. 28.

(305) DION. HAL. IV. 24.

(306) LIVIUS I. 56.

(307) DION. HAL. VII. 13.

(308) LIVIUS III. 1.

(309) LIVIUS V. 24.

a se latam perferendam suaderet, a Cicerone fertur dixisse in senatu: *urbanam plebem nimium in republica posse exhaustiendam esse* (310). Ipse autem Cicero ad Atticum scribit, se suasse, ut lex Flavia agraria perferretur, quia ea perlata, et agrorum emtione constituta, et sentinam urbis exhaustiri, et Italiae solitudinem frequentari posse, arbitrabatur (311). Multae igitur hoc consilio deductae sunt coloniae, in primis vero ante Punicum bellum secundum. » Deinde enim (312), neque dum Hannibal in » Italia moratur, neque proximis post excessum » eius annis, vacavit Romanis colonias condere, » cum esset in bello conquiendus potius miles » quam dimittendus; et post bellum vires re- » fovendae magis, quam spargendae.”

L. Cornelio Sulla auctore, aliud denique invaluit coloniarum genus, ab illarum, quae antea deductae erant, genere, tum consilio, tum auctoritate, qua deducebantur, plane diversum, scilicet *militarium*, quarum et causas et auctores, ipsarumque nomina praefuls-

(310) CICERO *de Leg. Agr.* II. 26.

(311) *Idem. Ep. ad Att.* I. 19.

(312) Sunt verba VELLEII PATERCULI l. 15. Ceterum de toto hoc argumento cf. CAR. SIGONIUS *de Ant. Iur. Ital.* II. 2.

fisse, dicit Velleius (313). Sulla autem, Mario devicto, ut militibus veteranis, qui pro se contra hunc steterant, debita praemia solveret, eos agris earum civitatum, quae Marii partibus fa-
verant, donavit (314). Livius (315) notat, Sul-
lam quadraginta septem legiones in agros captos
deduxisse, eosque militibus divisisse. Voluit sci-
licet, ut veterani, praeliorum diuturnitate fessi,
laborum suorum caperent fructum. Cuius rei
memor Lucanus scribit (316):

» Quae sedes erit emeritis, quae rura dabun-
» tur,

» Quae noster veteranus aret, quae moenia
» fessis?"

Hoc institutum Sullae deinceps imitatione
non caruit. I. enim Caesarem multas militares
colonias deduxisse, tum ex Bruti verbis, tum
aliunde patet (317). De Caesilino, ut exemplum
ex pluribus afferam, illud testatur Cicero: » De-
» duxisti coloniam Caesilinum," inquit (318), » quo
» Cae-

(313) VELL. PATERC. I. 14.

(314) Alias causas indicat POPMA ad VELLEIUM PATERC.
I. c.

(315) LIVIUS *Epit. lib.* LXXXIX.

(316) *Phars.* I. vs. 344.

(317) Apud APPIANUM *de Bello Civ.* II. c. 140. ed.
Schweigh. cf. HYGINUS *de lim. constit.* p. 160.

(318) *Philip.* II. 40.

» Caesar ante deduxerat.” Huius autem vestigia, in agris veteranis assignandis, secutus est non tantum Antonius (319), sed etiam Octavianus, atque hic in primis, postquam, victo ad Actium Antonio, summa rerum, et totius paene orbis terrarum imperium ad eum venerat. Quid enim Augusto imperante frequentius, quam coloniarum deductio, siquidem tradit Suetonius, duodetriginta coloniis deductis, Italiam eum frequentasse (320). Utrum autem eas solum intelligat Suetonius, quas Imperator deduxit, an vero et eae, quas antea triumvir deduxerat, inter illas numerandae sint; quaeri potest. Hunc morem semel usurpatum non intermiserunt Tiberius, quique eum secuti sunt Imperatores, in eo tamen ab Augusti coloniarum deducendarum ratione recedentes, quod cum hic non singulos milites colonos deduxisset, sed totas legiones cum tribunis et centurionibus, illi ex multis legionibus singulos milites in aliquam urbem colonos miserunt. » Non, ut olim,” inquit Tacitus (321), » universae legiones deducebantur, cum tribunis » et

(319) CICERO l. c.

(320) SUTON. in vita c. 46. DIO. CASS. LI. p. 509.
ed Xylandri. HYGIN. l. l.

(321) TACIT. *Ann.* XIV. 27.

» et centurionibus, et suis cuiusque ordinis
 » militibus, ut consensu et caritate rempu-
 » blicam efficerent: sed ignoti inter se, di-
 » versis manipulis, sine rectore, sine affecti-
 » bus mutuis, quasi ex alio genere mortalium
 » repente in unum collecti; numerus magis
 » quam colonia." Coloniarum militarium dedu-
 cendarum morem a sequentibus Imperatoribus
 diu etiam postea retentum esse, satis constat.
 Sub Alexandro Severo et Probo, militibus ve-
 teranis praedia, ab hoste capta, ea lege fuisse
 data accepimus, ut militarent (322), atque cum
 ea propria feudorum fuerit conditio, horum ori-
 ginem inde esse repetendam, nonnulli autumant.

Quod superest, coloniae, in quas milites mit-
 tebantur, ut pro meritis, in rempublicam vel
 viros quosdam principes collatis, praemia acci-
 perent, *Sagatae* dicebantur, quum ceterae,
 quae S. Pque iussu deducebantur, *Togatae* ap-
 pellarentur.

(322) Vid. LAMPRIDIUM in *Alexandro Sev.* c. 58. VO-
 PISCUM in *Probo* c. 16. Cf. l. 15, § 2. D. *de rei vind.* l.
 11. D. *de Evict.*

§ 2.

De modo, quo Romani colonias deducebant.

Ad colonias proprie ita dictas nostra disputatio pertinet, quae quum ipsius civitatis auctoritate deducerentur, hac in re earum cum secessionibus, quae aliquoties acciderunt, discrimen cernitur. Variis vero reipublicae Romanae temporibus, non sub eorumdem auspiciis deducebantur. Tempore, quo Roma regibus parebat, horum auctoritate coloniae deductae videntur. Haec tamen ne ita intelligantur, ac si suo ipsi haec fecerint arbitrio, quod certe volunt ii, qui regibus Romanis summum, nullis limitibus circumscriptum, imperium tribuunt. Verius quippe videtur, reges, uti in multis aliis rebus, ad publicum statum pertinentibus, ita etiam in coloniis condendis Senatum consuluisse. Hunc enim honorem Romulum Senatui tribuisse constat, cum ei concederet: *περὶ παντὸς ὅτου ἂν ἐισηγήται βασιλεὺς, διαγινώσκειν τε καὶ ψῆφον ἐπιφέρειν, καὶ ὅ, τι ἂν δόξῃ τοῖς πλείοσι τοῦτο νικάειν* (323). Quid autem clarius Ciceronis verbis (324)? qui sub

(323) DIONYS. HAL. II. 14.

(324) CICERO *de Republ.* II. 8.

sub persona Scipionis docet, Romulum, ut ab initio et deinde simul cum Tatio, ita eo interfecto multo etiam magis auctoritate Patrum et consilio regnasſe; » cum videret (ita pergit), » ſingulari imperio et potestate regia, tum me- » lius gubernari, et regi civitates, ſi eſſet opti- » mi cuiusque ad illam vim dominationis ad- » iuncta auctoritas.” Et quamvis tradit idem Cicero, Romae, quo tempore reges erant, ut in omni alia republica, ubi eſt unus aliquis perpetua potestate, regium nomen excelluiſſe, regiamque potestatem omni alia eminuuiſſe, ſenatui tamen et populo ſuam cuique auctoritatem tribuit et potestatem (325). Sed quid amplius ſolliciti ſumus, quum exempla proſtent bene multa? Nam ex Patrum conſilio Romulus legatos circa vicinas gentes miſit, qui ſocietatem connubiumque novo populo peterent (326). De raptu Sabinarum virginum ad ſenatum retulit (327). Et Romulum etiam de coloniis condendis ſenatum conſuluiſſe, teſtatur coloniae, in urbes Caeninenuſium et Antemnatum ductae (328). Regibus autem exactis

CO-

(325) CICERO *de Republ.* II. 23 et 28.

(326) LIVIUS I. 9.

(327) DION. HAL. II. 30.

(328) DION. HAL. II. 35. Hunc morem ſenatus in publicis rebus conſulendi deinceps a regibus retentum fuiſſe, diſcas ex DIONYSIO HAL. III. 16, 26, 28, 31, etc.

coloniae deducebantur ex senatus populi-
 ctoritate. Sed a scriptoribus in aliis locis senatus
 tantum (329), in aliis senatus et populi fit
 mentio (330). Non tamen ideo crediderim, uti
 nonnullis placet, omnia, ad colonias deducendas
 pertinentia, statim post eiectos reges penes se-
 natum tantum fuisse, et deinceps ab alterutro
 sive a senatu sive a populo eas deductas fuisse.
 Sed ita statuendum existimo, et ab initio liberae
 reipublicae, immo iam sub regibus, et deinceps
 penes utrumque hac de re iudicium fuisse;
 ut scilicet senatus decerneret coloniam esse de-
 ducendam, quo, quomodo, qui et quot eius es-
 sent socii, qua conditione hi in eam mitteren-
 tur, cet.; populus vero magistratus crearet co-
 loniae deducendae praeficiendos, » quia cum omnes
 » potestates (331), imperia, curationes ab uni-
 » verso populo Romano proficisci convenit, tum
 » eas profecto maxime, quae constituuntur ad
 » populi fructum aliquem et commodum." Con-
 fiat enim, Romulum, in ordinanda civitate, po-
 testatem cum legum sancendarum deque bello
 ac pace decernendi, tum etiam *magistratum*
 cre-

(329) DION. HAL. VII. 13. LIVIUS IV. 11, VIII. 16, IX. 28, XXXVII. 57.

(330) LIVIUS XXXIV. 53, XXXV. 40.

(331) Sunt CICERONIS verba *de Leg. Agr.* II. 7.

creandorum populo concessisse, atque hunc post reges eiectos illam potestatem retinuisse (332). Neque obstat, quod Velleius Paterculus, cum dixerat, se indicaturum, quaenam coloniae iusfu senatus fuissent deductae, huius solummodo faciat mentionem (333): hoc enim in loco senatum nuncupat, ut huius coloniae *militaribus* opponantur, de quibus se non esse dicturum ait. Hunc autem locum, non ita esse interpretandum, ac si senatus sua solus auctoritate eas deduxerit, ex ipsis, quas deinceps enumerat, coloniis palam est. Scilicet inter eas nuncupat colonias, Puteolos, Salernum et Buxentum misas, de quibus C. Acilium tribunum plebis ad populum tulisse, auctor est Livius (334).

Ut igitur reipublicae liberae temporibus colonia posset deduci, omnino senatusconsulto opus erat, et lege five potius plebiscito. Deinceps enim tribunorum plebis potestas adeo crevit, ut has etiam res sibi vindicarent. In Livii loco, quem modo exhibui, huius rei exstat exemplum. Ita etiam Vibonem colonia deducta est ex senatusconsulto plebeiques-
to

(332) DION. HAL. II. 14, VI. 66.

(333) VELL. PATERC. I. 14.

(334) LIVIUS XXXII. 29.

to (335). Utrumque, tum senatusconsultum, tum plebiscitum, uno legis nomine comprehendebatur, quae *lex agraria* dicebatur. Haec autem plura habebat capita. Agrum enim, qui esset dividendus, definiebat, et quibus et inter quot, et per quos, et quomodo, et quibus limitibus esset dividendus (336). In dividendis autem agris, ordinis tribuum ratio habita fuisse videtur; ut scilicet primum urbanis, deinde rusticis sua cuique assignarentur loca. Si quidem haec est ratio, cur Cicero Rullum vituperaverit haec negligentem. » Quaesivi,» inquit (337), » ex eo Kalendis Jan. quibus hominibus et quemadmodum illum agrum esset distributurus. » Respondit, a Romilia tribu se initium facturum. Primum, quae est ista superbia et contumelia, ut populi pars amputetur, ordo tribuum negligatur? ante rusticis detur ager, qui habent, quam urbanis, quibus ista agri spes et iucunditas ostenditur?”

Colonorum numerum pro regionis magnitudine definire ad senatum pertinuit. Quo facto ii, qui agrum accipere vellent, nomina dare iube-

(335) LIVIUS XXXV. 40.

(336) CICERO *de Leg. Agr.* I. 5, II. 27 in verbis: *tu non definias*, cet. SIGONIUS *de Ant. Iur. Ital.* II. 2.

(337) CICERO *de Leg. Agr.* II. 29.

bebantur, (338) quorum numerus si maior minorve esset, ad sortem saepius confugiebant; iis autem, qui sorte ducta ire negarent, gravis mulcta imponebatur (339). Magistratus, sive curatores coloniarum, sive quocunque alio nomine eos appelles (340), a Consule (341), nonnumquam etiam a Praetore Urbano creabantur in comitiis tributis, omnibus tribubus convocatis. Unde Cicero, cum Rullus iussisset, *decemviros per septemdecim tribus creari: » toties,*” inquit, *» legibus agrariis curatores constituti sunt, triumviri, quinqueviri, decemviri: quaero a populari tribuno plebeio, ecquando nisi per 35 tribus, creati sint*” (342). In his comitiis potestatem ac iurisdictionem accipiebant, in *curiatis* vero imperium, uti ex veteri mandandi imperii more apparet, et ex
 Rul-

(338) LIVIUS I. 11, III. 1.

(339) Exemplo fit colonia Velitras deducta. Cum enim multi colonorum forte lecti, pestem secum reputantes, quae in urbe sibi destinata grassata erat, in patria manere malent, factum est Scutum, uti gravissima poena afficerentur, qui sorte lecti in colonias proficisci recusarent. Vide DION. HAL. VII. 13. LIVIUM II. 31.

(340) Dicebantur enim a munere, quod obibant, *Triumviri ad coloniam deducendam, agro dando, agro metiundo, dividundo, Triumviri agrarii, auctores divisionis* cet.

(341) LIVIUS XXXII. 2.

(342) CICERO, *de Leg. Agr.* II. 7.

Rulli exemplo, qui lege curiata magistratum ante imperio ornavit, quam comitiis esset datus, quamobrem illud *inauditum*, et *plane novo more* dixit Cicero (343). Curatores imperio fuisse ornatos, ex Livio discas, qui notat, triumviris, coloniis Latinis duabus, una in Brutios, altera in Thurium creatis, in triennium imperium datum esse (344). Curatores illi si-ve magistratus ex numero, quo erant, dicebantur triumviri (345), quinqueviri (346), septemviri (347), decemviri (348); immo deinceps vigintiviri invaluerunt, quales creavit Caesar (349). His magistratibus per tempus, lege agraria definitum, summa et plenissima concedebatur potestas, ab ea, quam proconsules aut propraetores in provinciis exercebant, non ab- similis. Ita lege Acilia in triennium triumviris concessum est imperium (350). Quod etiam eve-

(343) CICERO *ibidem*. II. 10.

(344) LIVIUS XXXIV. 53.

(345) LIV. III. 1, IV. 11, VIII. 16, IX. 28, XXXIV. 45, 53. DION. HAL. IX. 59. et passim.

(346) LIVIUS VI. 21.

(347) Tales creavit Consul M. Antonius, eorumque meminit CICERO in *Philipp.*, passim.

(348) CICERO *de Leg. Agr.* II. 35. quos alibi cum contentu *decem reges* vocat. *ibid.* II. 6 et 11.

(349) DIO CASS. XXXVIII. p. 65.

(350) LIVIUS XXXII. 29.

evenit triumviris, coloniis in Bruttios et in Thurinum agrum deducendis creatis (351). Ita Rullus lege sua, (quae tamen non perlata est), decemviris quinquennium tribuerat, ita quidem, ut vel de consulibus, vel de ipsis tribunis plebis iudicare iis liceret, de illis interea iudicium ferre nemini esset integrum (352). Quo tempore praeterlapso, coloniae magistratus suum ipsi auspicabantur imperium. Coloniae deducendae etiam adiungebantur, qui, postquam in agros venissent, suas quique ibi profiterentur artes. Nuncupat Cicero apparitores, scribas, librarios, praecones, architectos, pullarios, ianitores, vel ut alios legi malle video, *finitores* (353); quod facile intelligitur, modo cogitemus, quanta tum in limitibus constitutendis, tum in ceteris rebus opera sit collocanda. Nam quamvis agri, in quem colonia erat deducenda, limites lege fere constituerentur, quae de re plura exstant legum capita (354), agrorum tamen dividundorum negotium illis committere satius videbatur.

O-

(351) LIVIUS XXXIV. 53.

(352) CICERO *de Leg. Agr.* II. 13.

(353) CICERO l. l. De hisce vide, qui de rebus agrariis scripserunt, SICULUM FLACCUM *de condit. agr.* FRONTINUM *de coloniis*, HYGINUM *de limit. constit.* alios.

(354) Nonnulla enumerat SIGONIUS l. l.

Om nibus ad coloniam deducendam necessa-
riis peractis, colonia sub vexillo, quasi exer-
citus deducebatur. Huius moris meminit Ap-
pianus (355), ex quo etiam patet, e curato-
ribus unum aliquem ducem fuisse. Memorat
illud etiam Cicero, ubi: » tunc illud Cam-
» panæ vexillum coloniae, » inquit, » vehemen-
» ter huic imperio timendum, Capuæ a de-
» cemviris inferetur » (356). In locum autem
destinatum cum pervenerant, urbs et ager
circumferiebantur aratro (357); quo peracto

co-

(355) APPIANUS *de Bello Civ.* II. 13.

(356) CICERO *de Leg. Agr.* II. 32. cf. *Philipp.* II. 40.

(357) CICERO l. l. » Casilinum coloniam deduxisti, quo
» erat paucis annis ante deducta, ut vexillum tolles et ara-
» trum circumduceres. » Moris enim erat, ut, si urbs esset
condenda, primum aratro murorum limites designarentur.
Hinc OVIDIUS:

» Apta dies legitur, quæ moenia signat aratro » Fast. IV.
vs. 825.

et paulo post:

» Inde premens stivam, designat moenia fulco,

» Alba iugum niveo cum bove vacca tulit. »

Et VIRGILIUS:

» Interea Aeneas urbem designat aratro,

» Sortiturque domos. »

Quod de Romulo etiam tradit DIONYSIUS I. 88. Haec au-
tem omnia in condendis coloniis etiam observabantur a co-
lonis, novam quasi urbem condituris, uti satis patet ex Ci-
ceronis loco modo laudato. Praeterea huc pertinet VAR-
RONIS locus, *de Ling. Lat.* lib. IV.: » Oppida, quæ prius
» cir-

colonis sua cuique agri pars assignabatur, in qua domum aedificaret; quod indicat Virgilius, ubi canit (358):

» Pars optare locum teuto et concludere fulco”

Hinc illi architecti, ianitores, aut, si mavis, finitores, de quibus diximus; atque hinc agros coloniarum *divisos* et *assignatos* dictos fuisse, monet Frontinus.

Cum, quod superest, omnes alicuius momenti res apud Romanos, non nisi auspicato, factisque sacrificiis peragerentur, omnia etiam, quae ad coloniam deducendam pertinerent, auspicato, factisque sacrificiis fiebant, addita lustratione; quod indicat Cicero, ubi: » Negavi,” inquit, » in eam coloniam, quae esset auspicato deducta, » dum esset incolumis, coloniam novam iure » deduci tu autem insolentia elatus, omni » auspicio iure turbato, Caesilinum coloniam » deduxisti, quo erat paucis annis ante dedu- » cta” (359). Quam ob causam fortasse cum colonis pullarii proficiscebantur. Hic mos, si roget quis, unde originem habeat, illum a Ro-
mu-

» circumducta erant aratro, ab orbe urbes. Et ideo coloniae nostrae, ut urbes conduntur, quod intra pomoerium ponuntur.” Hinc in nummis veteribus tum signa militaria, (si coloniae essent militares) tum aratra inveniuntur.

(358) VIRG. *Aen.* I vs. 425.

(359) CICERO *Philipp.* II. 40.

mulo ad posteros manasse, Sigonium secutus; non absurde statueres; cum Romulus coloniam suam auspicato et addita lustratione deduxerit. Ceterum ex Ciceronis verbis efficere licet, nefas fuisse, coloniam iterum eo deducere, quo antea iam fuerat auspicato deducta.

§ 3.

De modo, quo Romani colonias constituebant, deque earum cum metropoli necessitudine.

Cum igitur colonias, usquedum in novas sedes pervenerant, comitati sumus, age paulisper in his moremur, ut nobis interna illarum ratio pateat eiusque vinculum cum urbe Roma. Primo loco tenendum est, colonias Romanas semet ipsas non constituisse, sed totam civitatis formam ab ipsa metropoli accepisse, atque huius auctoritate cunctas fuisse institutas. Quae potissimum in re eas inter et municipia discrimen cernitur, quippe quae suis legibus utebantur et institutis. Hoc discrimen notat Aulus Gellius. » Coloniarum,» inquit, » alia necessitudo est (quam municipiorum); non enim » veniunt extrinsecus in civitatem, nec suis » radicibus nituntur, sed ex civitatibus quasi » propagatae sunt, et iura, institutaque om-

K

» nia

» nia *Populi Romani*, non sui arbitrii habent" (360).

Coloniae, a Romanis deductae, non iisdem omnes utebantur iuribus. Erant enim vel *Civium Romanorum* vel *Latinae*: quo discrimine nil frequentius apud auctores, apud Livium praefertim; qui tangit illud, ubi dicit: » Illud agitant, ut colonia Aquileiam deduceretur, nec » satis constabat, utrum *Latinam*, an *civium Romanorum* deduci placeret; postremo *Latinam* potius coloniam deducendam Patres censuerunt" (361); et alibi: » Bononia," inquit, » *Latina* deducta est, Parma et Mutina *civium Romanorum*." Sunt qui existiment, *Latinas* colonias fuisse, in quas homines ex Latio essent adscripti, alii vero putant, eas fuisse, quae in Latio essent conditae. Non tamen equidem discrimen quaererem in loco, ex quo, aut in quem coloniae deducerentur, quippe quod Livii auctoritati adversatur. Sed potius Sigonium secutus statuerem, discrimen fuisse in vario, quo singulae uterentur, iure. Non enim tantummodo coloniae Latinae fuerunt, in quas Latini erant adscripti, sed etiam quo cives Romani erant deducti. Si quidem Livio fidem tribu-

(360) A. GELLII N. A. XVI. 13.

(361) LIVIUS XXXIX. 55. cf. XXXIV. 45. 53.

buamus, qui magistratus colonias *Latinas*, quae bello Punico secundo defecerant, sic alloquentes inducit: »admonerent (suos) . . . eos »esse *Romanos* . . . inde in coloniam . . . missos" (362). Neque etiam in *Latio* tantum conditae erant coloniae *Latinae*, cum memoriae prodat Livius, Aquileiam et Bononiam *Latinas* colonias fuisse deductas.

Quaenam autem iura coloniae *civium Romanorum* habuerint, inter eruditos non convenit. Alii putant, eas pleno civitatis iure, tam publico quam privato, gavistas esse (363); alii vero ius Quiritium iis tantum tribuunt (364). »Quoniam enim (sunt verba Sigonii) ius Latii iuri »Quiritium, et Latinae coloniae civium Romanorum opponuntur, ob eam causam fit, ut »probe concludi possit, si Latinae coloniae »sunt, quae ius habent Latii, Romanas esse, »quae donatae sunt iure Quiritium." Hoc autem iure privata iura civium Romanorum continentur, veluti libertatis, connubiorum, patrimonii, dominii, hereditatis, mancipii, usucapionis, testamentorum, tutelae, cet.

Coloniae ergo, quae ius Quiritium sive iura ci-
vi-

(362) LIVIUS XXXVII. 9. cf. CICERO *pro domo* c. 30.

(363) MANUTIUS *de civit. Rom.*

(364) SIGONIUS l. l. II. 3.

vium Romanorum privata habebant, Romanae erant coloniae. Non defunt quidem, ex quibus effici posse videatur, colonias omnia iura, tam publica quam privata, retinuisse. Immo *cives Romani* saepius dicuntur: Ut Veliterni, quos *veteres cives Romanos* appellat Livius (365). Quidni? quatenus enim omnia iura civitatis non amiserant, ita dici possunt, dummodo optima iura iis non tribuas; tametsi quatenus iurium partem amiserant, nomine magis quam re cives fuerunt Romani. Hinc illa Livii: » Novum ius eo anno a Ferentinatibus tentatum, ut Latini, qui in coloniam Romanam nomina dedissent, cives Romani essent. Puteolos, Salernumque et Buxentum adscripti coloni, qui nomina dederant, cum ob id se pro civibus Romanis ferrent, Senatus iudicavit, non esse eos cives Romanos" (366).

Colonias autem civium Romanorum deterioris ipsis civibus conditionis fuisse, ex Cicerone colligas: » Hi sunt," inquit » homines ex iis » coloniis, quas Sulla constituit, quas ego univ-
 » versas civium esse optimorum et fortissimorum virorum sentio; sed tamen hi sunt coloni » etc." (367); et clarius Dio Cassius, ubi de Caesar-

(365) LIVIUS VIII. 14. Cf. VI. 21.

(366) *Idem*. XXXIV. 42.

(367) CICERO in *Cat.* II 9.

sare ait: ἔδωκε πολιτείαν δὲ τοῖς, καὶ ἄλλοις ἀποίκους τῶν Ῥωμαίων νομίζεσθαι (368). Ubi civitas iuri coloniarum civium Romanorum opponitur, ut adeo verosimilius videatur, colonias civium Romanorum iura publica, ut suffragiorum, magistratuum Romae gerendorum, cet., amisisse (369). Ut autem coloniae civium Romanorum fuerunt illae, quae iure Quiritium essent donatae, sic coloniae Latinae fuerunt, quae Iure Latii uterentur. Hoc ius iure Quiritium erat minus, adeo ut hae plura quam illae iura amitterent: immo cives Romani in Latinam coloniam deducti mediam patiebantur capitis diminutionem (370). Ita enim intelligendus est Cicero, ubi dicit (371): » Civitatem vero nemo » unquam ullo populi iusfu amittit invitus; qui » cives Romani in colonias Latinas proficiscebantur, fieri non poterant Latini, qui non erant » auctores facti nomenque dederant;» et alibi (372): » certe quaeri hoc solere,» inquit, » me non praeteriit, ut ex me quae tibi in mentem non veniunt audias; quemadmodum, si » ci-

(368) DIO CASSIUS XLIII, p. 233.

(369) SPANHEMIUS *Orb. Rom.* I, § 9.

(370) Cf. BOETHIUS in *Topic.*

(371) CICERO *pro domo* c. 30.

(372) CICERO *pro Caecina* c. 33.

» civitas adimi non posset, in colonias Latinas
 » saepe nostri cives aut sua voluntate, aut le-
 » gis mulcta profecti sunt.”

Hoc igitur, opinor, discrimen fuit inter coloni-
 as civium Romanorum et Latinas, illudque ma-
 gis positum fuisse in iure, quo uterentur, quam
 in loco, ex quo, aut in quem essent deductae.

Fuerunt praeterea coloniae iure, quo uteban-
 tur, deteriores; coloniae scilicet *Italicæ iuris*,
 quae tamen melioris erant conditionis, quam
Provinciales. Quamvis autem coloniae Italicae
 multa haberent cum Latinis communia, in eo
 tamen iis longe inferiores fuerunt, quod Ita-
 licis non esset data civitas, uti Latinis foedere
 Casfiano, nisi post legem Iuliam A. U. 663 la-
 tam; quod ante hanc legem iis non liceret Ro-
 mae suffragia ferre, magistratus gerere, neque
 civitas Romana iis pateret, in quo ius Latii
 maxime constitit (373). Provincialibus vero su-
 periores erant, tributorum immunitate (374).
 Illi enim tributa pendere debebant, licet non-
 numquam ab iis essent immunes (375). At-
 que hac ratione ius Italicum, quod nonnullae
 ha-

(373) SIGONIUS *de ant. Iur. Ital.* I. 21.

(374) Vid. l. ult. D. *de Censib.*

(375) Vid. l. ult. § 7. D. *eodem*. Cf. BYNKERSHOEKIUS
Obs. Iur. Rom. V. 21.

habebant coloniae, et ius provinciale, quo aliae utebantur, fuerunt opposita.

Coloni igitur, qui a Romanis deducebantur, non eodem iure, quo antea erant, manserunt, sed eorum etiam, qui felicioribus proficiscebantur conditionibus, quamvis verbo quidem et nomine ius civitatis retinuerunt, re tamen illud amiserunt; cum alii illo plane privarentur. Unde patet, quantopere Romani, a regulis universalibus aequitatis et iustitiae in coloniis deducendis recesserint, quae docent, eos, qui metropolin, non invita civitate, immo sub eius auspiciis, neque suo tantum, sed et totius civitatis commodo, relinquunt, eiusdem manere iuris et conditionis atque ii, qui in metropoli maneant.

Coloniae Romanae suas quaeque habuerunt leges, easque fere diversas ab iis, quibus ipsa metropolis utebatur: quas tamen sibi ipsae non scribebant, sed ab Romanis accipiebant: quo pertinent Gellii verba supra exposita: *iura institutaque populi Romani, non sui arbitrii habent.* Triumviris autem, sive generatim curatoribus, negotium dabatur coloniarum legibus instruendarum: » Ut enim » legati (376) a senatu decreti provincias or-
» di-

(376) Sunt verba SIGONII l. l. II. 4.

» dinabant, iisque leges ac iura praescribebant,
» sic curatores coloniarum coloniis.”

In coloniis civitatis forma ad similitudinem Romanae erat constituta. Ut enim Romae, si parva liceat componere magnis, sic etiam in coloniis concilium fuit Senatus et Populi. Senatus dicebatur *Curia sive Collegium Decurionum*. Nihil in marmoribus frequentius est quam: DEC. COL.; immo nonnumquam ipse etiam *Senatus* nomine venit. Unde colligit Sigonius, nonnullas etiam leges a Senatu et populo fuisse latas. Opinor tamen, eas aut ad ius privatum pertinuisse, aut si ad ius publicum, eas, ut vim haberent, Romanorum confirmatione indiguisse. Concilii autem socii *Decuriones* dicebantur, quod docet Cicero, ubi dicit (377): conventum Capuae antea praefecturae, deinceps colonia eo deducta, mutato nomine, *decuriones* fuisse dictum. Pomponius Ictus notat, quosdam autumare, eos ita dictos fuisse: » Quod initio, cum coloniae deducerentur, decima pars eorum, qui ducerentur, consilii publici gratia conscribi solita sit” (378). Quamquam certo dici nequit, quot, et num eodem numero in omnibus coloniis fuerint. Centum saltem in nonnullis fuisse, statuere licet,
cum

(377) CICERO *pro Sextio* c. 4. Cf. SUTTON. in *Aug.* c. 46, 101.

(378) Vid. l. 239, § 5. D. de V. S.

cum illud de Capua memoret Cicero (379). Ex decurionibus praecipui creabantur magistratus, ita ut, qui hoc honore non fuisset functus, alios magistratus adire non posset: » Is qui non » fit Decurio, » inquit Paulus ictus (380), » duumviratu vel aliis honoribus fungi non po- » test, quia decurionum honoribus plebeii fungi » prohibentur. » Ex quibus verbis, in coloniis item Senatores ex optimatibus fuisse creatos, satis constaret, nisi aliunde sciremus, in decurionibus legendis census fuisse habitam rationem, qui erat centies mille. Ita enim Plinius (381). » Esse autem tibi centum millium censum satis indicat, quod apud nos decurio es. »

Primi coloniarum magistratus erant *Duumviri*, quos memorat Paulus in loco modo laudato, quique fere Consulibus aut Praetoribus Romanis similes fuisse videntur, ut ex eorum insignibus, fascibus cet. apparet (382). Hinc consulum aut praetorum nomine nonnumquam veniunt. Statuam fuisse erectam, apud Gruterum invenio, SEXTO. AELIO. MAMERCO. COLONIAE. ASTIGITANAE. CONSULI. Eos prae-

(379) CICERO *de Leg. Agr.* II. 35.

(380) Vid. l. 7, § 2. D. *de decur. et fil. cor.*

(381) PLINIUS *Epist.* I. 19.

(382) CICERO *de Leg. Agr.* II. 34.

praetores nonnunquam fuisse dictos, testatur Cicero, qui, Campanorum fastos describens, narrat: *praetores* eos se appellari voluisse, cum ceteris in coloniis Duumviri appellarentur (383).

Censores in coloniis iidem erant qui Romae, qui in illis, aequè ac Censores in urbe, censum agerent. Suos singulis coloniis censores fuisse, noli dubitare propter Livii verba: »Duodecim deinde coloniarum, (quod numquam » antea factum erat) deferentibus ipsarum co- » loniarum censoribus, censum acceperunt: ut, » quantum numero militum, quantum pecunia » valerent, in publicis tabulis monumenta ex- » flarent" (384). Sensus huius loci egregie elucescit ex iis, quae de iisdem illis coloniis alibi refert Livius, adeo ut, ex harum coloniarum exemplo, argumento a contrario petito, ceterarum hac in re ratio non obscure appareat. Scilicet duodecim illae coloniae milites dare abnuerant, et annum iam fere sextum vacationem militiae habuerant; quod cum reputaret Senatus, cumque ceterae coloniae continuis omnium annorum delectibus exhaustae essent, decrevit inter alia: ut, quantum quaeque earum coloniarum militum plurimum dedisset Populo Roma-

(383) Cic. l. l.

(384) Livius XXIX. 37.

mano, ex quo hostes in Italia essent, duplicatum eius summae numerum peditum daret, et equites centenos vicanos: stipendium praeterea iis coloniis millia in aeris asses singulos imperaretur et exigeretur; denique, quo haec facilius fierent, ut census in iis coloniis ageretur, ex formula a Romanis censoribus data. Placuit autem eandem dari quam populo Romano, deferrique Romam ab iuratis censoribus coloniarum, priusquam magistratu abirent (385). Videmus igitur, haec omnia in poenam duodecim illis coloniis fuisse decreta, atque hoc decreto singulare quid contineri, quod ad illas tantum pertineret. Ceterae ergo coloniae, quae in fide et obsequio Romanorum manserant, suum ipsae censum, tum antea, tum deinceps egerunt; adeo quidem, ut ne rationibus quidem hac de re Romanis reddendis essent obnoxii. Monet enim Livius, *numquam antea factum fuisse*, ut Romani coloniarum censum acciperent. Ceterum, ut hoc verbo moneam, veluti in coloniis omnia ad exemplum fere ipsorum Romanorum fiebant, sic ut quaeque earum alteram minorem Romam referre videretur, ita et coloniarum censores Romanorum, in censu agendo, exemplum fuisse secutos, et iisdem

(385) LIVIUS XXIX. 15.

dem, quibus Censores Romani, formulis usos fuisse, verosimilius videtur.

Praeter hos fuerunt Aediles et Quaestores, quorum in nonnullis marmoribus antiquis mentio invenitur. Ceterum magistratus coloniarum toga praetexta usos fuisse, totidem verbis narrat L. Valerius trib. pl. (386).

Sacra in coloniis eadem fuerunt, quae Romae, nisi quod coloni his adiunxerint ea, quae propria essent iis locis, in quae coloniae fuissent deductae. Quamobrem suos quaeque habebant Sacerdotes, Augures et Pontifices. Quod Cicero inter alia de Capua testatur: » Huc, » inquit, » decemviri cum numerum colonorum ex lege » Rulli deduxerint, centum decuriones, decem » augures, sex pontifices constituerint » (387). Quamvis in hoc loco numerus definiatur; utrum tamen sacerdotum numerus in omnibus coloniis certus fuerit et definitus, an vero varius pro coloniae cuiusque magnitudine, certo dici nequit.

Cum igitur tanta esset coloniarum cum urbe similitudo et convenientia, non immerito *effigies parva et simulacra populi Romani* illae dicantur (388). Ex

(386) *Apud eundem* XXXIV. 7.

(387) CICERO *de Leg. Agr.* II. 35.

(388) A. GELLIUS N. A. XVI. 13.

Ex eadem illa convenientia arctissimum vinculum inter metropolin et colonias derivandum est, uti et officia, quae coloniae Romanis debebant. Quod iam Suffetius, Albanorum dictator, ipsis Romanis, illorum colonis, significat, consueti hac in re comparatione usus: ὅσης γὰρ, inquit, ἀξιοῦσι τιμῆς τυγχάνειν οἱ πατέρες παρὰ τῶν ἐγγόνων, τοσαύτης οἱ χτίσαντες τὰς πόλεις παρὰ τῶν ἀποίκων (389). Hinc magistratus Romani coloniis Latinis, quae negaverant sibi esse, unde milites pecuniamque darent, inter alia haec increpant: quae liberi parentibus deberent, ea illos Romanis, si ulla pietas, si memoria antiquae patriae esset (390). Hoc vinculum eo arctius fuit, propter ius patronatus et clientelae, quod, cum initio ex instituto Romuli in urbe tantum obtinuisset, deinceps etiam, tum ad alias civitates socias, tum ad colonias propagatum est (391). Scilicet coloniae suos habebant Romae patronos sive custodes, quorum essent in clientela.

Quamquam haec coloniarum cum urbe Roma necessitudo pietate atque amore erga se invicem aut memoria communis originis non adeo erat in-

(389) Apud DIONYS. HAL. III. 7.

(390) LIVIUS XXIX. 9.

(391) DION. HAL. II. 11. Cf. mea disertatio de Patronatu et Clientela Romanorum pag. 91 seq.

innixâ. Romani iura coloniarum non ignorarunt quidem, et Tullus Hostilius rex ipse dixerat, (uti supra vidimus) oportere omnino colonias suorum conditorum imperio parere, quasi hoc sit lege quadam naturae necessaria constitutum, neque verum, neque aequum esse. Utinam tamen ab hisce regulis non longius semper recessissent! Constans enim Romanis consilium fuit, ut colonias sibi obnoxias haberent. Quod neminem fugiat, dummodo attente eorum coloniarum rationem consideret, et modum quo eas aut deduxerint, aut constituerint; quod si quis fecerit, non erit quod vehementer miretur, qui fieri potuerit, ut Romani colonias adeo sibi parentes et obnoxias haberent. Haec enim Romanorum prudentiae civili laus tribuenda est, quod nullam deduxerint coloniam, nisi certo aliquo consilio, et omnium, quotquot condiderunt, sortem ac conditionem lege agraria constituerint. Emisisti autem eo iam deterioris erant iuris ac conditionis, quod omnes iurium partem amittebant; heu nimium felices, si, amisisti aliis, ceteris sibi relictis tuto possent uti! Praeterea, ut coloniae obnoxiae manerent, neque exortis aliquando turbis sese a dominatione Romanorum liberarent, et fortasse deinceps ipsae Romanorum hostes fierent; maxima cura regiones coloniis idoneas elegerunt, neque facile eo deduxerunt, ubi loci
con-

conditio ac ratio eas plane recusarent. Qua in re Cicero maiorum diligentiam vehementer laudat; quippe qui colonias semper idoneis in locis collocarant (392). Antiquitus autem caute curarunt, ne coloniae imperii fines excederent, et diligenter primis temporibus vitarunt; colonias extra Italiam ponere. Quamobrem Velleius Paterculus legem a Graccho perlatam, de coloniis contra maiorum mores extra Italiam ponendis, inter perniciosissimas numerat. „Tanto scilicet, ita pergit, potentiorum Tyro Carthaginem, Masfiliam Phocaea, Syracusas Corintho, Cyzicum ac Byzantium Mileto, gentili solo, maiores vidisse” (393). Hac tamen in re non semper sibi constiterunt Romani, cum deinceps multae extra Italiam deducerentur. Prima autem, eodem Paterculo teste, fuit Carthago; deinceps in Galliam deductae Aquae Sextiae et Narbo. Octoginta millia civium extra Italiam deduxit C. I. Caesar (394), quod etiam secuti sunt Augustus et qui postea fuerunt Imperatores (395).

Ita, coloniis ad obsequium omnino constitutis,

(392) CICERO *de Leg. Agr.* II. 27.

(393) VELL. PATERC. II. 15.

(394) SUETONIUS *in vita* c. 42.

(395) HYGINUS *de limit. constit.* p. 160.

tis, multa quaevis a singulis saepe exigebant Romani; et decora, scilicet! appellatione officii liberorum erga parentes praestandi, haec omnia sibi colonias debere prae se ferebant. Per continua, quae gerebantur, bella stipendia et milites imperabantur a Senatu, et in coloniis maritimis copiae navales. Bello Punico secundo, cum Hannibal in Italia morabatur, consules coloniarum legatos citaverunt, quaeviseruntque ab iis, *ecquid milites ex formula paratos haberent?* Pro duodeviginti coloniis (396). M. Sextilius Fregellanus respondit: *et milites ex formula paratos esse: et si pluribus opus esset, plures duros: et, quicquid aliud imperaret velletque Populus Romanus, enixe facturos; ad id neque sibi opes deesse, animum etiam superesse.* Iubet consules Senatus praecleara quaevis iis praestare, et inter alia multa recens illarum in rempublicam meritum memorare. Harum autem coloniarum subsidio tunc imperium populi Romani stetit, iisque gratiae et in Senatu et ad populum actae. Velim interim notetur, ex precariis illis Fregellani verbis, (nisi forte credas ex animo ea fuisse prolata), quam subiectae fuerint coloniae, ad

o-

(396) Has enumerat LIVIUS XXVII. 10. ubi tota haec res traditur.

omnia, quae ipsis imperarent Romani, paratae.

Aliae contra coloniæ, conditionis suae peritulae, Romanis tributa pendere recusarunt, immo saepe ab iis defecerunt; unde complura bella, multo sanguine gesta, et coloniae magno supplicio affectae. Ita Fidenatibus et Veientibus, qui rebellaverant, devictis, eorum urbs diruta est (397). Veliterni saepius, infelici tamen semper successu, ad libertatem recuperandam a Romanis defecerunt (398). Denique tamen, quod toties rebellassent, graviter in eos est saevitum: urbis muri deiecti, et Senatus inde abductus: iusque trans Tiberim habitare, ita ut eius, qui cis Tiberim deprehensus esset, usque ad mille pondo clarigatio esset; nec prius, quam aere persoluto, is, qui cepisset, extra vincula captum haberet (399).

O miserandam sane coloniarum sortem! Fremitus audi Latinarum coloniarum sociorumque in conciliis ortos: » Decimum annum delecti-
» bus, stipendiis exhaustos esse; quotannis fer-
» me clade magna pugnare. Alios in acie oc-
» cidi, alios morbo absumi: magis perire sibi
» ci-

(397) LIVIUS IV. 17, 21.

(398) LIVIUS VI. 21, 36, 42; VII. 15, VIII. 3.

(399) LIVIUS VIII. 14.

» civem, qui ab Romano miles lectus sit, quam
» qui a Poeno captus; quippe ab hoste gratis
» remitti in patriam; ab Romanis extra Itali-
» am in exilium verius, quam in militiam, ab-
» legari. . . . Si veteres milites non redeant in
» patriam, novi legantur, brevi neminem su-
» perfuturum.” Duodecim inde coloniae nega-
verunt consulibus, esse, unde milites pecuni-
amque darent. Hinc illud senatusconsultum,
quod supra exhibui (400). Consules autem se-
natum hortabantur: alias colonias in fide atque
obsequio pristino fore; eas quoque ipsas, quae
officio decesissent, si legati circa eas colonias
mittantur, qui castigent, non qui precentur,
verecundiam imperii habituras esse (401).

Si autem ad confilia et modum attendamus,
quibus coloniae Romanae deductae sint et ordi-
natae, atque ad earum cum metropoli necesfitu-
dinem, vix opus est ut moneam, quam fuerit
Romanorum in coloniis deducendis ratio aliena
a confiliis, quae Graeci et vero Phoenices se-
cuti erant. Etenim harum gentium colonias
metropolibus non adeo fuisse obnoxias atque
subiectas, sed suis magis ipsas radicibus inni-
xas, maioriique libertate usas esse, iis, quae
an-

(400) LIVIUS XXVII. 9.

(401) *Idem.* XXVII. 10.

antea disputavimus, satis indicasse mihi videor. Romani vero, alia plane secuti, colonias ipsi gubernabant easque in sua semper potestate retinere studebant.

§ 4.

De utilitatibus, quas coloniae Romanis attulerunt.

Cum autem Romanis a primordiis iam civitatis constans esset mos, ut in urbes a se devictas civium partem deducerent, non potest quin varia commoda illud civitati attulerit. Hac enim parte in coloniam deducta, civitas ab iis liberabatur, qui, cum in ipsa urbe non satis haberent unde vitam quaererent, civitati magno forent periculo.

Neque hoc Tarquinius Superbum fugit, quippe qui, quia *urbi multitudinem, ubi usus non esset, oneri rebatur esse*, Signiam Circeiosque colonos misit (402). Praeterea, numero ante nimis magno, coloniis deductis admodum minuto, minore annonae penuria civitas premebatur, cuius necessitas identidem crescebat, crescente incolarum numero. Hoc etiam modo
agri

(402) LIVIUS I. 56.

agri devicti, quorum incolae Romam fere abducebantur, non relinquebantur inculti, sed a novis colonis summa cura colebantur. Hi autem copiam ibi inveniebant vitae feliciter agendaë, et tum sibi tum civitati egregie inserviebant; *sibi*, quum in novis sedibus invenirent, quod in urbe frustra quaesierant; *civitati*, cum, qui remansissent, minori annonae penuria laborarent (403), tum etiam quod coloni civitati annonam praeberent. Coloniae enim ea fere conditione deducebantur, ut certam statuto tempore fructuum partem penderent (404).

Coloniarum in devictorum hostium agros mittendarum more introducto, Romani intra angustos urbis muros non amplius sese continuerunt, sed Romanorum nomen identidem latius propagarunt, primum per vicos circumiacentes et oppida vicina, deinde per Italiam, denique per totum terrarum orbem. Illud igitur institutum, a Romulo introductum, mirum in modum imperio propagando profuit, atque amplitudinis Romani imperii, quae posterioribus fuit temporibus, initium et est et habetur (405). Si autem cogitemus, quam
fint

(403) DION. HAL. VII. 28.

(404) Exemplum vide apud DION. HAL. IX. 60.

(405) DION. HAL. II. 16.

sint parati devicti populi ad iugum excutendum, ad libertatem, omni auro pretiosiore, sibi recuperandam; quî tandem illos subiectos retinere potuissent Romani, nisi in illorum oppidis reliquissent aut in ea misissent, qui eorum animos coercerent, si quando res novas molirentur? Quod cum ipsa ratio docet, tum de colonia Camalodunum deducta tradit Tacitus; cum eam dicat, *validam veteranorum manu, subsidium adversus rebelles et imbuendis sociis ad officia legum* (406). Neque vero tales solum locos, quos coloni tenebant, sed omnes circumiacentes regiones observabant. Ceterum coloniis in agros deductis, devictorum horum animos coloni Romanis magis magisque conciliabant, in primis si populi illi rudiores essent, neque ad maiorem cultum evecti; nam licet sua sacra antiqua, mores, cet. retinebant, Romanorum tamen sacra, caerimoniae, ritus, leges, verbo tota Romanorum vitae ratio, tum publica, tum privata, introducebantur, quae omnia facile amplecterentur devicti.

Non minora aliae coloniae ad imperium firmandum afferebant, quod tam idoneis in locis essent sitae. Quae enim in finibus imperii collocatae erant, impediabant, quominus hostes impe-
ri-

(406) TACITUS Ann. XII. 32.

rium adorirentur atque infestarent. Hinc *propugnacula magis imperii Romani quam oppida Italiae* eas videri dicebat Cicero. Romani autem semper studuerunt, ut vastum et firmissimum haberent imperium: quod ut haberent, summopere semper studendum erat, ut imperii fines ab hostium incurfionibus essent tuti; ut hoc efficeretur, quid melius et efficacius, quam colonias in hisce finibus condere, umquam excogitari potuit? Exemplo fit Narbo Marcius, specula illa (ut eam appellat Cicero) populi Romani, et propugnaculum Gallis oppositum atque obiectum. Haec Romanis eo praesertim profuit, quod eos ab incurfionibus Gallorum, infestissimorum istorum Romani imperii hostium, liberaret. Numquam profecto Romanum imperium tot fuisset amplexum regiones, neque Romani tot populos legibus suis parentes habuissent, nisi a principio imperii fines contra hostium incurfiones muniissent. Adeo quidem, ut etiam hac in parte coloniae Romanorum non pauca contulerint ad rem Romanam augendam eamque ad maximam amplitudinem extollendam. Sagatis autem coloniis deducendis urbs levabatur magno militum seditiosorum numero, qui, tranquillitati publicae hostes inimicissimi, factionum principibus de principatu inter se certantibus, et totam civitatem moventibus, quibus se adiungebant, magnum vi-

ri-

rium momentum addebant; quibus in alias regiones abductis, sentina civium perniciosorum ex urbe exhauriebatur.

Cogitemus denique, colonias stipendiis et militibus in bellis auxilio venisse Romanis. Cogitemus, quanta ex hisce commoda perceperit res publica, tempore solummodo, quo Hannibal arma contra Romanos movebat. Nonnullae quidem a Romanis defecerunt, attamen per decem annos delectus et stipendia Romanis suppeditaverant, iisque tandem se exhaustas dicebant. Ceterae quae in fide manserunt, egregie Romanis omnibus quibusvis rebus opem tulerunt. Quanta autem ex iis Romani tunc commoda ceperint, ex uno illo discas, quod Livius memoriae prodidit: *harum coloniarum subsidio tum imperium Populi Romani stetisse* (407).

(407) LIVIUS XXVII. 10.

T A N T U M.



T H E S E S.

I.

*Licet CICERO ait, apud HERODOTUM innumera-
rabiles esse fabulas, non tamen eo histo-
riae, quam conscripsit, praestantiae, neque
ipsius auctoris dotibus quidquam detrahitur.*

II.

*Quod in foederibus pacis Graecorum non se-
mel constituebatur, ut oppida invicem red-*

T H E S E S.

derentur, de captis tantum intelligendum est, non vero de iis, quae sponte se dedidissent.

III.

Officiis boni historiarum scriptoris THUCYDIDES in bello Peloponnesiaco conscribendo egregie satisfecit, neque a DIONYSIO erat reprehendendus.

IV.

Translata Graeciae ἡγεμονία a Spartanis ad Athenienses universae Graeciae magis profuit quam nocuit.

V.

Iniuria Corinthii Spartanos reprehenderunt (apud THUC. I. 69.), quod hi, post bellum Medicum, Athenienses urbem munire et longos muros aedificare passi essent.

VI.

T H E S E S.

VI.

Institutis apud Romanos, SERVIO TULLIO auctore, centuriatis comitiis, plebis potestatem auctam, patriciorum minutam esse perperam nonnulli statuunt.

VII.

De tribunitia potestate vere dixit CICERO (de Legib III. 10): » Ego enim fateor, in ista » ipsa potestate inesse quiddam mali: sed » bonum, quod est quaesitum in ea, sine » isto malo non haberemus.»

VIII.

Ipsum illud Cunctari, a quo Q. FABIVS MAXIMVS suum cognomen accepit, magnas eius dotes egregie manifestat.

IX.

T H E S E S.

IX.

Expeditiones cruce signatorum Europae multa commoda attulerunt.

X.

Civitatum rationi, quae nunc est, potissimum tribuatur, quod eloquentia hisce temporibus non ita, ut a veteribus, Atheniensibus in primis et Romanis, excolitur.

XI.

Stoici quidem bonum, honestum, virtutem, sapientiam, cet, severius pro humana imbecillitate definiverunt, et ad illud, ut quis bonus esset, talia requisiverunt, quae homines assequi vix possunt: egregia tamen eorum circa has res fuerunt placita, et digna, quae quisque sibi tanquam regulas praescribat.

XII.

T H E S E S.

XII.

Praeclarum Solonis dictum, quod servavit

VALERIUS MAXIMUS VII. 2, § 2: Si in unum locum cuncti mala sua contulissent, futurum, ut propria deportare domum, quam ex communi miseriarum acervo portionem suam ferre mallent; *expresfisfe videtur* HERODOTUS VII. 152. *ubi scribit: εἰ πάντες ἄνθρωποι τὰ οἰκήτῃα κακὰ ἐς μέσον συνενείκαιεν, ἀλλάξασθαι βουλόμενοι τοῖσι πλησίοισι, ἐγκύψαντες ἄν ἐς τὰ τῶν πέλας κακὰ, ἀσπασίως ἕκαστοι αὐτέων ἀποφεροῖατο ὀπίσω τὰ ἐσενείκοντο. Ubi male τὰ κακὰ per mauvaises actions explicuit* LARCHERUS, *cum mala five calamitates sint intelligenda.*

XIII.

Quod tradit HERODOTUS VII. 205, *Leonidam ad Thermopylas profectum esse, ἐπιλεξάμενον ἄνδρας τοὺς κατεξεῶτας τριηχοσίους, vertendum est: trecentos certos, constitutos, si-ve trecentorum stabile et perpetuum agmen.*

In-

T H E S E S.

Intelligo autem trecentos equites, quos congregare solebant oi ιππαρχοι, ad id electi ab Ephoris.

XIV.

*Apud HERODOTUM II. 54. legendum: δύο γυναικας
'ιρας, ubi vulgo legitur: δύο γυναικας ιρητας.*

